

## Gen Bin Tagisi Luk da Mandagit

*But piso gen*

Luk unun Juda amin kinda dima. Unun Grik amin kinda. Ae nandak nandak amin madep kinda, ae wuda wamakyo kisi egipgut.

Gen Bin Tagisi Luk da mandagit unun da Yesu unun Israel amin gat ae Amin Iwakywari Kabi kisi yokwikon bay timit timit amin yan nolijban koman. Yesu pini wasarek ak do agit bisapmon minat aminyo yan yoyigit, “Telagi Wup da artagap aban Pinjkop dakon geni tagisi bupmi amin do yoyinj tentenagit.” (4.18 do koki) Asi, minat aminyo jigi mibili mibili pawit unun Yesu da yo tagisi anyomgut dakon geni morapmi Luk da mandagit.

Yesu dakon egip egipni morapmi do Luk kalon dagin yosok. Unun dakon geni papia diwarikon dima mandabi. Luk kalon dagin Yesu miktimon altagit bisapmon yo noman tawit unun do morapmi yosok. Ae Luk da Yesu da tilak gen kinda yagit unun Samaria amin kinda da kosiron kinj uwal da kisiron jigi pagit unun do mandagit. Ae Yesu da tilak gen kinda yagit unun monji kinda da datni yipman dek kigit unun do mandagit. Ae Luk dagin Sakius takis timit timit amin dakon geni mandagit.

Luk da yo diwari do morapmi yosok unun bisit pi tebaisi agak gat, ae Telagi Wup dakon pi gat, ae Pinjkop da minat amin dakon yokwini wiririk yomisak unun do yosok. Ae Luk da minat da yo awit unun do morapmi yosok.

Luk papia on kalon nanj gin dima mandagit. Yabekbi Papia yo kisi mandagit. Unun papiagwan Yesu Kwen Kokup wigakwan unun da kwenon yabekbi da pi awit unun dakon geni mandagit.

*Gen on Luk da Tiopilas do mandagit*

<sup>1-3</sup> Kila amin madep Tiopilas, amin morapmi da Pinjop da yo morap nin da binapmon agit unun dakon geni papiakon mandak do awit. Yo morap wasanjek altajakwa dabil da si pindagek yan terjenok awit amin dakon gen yolek mandawit. Unun amin Pinjop gen do pi awit. Ae nak unun yo morap si wasanjek noman tan anan opgwit unun dakon mibili pakyansi nandak do pini madepsi agim. Do gen morap on papiakon kilegisi mandan yipbo gagon opjak kar nandabo tagisi asak. <sup>4</sup> Papia on manjijek amin da gen morap gayiwit unun nandabi bamisi asak.

**Elisabet da Jon anjalagit**, ae Maria da Yesu  
anjalagit gat dakon gen

(Kilapmi 1.5–2.52)

*Jon dakon altok altok dakon but piso gen*

<sup>5</sup> Erot da Judia miktim dakon kila amin madep yikgit bisapmon mukwa sogok amin kinda egipgut mani Sekaraia. Sekaraia unun mukwa sogok amin Abiya da kabikon nani kinda. Minjatni Elisabet unun Aron da kabikon nani. <sup>6</sup> Pinjop da dabilon kilegisi egek Amin Tagi dakon gen teban madep ae moniji kisi guramikgimal. <sup>7</sup> Mani Elisabet monji sun egipgut, do isal egek minjat amin pelanyo agimal.

<sup>8</sup> Bisap kindakon Sekaraia gat mukwa sogok amin notni gat Pinjop da dabilon mukwa sogok pi awit. <sup>9</sup> Anek namin dasi Amin Tagi da telagi tamogwan wigi yo kibani tagisi sosak yan do anpakni yolek satu wasok awit. Yan aba Sekaraia dakon man da noman tanban mukwa sok do wigigit. <sup>10</sup> Wigi mukwa sojakwan yomakon minjat amin morap muwuk egek bisit pi awit.

<sup>11</sup> Anakwa Amin Tagi dakon aņelo kinda Sekaraia al-taņ ingut. Uņun alta mukwa kibani tagisi soson da tosoķ uņun da aminsi tet do aķgit. <sup>12</sup> Akban kaņek Sekaraia wuripdageķ pasalgit. <sup>13</sup> Mani aņelo da yaņ iyigit, “Sekaraia, Piņkop da bisitgo kili nandagit, do dima pasolgi. Miņatgo Elisabet da monji wili kinda aņalakdisak. Mani Jon yaņ iyiki. <sup>14-15</sup> Amin Tagi da iņamon mani wukwisi tokdisak, do gak butgo tagisi aņakwan kisik kisik akdisal. Ae amin morapmi da monji uņun altosak bisapmon kisik kisik akdaņ. Meņ da butgwan yitjagon da Telagi Wup da tugaņ iban egi aņaņ kikdisak. Wain ae pakbi tebanyo dimasi nosak. <sup>16</sup> Uņun da Israel amin morapmi paņtobilban aeni Amin Tagini Piņkopmon kikdaņ. <sup>17</sup> Elaija dakon aņpak tapmimyo paņek Amin Tagi mibiltan imiņek kikdisak. Uņun da miņat monjiyo gat datni gat dakon but paņkileķ aban but kalon akdaņ. Ae gen kirinģit amin dakon nandak nandak paņmilip aban amin kilegi dakon nandaņ kokwin tagisi yombem akdaņ. Aņek amin paņtagap aban tagap taņakwa Amin Tagi apdisak.”

<sup>18</sup> Yaņ yaņban Sekaraia da aņelo iyigit, “Nit miņat amin pelanyo kili agimak. Do gen yaņaki but bamot asat. Gen uņun niaņon da bami yosol yaņ nandakeņ?”

<sup>19</sup> Yaņban aņelo da yagit, “Nak Gabriel, nak Piņkop da iņamon akdat da yabekban gak do gen tagisi on gayik do abisat. <sup>20</sup> Gen gayisat uņun asi Piņkop da bisap yipgut uņun bisapmon noman tokdisak, mani nandabi bami dima asak, do gen yogok kositgo sopmaņakwan gen dimasi yaņek egi wigaki gen gayisat uņun bami noman tokdisak.”

<sup>21</sup> Yaņ nandat aņek egakwal amin jomjom aņegeķ Sekaraia nido bisap dubak Telagi Yut Madepmon egisak

yaŋ nandajeŋ but morap awit. <sup>22</sup> Yaŋ nandajeŋ egakwa Sekaraia yomakon piŋ gen yok do aŋtidok aŋek kisit dagin tilak anyomgut. Yaŋ aŋakwan kaŋek Telagi Yut Madepmon dipmin yombem kinda bo kak yaŋ nandawit.

<sup>23</sup> Sekaraia Telagi Yut Madepmon pi agak bisapni mudajeŋkan tobil kokupnikon kigit. <sup>24</sup> Paŋki egakwan don miŋatni Elisabet monji kwap awilek yutnon pasili egakwan kanek 5 mudawit. <sup>25</sup> Aŋakwan yaŋ yagit, “Amin Tagi da nak aŋpulugaŋban monji kwap awildat. Kalip monji mini egek amin da dabilon mayagisi nandagim, mani abisok kili uŋun mayagiŋo mudosok.”

### *Angel da Maria altaŋ* imgut

<sup>26-27</sup> Elisabet monji kwap awilgit uŋun dakon kanek 6 mudajeŋkan Piŋkop da aŋeloni Gabriel yabekban miŋatjok kinda mani Maria uŋun do kigit. Galili miŋtimon, kokup kinda mani Nasaret uŋudon egipgut. Maria uŋun amin kinda mani Josep, Dewit da kabikon nani uŋun pasak do manjikbi. <sup>28</sup> Gabriel Mariakon altaŋ imiŋek yaŋ iyigit, “Gildat tagi. Amin Tagi gak gat egisak. Piŋkop da miŋat diwari yapmaŋek gak do yo madep yaŋ nandisak.”

<sup>29</sup> Maria gen uŋun nandajeŋ burigwan da jigisi nandajeŋ yaŋ nandagit, “Ni gen kinda naŋ nayisak?” <sup>30</sup> Yaŋ nandajeŋkan iyigit, “Maria, dima pasolgi. Piŋkop da gak do nandaban tagisi asak. <sup>31</sup> Nandaki, gak monji kwap awilek monji kinda aŋalakdisal. Monji uŋun mani Yesu yaŋsi iyiki. <sup>32</sup> Uŋun da amin man madepni toŋ kinda egakwan amin da Piŋkop Wikwisi Dakon Monji yaŋ iyikdaŋ. Kalip babi Dewit da kila amin madep egipgut, uŋun da tilagon Amin Tagi Piŋkop da yipban kila amin madep kinda egipdisak. <sup>33</sup> Uŋun da Jekop dakon diwatni

---

1:26-27: Mt 1.16,18    1:31: Ais 7.14; Mt 1.21-23    1:32: 2Sa 7.12-13,16;  
Ais 9.7

dakon kila amin madepni bisap dagok dagogi mini egi ananj kinjek kilani akdisak.”

<sup>34</sup> Yan yanban Maria da anjelo yan iyigit, “Yo yosol unun nian anjek altosak? Nak amin kinda pagim.”

<sup>35</sup> Yanban anjelo da gen kobogi yan iyigit, “Telagi Wup da gagon obinjakwan Pinjkop Wikwisi unun dakon tapmim da gak kibitdisak. Unun do anjek monji anjalaki unun telagi egakwan amin da Pinjkop dakon Monji yan iyikdan.

<sup>36</sup> Nandaki, mamago Elisabet minjat pelanj kili agit, mani monji kwapni ton, do monji wili kinda anjalakdisak. Kalip amin da ‘Monji aripmi dima panjalasak’ yan yawit, mani abisok monji kwap kinda awilakwan kanek 6 mudosok.

<sup>37</sup> Pinjkop da yo kinda ak do nandisak kan, aripmi dimasi antidok asak.”

<sup>38</sup> Yanban Maria da yan iyigit, “Nak Amin Tagi dakon oman minjat egisat, do unun yosol nagon yan gin noman tosak dosi nandisat.” Yan yanjakwan anjelo da yipman kigit.

### *Maria da Elisabet kinj kagit*

<sup>39</sup> Unun bisapmon Maria tepmi kinjek miktim ilenji ton timon Judia miktim dakon kokup pap kindakon kigit.

<sup>40</sup> Kinj Sekaraia da yutnon wigi Elisabet gildat tagi yan iyigit. <sup>41</sup> Iyinjakwan unudon gin Elisabet monji burigwan yikgit unun wigi mok agit. Anjakwan Elisabet Telagi Wup da burikon pigi tujanban <sup>42</sup> madepsi yan tidanjek yagit,

“Pinjkop da yo tagisi minjat diwari do yomisak unun si yapman mudanjek gisamni madepsi gamisak. Ae monji unun gak da buron yikdak ununyo kisi Pinjkop da gisamikdak!

<sup>43</sup> Amin Tagino dakon menji nagon nido obisak? Nak minjat tagi dima. <sup>44</sup> Gak da gildat tagi yan nayinjaki unudon gin monji butnogwan yikdak kisik kisik anjek wigi mok

ak. <sup>45</sup> Amin Tagi da gen gayigit unun nandabi bami asisi noman tokdisak yan nandagil, do kisik kisik tagi abi.”

*Maria da kisik kisik kap kinda yagit*

<sup>46-49</sup> Yan yanban Maria da yagit, “Nak oman miñatni gin, ae mano minisi, mani nak do yo tagisi asak, do but dasi Amin Tagi anjkisiat. Anjakwan butno da Piñkop Panpulgok Amino do kisik kisik asak. Piñkop Tapmim Ami da nak do yo madepsi kinda asak, do abisok ae don kisi amin da Piñkop da gisamni madepsi namisak unun do yokdan. Mani unun telagisi toso. <sup>50</sup> Amin Piñkop do pasolgoñ unun amin bupmi nandan yomisak. Abisok ae don miñat amin morapyo yan ginsi bupmi nandan yomiñ anañ kikdisak. <sup>51</sup> Iyi dakon kisit dasi pi tapmimi toñ agit. Amin iyi do nandaba wigiwit amin unun yolban waseñ kiwit. <sup>52</sup> Kila amin madep yityit tamo madepmon yikgañ unun pabiñ yopmañek mani mini amin pañenokdok. <sup>53</sup> Amin jap do an unun yo tagisi morapmi yomiñakwan buri tugon. Anek amin yoni morapmi unun yolban yoni mini da kwan. <sup>54-55</sup> Iyi dakon oman monjini Israel panpulganeñ yan teban tok gen Abraham gat ae babikni gat do yoyigit unun dima iñtagit. Yan teban tok geni anteban anek unun yawi diwatni dagok dagogi mini bupmi nandan yomiñ anañ kisak.”

<sup>56</sup> Maria kanek kapbi Elisabet gat egek don kokupnikon tobil kigit.

*Jon altagit*

<sup>57</sup> Elisabet da monji anjalasak dakon bisap abinakwan monji wili anlagit. <sup>58</sup> Analanek kisik kisik anjakwan Amin

---

**1:46-49:** 1Sa 2.1-10    **1:50:** Kap 103.13,17    **1:51:** 2Sa 22.28    **1:52:** Jop 12.19; 5.11; Kap 147.6    **1:53:** Kap 34.10    **1:54-55:** WW 17.7; Mai 7.20; Kap 98.3

Tagi da bupmi nandanɗ ingut dakon gen nandanɗek kokup isalni gat ae yawi diwatni gat kisi da but galaksi nandawit.

<sup>59</sup> Altaɗ gildatni 8 mudanɗakwan giptimni mandak do apgwit. Abiɗek datni Sekaraia dakon man naɗ iyik do nandawit, <sup>60</sup> mani menji da yaɗ yaɗit, “Dima, mani Jon yaɗsi iyineɗ.”

<sup>61</sup> Yanɗan iyiwit, “Yawi diwatjikon Jon man kinda dima tosok.”

<sup>62</sup> Yaɗ yaɗek datni ni man naɗ yok do nandisak yaɗ do kisit tilak aɗ ingwit. <sup>63</sup> Aba Sekaraia da yo kinda kaɗ iba kilda mandisak do tilak aɗ yoban iba yaɗ mandagit, “Mani uɗun Jon.” Yaɗ mandaban nandaba yo ɗwakywarisi agit.

<sup>64</sup> Uɗudon gin gen yogokni pisanɗakwan gen wasaɗek yaɗek Piɗkop aɗkisigit. <sup>65</sup> Aɗakwan kokup isalni da kaɗ pasalek uɗun dakon geni yaɗba Judia miɗtim ilenji ton timon kokup morap tawit amin kisisi da nandawit. <sup>66</sup> Aɗek uɗun do nandanɗ kokwin aɗek egipgwit. Amin Tagi dakon tapmim taɗ ingut, do yaɗ yawit, “Uɗun monji tagaɗek niaɗ amin kinda egipdisak?”

### *Sekaraia da kombi gen yaɗit*

<sup>67</sup> Jon dakon datni Sekaraia Telagi Wup da burikon pigi tugaɗban kombi gen yaɗek yaɗ yaɗit: <sup>68</sup> “Israel dakon Piɗkop da abiɗ amini yokwikon baɗ yumaɗ naɗ nipgut, do Amin Tagi aɗkisino. <sup>69</sup> Oman monjini Dewit da kabikon da nin paɗpulugosak do amin tebaisi kinda aɗnoman agit.

<sup>70</sup> Kalip kombi amin telagi da yaɗ yawit, <sup>71</sup> ‘Piɗkop da uwalnin gat ae amin morap nin do nandaba yokwi tok aɗ nimaɗ amin da kisiron baɗ pulugaɗ nipdisak.’ <sup>72</sup> Saɗbek saɗbek telagisi agit uɗun sigin nandanɗek babiknin bupmi nandanɗ yom do yaɗit. <sup>73-74</sup> Babiknin Abraham yaɗ iyigit,

1:59: WW 17.12; MS 12.3; Lk 2.21      1:68: Kap 72.18      1:69: Kap 18.2

1:71: Kap 106.10      1:72: WW 17.7; Kap 105.8-9      1:73-74: WW 22.16-17

‘Nak asisi uwalji da kisiron ban pulugan depbo pasol pasoli mini egek oman amino egipdan. <sup>75</sup> Gildari gildari nak da inamon telagisi ae kilegisi egi anan kikan.’

<sup>76</sup> “Jon, monjino, gak don Pinkop Wikwisi dakon kombi amin kanda yan gayikdan. Gak Amin Tagi mibiltan iminek kositni yuldisal. <sup>77-78</sup> Anek minat amin kabiyoni yoyin dekbi mibilni nandaba pisosak. Pinkopnin unun bupmini madepsi, do diwarini wiririk yominek pulugan timitdisak yan nandani. Unun da Kwen Kokup dakon tenjeni madep yipban <sup>79</sup> pilin tukgwan ekwan amin da tenjeni kokdan. Unun da kosit noliban kanek but yawot dakon kositnan kiner.”

<sup>80</sup> Unun monji, wup gipyo kisi tapmimi tonji tagagit. Anakwan miktim amin dima ekwan timon egakwan don noman tanban Israel amin da kawit.

## 2

*Yesu altagit*

*(Mt 1.18-25)*

<sup>1</sup> Unun bisapmon Rom dakon kila amin madep Sisa Ogastus da gen teban kanda yipgut. Pi monjini kin amin miktimi miktimi ekwan unun mani mandani do gen teban yipgut. <sup>2</sup> Man mandawit unun pi kaluksi awit. Unun bisapmon Kwirinius da Siria provins dakon kila amin madep egipgut. <sup>3</sup> Sisa Ogastus da gen teban yan yipgut, do amin kisisi mani mandani do kokupni kokupni kin mudawit.

<sup>4</sup> Josep unun Galili provinskon, Nasaret kokupmon egipgut. Mani Dewit da yawi diwaron da altagit, do Judia provinskon, Dewit dakon kokup Betlehem unudon kigit. <sup>5</sup> Minatni pasak do manjikbi Maria unun gat



kisi mani mandani do kigimal. Ujun bisapmon Maria monji kwapni toj da kigit. <sup>6</sup> Kiñ Betlehem kokupmon altan egakwal Maria monji altosak dakon bisapni apgut. <sup>7</sup> Amin da yuman nanek dipmin pokgon yut unun amin da yikba tugagit, do bulmakau yut kindakon pawigi yikgimal. Yigakwal monji mibiltogi altanban Maria da imalnañ wamañ bulmakau idapmon yipban pakgit.

*Sipsip* kila amin da gen bin Nandawit

<sup>8</sup> Bulmakau yutnon yigakwa Betlehem kokup da kapmatjok sipsip kila amin diwari da pilin kaga sipsip kila anek jon timon egipgwit. <sup>9</sup> Egakwa Amin Tagi dakon anelo kinda da altan yomgut. Aban Amin Tagi dakon tenjeni da tenjenan yoban madepsi pasalgwit. <sup>10</sup> Anakwa anelo da yan yoyigit, “Ji dima pasolni. Nandani, nak gen tagisi kinda anabisat. Ujun amin kisi da nandanek kisik kisik madepsi akdan. <sup>11</sup> Abisok Amin Tagi Kristo unun Dewit da kokupmon ji do altak. Ujun ji yokwikon ban timit do altak. <sup>12</sup> Ji kiñ monji njakjak imalnañ wabi bulmakau idapmon potdisak do wisin koni. Ujun kanek bami dayisat yan nandani.”

<sup>13</sup> Gen yan yanakwan unudon gin Kwen Kokup anelo morapmisi da pin notnikon muwugek Pinkop ankisinek yan yawit: <sup>14</sup> “Ason Kwen Kokup Pinkop ankisino. Miktimon amin galak tan yomisak unun kabikon but yawot tosak.”

*Sipsip* kila amin da Yesu analon awit

<sup>15</sup> Anelo da Kwen Kokup tobil wigakwa sipsip kila amin da notni yoyin yoyin anek yan yawit, “Nin Betlehem kokupmon wigi Amin Tagi da gen niyisak unun dakon bami kono.” <sup>16</sup> Yan yanek tepmisi wigi Maria gat Josep gat panalon anek, monji njakjak unun bulmakau idapmon

pakban kawit. <sup>17</sup> Kanjek monji dakon gen bin nandawit unjun yanj tenjenganba <sup>18</sup> nandajek amin kisisi nandaba yo njwaknjwarisi agit. <sup>19</sup> Anjakwa Maria da gen unjun nandaban yo madep aban nandajek egipgut. <sup>20</sup> Anjakwan sipsip kila amin da tobil kinjek anjelo da gen yoyigit unjun da aripmon pindakgwit, do Pinjkop anjkisiwit.

*Yesu do man imgwit*

<sup>21</sup> Gildatni 8 anjakwan, giptim mandak bisapmon, mani Yesu yanj iyiwit. Dima altanakwan anjelo da unjun man kili yagit.

*Simeon gat Ana gat da Yesu Telagi* Yut Madepmon kagimal

<sup>22</sup> Josep gat Maria gat Pinjkop da injamon kilek tok dakon bisap kili noman tagit. Unjun dakon gen Moses dakon gen tebanon tosok. Do Maria gat Josep gat da Yesu Monji Amin Tagi do paret do Jerusalem anjkigimal. <sup>23</sup> Amin Tagi dakon gen teban kinda mandabi nanj yolek kigimal. Gen unjun yanj:

“Minjat kinda monji mibiltogi unjun wili kanj, unjun Amin Tagi do paret do.”

<sup>24</sup> Ae Amin Tagi dakon gen teban yolek paret ak do kigimal. Gen teban unjun yanj tosok:

“Kinarim bamori bo ae yigi yigi bulagi bamori banj mukwa soni.”

<sup>25</sup> Unjun bisapmon amin kinda Jerusalem egipgut unjun mani Simeon. Unjun amin anpakni kilegisi ae Pinjkop gawak iminj anjisinyo anjek egipgut. Pinjkop da Israel amin kabi but yokwikon egipgwit unjun butni parteban asak do manjikbi amin unjun do jomjom anjek egipgut. Simeon unjun Telagi Wup da burikon tugarbi amin kinda.

2:19: Lk 2.51

2:21: Lk 1.31

2:22: MS 12.1-8

2:23: TP 13.2,12

2:24: MS 12.8

<sup>26</sup> Telagi Wup da burikon gen yanj kili iyigit, “Gak tepmi dima kimotdisal. Amin Tagi dakon Kristo kanjek don kimotdisal.”

<sup>27</sup> Simeon Telagi Wup da antagap aban Telagi Yut Madepmon kigit. Anakwan Yesu menji datniyo da gen teban yolek Yesu anjan opgumal. <sup>28</sup> Anopbal Simeon da Yesu bedanek Pinjkop anjisiyek yanj yagit: <sup>29</sup> “Amin Tagi Tapmim Ami, kalip yagil unjun da tilagon oman amingo nak but yaworon da tagi kimokgenj. <sup>30</sup> Nin yokwikon banj timit do anjek yo asal unjun dabilno da kili unjun kosot. <sup>31</sup> Amin morap da dabilon yo anjnoman asal oni komanj. <sup>32</sup> Unjun da Amin Ijwakjwari Kabi miktimi miktimi ekwanj unjun dakon but panjenjenj aban Pinjkop dakon mibili nandakdanj. Anjek gak dakon amin kabigo Israel dakon tilimni egipdisak.”

<sup>33</sup> Yesu dakon menji datniyo Simeon da gen yagit unjun nandanek nandabal ijwakjwarisi agit. <sup>34</sup> Anakwal Simeon da gisam yomihek Monji dakon menji Maria yanj iyigit, “Nandaki, Israel amin morapmi da on Monji do anjek manj potdanj, ae morapmi da pidokdanj. But tobil ani do Pinjkop da yabekgit, mani yanjba yokwi tok anj imdanj. <sup>35</sup> Yanj anjek amin morapmi dakon nandak nandak pasili tonj unjun panjenjenj akdisak. Anjek but yokwi da emat agak siba da yanj wamgo sugokdisak.”

<sup>36</sup> Unjun bisapmon kombi amin minjat pelanji kindi egipgut, mani Ana. Unjun Panuel, Ase da kabikon nani dakon gwi. Unjun kalip amin paban egakwal bilak 7 kabi mudanjakwan eni kimakgit. <sup>37</sup> Eni kimagakwan sakwabat egakwan bilakni 84 agit. Ana unjun telagi yut dima yipmanj dekgit. Jap kelek egek bisit pi anjek kalbi ae gildat kalba Pinjkop gawak imihek egipgut. <sup>38</sup> Unjun bisapmon unjun

**2:30:** Ais 52.10; Lk 3.6; Tit 2.11  
8.14; Mt 21.42; 1Pi 2.8

**2:32:** Ais 42.6; 49.6; 52.10

**2:34:** Ais

kisi obin Monji karék Pinjkop ya yan iyigit. Yan anek Pinjkop da Jerusalem amin panpulgusak do jomjom awit amin, unun ban Monji dakon gen yoyigit.

*Aeni Nasaret Kokupmon kiwit*

<sup>39</sup> Yo morap Amin Tagi da gen tebanon tosoq unun an mudanek tobil Galili provinskon iyi da kokup Nasaret unudon kiwit. <sup>40</sup> Monji tagan teban taneq nandan kokwini tagisi tan imgut. Ae Pinjkop dakon gisamni madepsi tan imgut.

*Yesu monjisok da Telagi Yut Madepmon wigigit*

<sup>41</sup> Bilagi bilagi Yesu dakon meni datniyo Yapyap Bilak kok do Jerusalem kin kin awit. <sup>42</sup> Yesu bilakni 12 anakwan Yapyap Bilak dakon anpak yolek Jerusalem kiwit. <sup>43</sup> Unun bilak dakon bisap madep mudanakwan meni datniyo tobil kokupnikon kik do kigimal. Mani Yesu Jerusalem sigin egipgut. Egakwan meni datniyo Yesu sigin egisak yan dima nandagimal. <sup>44</sup> Amin agipgwit gat akwan bo yan nandaneq agakwal gildat kinda mudagit. Don diwatni ae notni agipgwit da bikbiknikon wusigimal. <sup>45</sup> Wusin dima analon an aeni tobil Yesu wusineq Jerusalem kigimal. <sup>46</sup> Kin gildat kapbi wusin mudaneq don Telagi Yut Madepmon analon agimal. Unudon kanbal yoyindet amin da binapmon yigek gen yanakwa nandaneq mibili nandak do yoyin yoyin agit.

<sup>47</sup> Amin morap mirak paneq yikgwit unun nandak nandakni ae kobogi bamisi yagit unun do nandaba njaknjwarisi agit. <sup>48</sup> Meni datniyo kan wiripdagek meni da yan iyigit, “Monji, gak nido yan anaki wusamak? Datgo gat nit gak do nandaba kik anek wusamak.”

<sup>49</sup> Mani kobogi yan yoyigit, “Jil nido nak wusik do pi amal? Nak Datno da yutnon egipmisi egisat jil unun dima

nandamal?” <sup>50</sup> Mani gen yoyigit dakon mibili nandabal dima pisagit. <sup>51</sup> Yesu meji datni yolban tobil Nasaret si kinjek bisapmi bisapmi meji datni dakon geni guramikgit. Anjakwan meji da unun yo morap agit do nandaban yo madep aban nandajek egipgut. <sup>52</sup> Yesu tagajek nandaj kokwini tagisi tanj imgut, ae Pinjkop da galak tanj imjakwan aminyo kisi da galak tanj imgwit.

## Yesu da pini ak do anakwan kositni yul do yo morap noman tawit dakon gen

### 3

(Kilapmi 3.1–4.13)

*Jon da Pinjkop gen yagit*

*(Mt 3.1-12 ae Mk 1.2-8 ae Jn 1.19-28)*

<sup>1</sup> Sisa Taiberius da Rom dakon kila amin madep egakwan bilak 15 anakwan Pontias Pailat da Juda gapman dakon mibiltok amin egipgut. Ae unun bisapmon gin Erot da Galili miktim kila agit. Anjakwan padige Pilip da Ituria miktim ae Takonitis miktim kila agit. Anjakwan Lisanas da Abilene miktim kila agit. <sup>2</sup> Anjakwan Anas gat Kaiapas gat da mukwa sogok amin dakon mibiltok amin egipgumal. Unun bisapmon Sekaraia dakon monji Jon miktim amin da aripmi dima egipmi timon egakwan Pinjkop da geni imgut. <sup>3</sup> Iban Jon unun Jordan Pakbi oba tosogon miktim morap tonj unudon agek Pinjkop dakon gen yagit. Amin but tobil ajek telagi pakbi sonakwa Pinjkop da diwarini yopmanj yomjak do yoyigit. <sup>4</sup> Yanj anakwan kombi amin Aisaia da papiakon gen mandabi unun bami tagit. Gen unun yanj:

“Miktim amin da aripmi dima egipmi timon amin kinda da yanj tidajek yosok,

‘Amin Tagi dakon kosit anjdimdim ani, kositni pasinj anjmilip ani.

<sup>5</sup> Anej dangap madep pekba tugoni ae ilej morap pasinba kositni kilegisi asak.

Ae kosit girenji panjmilip aba kilegisi asak.

Ae kosit yokwi panjmilip aba wagil gwaljigi minisi asak.

<sup>6</sup> Yanj anakwa minat amin morapyo da Pinjkop da nin yokwikon banj timit do anej pi asak unun koni.’”

<sup>7</sup> Amin morapmi Jon da telagi pakbi soj yomjak do abinjakwa yanj yoyigit, “Ji tunon amin emari tonj dakon gwakni kabi. Pinjkop da butjap nandanej yokwi pakpak do yo yokwisi anj yomdisak. Pinjkop dakon butjap apdisak yanj namin da unun dakon but piso dayik da unun yap do pasal kwanj? <sup>8</sup> Ji but tobil bamisi anej anpakjikon but tobil dakon bami anjalon ani. Ji disi do ‘Nin Abraham dakon babikni’ yanj dima yoni. Nak yanjsi dayisat, Pinjkop da yanban on tip kabi da Abraham dakon babikni tagi dagoni. Ji unun Abrahamon da altawit unun da yo madep dima asak. <sup>9</sup> Parenka kindap mibilon yipbi da tosok. Kindap morap bami tagi dima toni unun mandanj kindapmon maba pigi sokdanj.”

<sup>10</sup> Amin da Jon dakon gen unun nandanej yanj iyiwit, “Nin nianjsi anej?”

<sup>11</sup> Yanjba Jon da kobogi yanj yoyigit, “Amin kinda paba pigikni bamori kanj, minini amin do kinda imjak. Ae japni tanj iman aminyo kisi yanj gin asak.”

<sup>12</sup> Yanj yanban takis timit timit amin diwari telagi pakbi sok do apgwit unun da yanj iyiwit, “Yoyijdet, nin nianjsi anej?”

<sup>13</sup> Iyinjba yoyigit, “Ji takis gapman da dayisak unun da aripmon gin timitni. Ae sanjbenek di gat dima timitni.”

<sup>14</sup> Ae emat amin diwari da yaŋ iyiwit, “Ae nin nianŋi aneŋ?”

Iyɨba yoyigit, “Ji amin yo yokwi aŋ yomiŋek top yoyiŋek moneŋni diŋa timitni. Topmon da gen pikon diŋa yopni. Pi aŋ dakon yumaŋ nogi timikgaŋ uŋun aripninon timikgamaŋ yaŋ nandaba mudosak.”

<sup>15</sup> Amin da butni pidaŋban but morap aŋek yaŋ nandawit, “Jon uŋun Kristo bo?”

<sup>16</sup> Yaŋ nandaŋakwa Jon da yaŋ yoyigit, “Nak pakbisi baŋ telagi pakbi soŋ damisat. Mani nak da manjikon abisak amin uŋun dakon tapmim da nak dakon tapmim yapmaŋdak. Nak yombem yokwi da kandap gwil napni tagi diŋa witdalgeŋ. Uŋun amin da Telagi Wup gat ae kindap gat soŋ damdisak. <sup>17</sup> Uŋun wit dakon sibiŋ sibiŋ wiririt kindap kirɨŋni kisitnikon taŋakwan apdisak. Abiŋek bami kokwinik tamonikon yopmaŋek sibiŋ sibiŋ wiririk maban kindap kimot kimori mini uŋudon sokdaŋ.”

<sup>18</sup> Jon nawa gen morapmi gat kisi amin dakon but pisoni do yoyigit. Yaŋ aŋek Gen Bin Tagisi yaŋ tenŋeŋaŋ yomgut.

### *Erot da Jon dam tebanon yipgut*

<sup>19</sup> Jon da gapman dakon kila amin madep Erot tebai kaŋ yagit, nido Erot da padige dakon miŋatni Erodias tuwil pagit, ae aŋpak yokwi di kisi agit. <sup>20</sup> Erot yokwi kindap gat sigin saŋbeŋ aŋek Jon dam tebanon yipgut.

### *Jon da Yesu telagi pakbi soŋ imgut*

*(Mt 3.13-17 ae Mk 1.9-11)*

<sup>21</sup> Amin morap telagi pakbi soŋakwa Yesu yo kisi sogit. Soŋek bisit aŋakwan kundu witdal kigit. <sup>22</sup> Witdal kiŋakwan Telagi Wup kinarim da miktimon paŋ uŋun da tilak Yesukon pigit. Aŋakwan Kwen Kokupgwan da

gen kinda yarj altagit: “Gak Monjino. Butdasi galak tarj gamisat. Butno gak do tagisi asak.”

*Yesu dakon babini dakon man silip  
(Mt 1.1-17)*

<sup>23</sup> Yesu bilakni 30 da tilak anjakwan pini wasagit.  
Yesu unjun Josep dakon monji amin da yarj nandawit.

Josep unjun Eli dakon monji.

<sup>24</sup> Eli unjun Matat dakon monji.

Matat unjun Liwai dakon monji.

Liwai unjun Melki dakon monji.

Melki unjun Janai dakon monji.

Janai unjun Josep dakon monji.

<sup>25</sup> Josep unjun Matatias dakon monji.

Matatias unjun Amos dakon monji.

Amos unjun Naum dakon monji.

Naum unjun Esli dakon monji.

Esli unjun Nagai dakon monji.

<sup>26</sup> Nagai unjun Mat dakon monji.

Mat unjun Matatias dakon monji.

Matatias unjun Semen dakon monji.

Semen unjun Josek dakon monji.

Josek unjun Joda dakon monji.

<sup>27</sup> Joda unjun Joanan dakon monji.

Joanan unjun Resa dakon monji.

Resa unjun Serubabel dakon monji.

Serubabel unjun Sealtiel dakon monji.

Sealtiel unjun Neri dakon monji.

<sup>28</sup> Neri unjun Melki dakon monji.

Melki unjun Adi dakon monji.

Adi unjun Kosam dakon monji.

Kosam unjun Elmadam dakon monji.



- Elmadam uꞑun Er dakon monji.
- <sup>29</sup> Er uꞑun Josua dakon monji.  
Josua uꞑun Eliesa dakon monji.  
Eliesa uꞑun Jorim dakon monji.  
Jorim uꞑun Matat dakon monji.  
Matat uꞑun Liwai dakon monji.
- <sup>30</sup> Liwai uꞑun Simeon dakon monji.  
Simeon uꞑun Juda dakon monji.  
Juda uꞑun Josep dakon monji.  
Josep uꞑun Jonam dakon monji.  
Jonam uꞑun Eliakim dakon monji.
- <sup>31</sup> Eliakim uꞑun Melea dakon monji.  
Melea uꞑun Mena dakon monji.  
Mena uꞑun Matata dakon monji.  
Matata uꞑun Natan dakon monji.  
Natan uꞑun Dewit dakon monji.
- <sup>32</sup> Dewit uꞑun Jesi dakon monji.  
Jesi uꞑun Obet dakon monji.  
Obet uꞑun Boas dakon monji.  
Boas uꞑun Salmon dakon monji.  
Salmon uꞑun Nason dakon monji.
- <sup>33</sup> Nason uꞑun Aminadap dakon monji.  
Aminadap uꞑun Atmin dakon monji.  
Atmin uꞑun Ani dakon monji.  
Ani uꞑun Esron dakon monji.  
Esron uꞑun Peres dakon monji.  
Peres uꞑun Juda dakon monji.
- <sup>34</sup> Juda uꞑun Jekop dakon monji.  
Jekop uꞑun Aisak dakon monji.  
Aisak uꞑun Abraham dakon monji.  
Abraham uꞑun Tera dakon monji.  
Tera uꞑun Nao dakon monji.

- <sup>35</sup> Nao ujun Seruk dakon monji.  
 Seruk ujun Reu dakon monji.  
 Reu ujun Pelek dakon monji.  
 Pelek ujun Ebe dakon monji.  
 Ebe ujun Sela dakon monji.
- <sup>36</sup> Sela ujun Kainan dakon monji.  
 Kainan ujun Apaksat dakon monji.  
 Apaksat ujun Siem dakon monji.  
 Siem ujun Noa dakon monji.  
 Noa ujun Lamek dakon monji.
- <sup>37</sup> Lamek ujun Metusela dakon monji.  
 Metusela ujun Enok dakon monji.  
 Enok ujun Jaret dakon monji.  
 Jaret ujun Malalel dakon monji.  
 Malalel ujun Kenan dakon monji.
- <sup>38</sup> Kenan ujun Enos dakon monji.  
 Enos ujun Set dakon monji.  
 Set ujun Adam dakon monji.  
 Adam ujun Pinjkop dakon monji.

## 4

### *Sunduk da Yesu anjkewalgit* (Mt 4.1-11 ae Mk 1.12-13)

<sup>1</sup> Yesu Telagi Wup da burikon tugarban Jodan Pakbikon da tobil apgut. Abinakwan Telagi Wup da iyin anan miktin amin da aripmi dima egipmi timon anjkit. <sup>2</sup> Kin unudon gildat 40 japmi mini egek jap do madepsi agit. Anakwan Sunduk da anjkewalgit. <sup>3</sup> Anjkewalek yan iyigit, “Gak asi Pinjkop dakon Monji egisalon yanbi tip on da bret daganban.”

<sup>4</sup> Yanjban Yesu da yanj iyigit, “Pinjkop da papiakon gen yanj tosok:

‘Bret dagin amin egip egip tagi dima yomjak.’”

<sup>5</sup> Yanj yanjban Sunduk da Yesu iyinj ananj ilej dubagisi kindakon wigeke unjudon gin on miktimon miktim madep madep morap kisi yolijban pindakgit. <sup>6</sup> Anek yanj iyigit, “On miktim madep kisi kilani aki do yanj mudanj gabo man madep paki. On miktim madep kisi nak dakon, do amin kindo do im do nandakenj kanj tagi ibenj. <sup>7</sup> Gawak nabi kanj, on yo morap gak do gaminj mudokenj.”

<sup>8</sup> Yanj yanjban Yesu da iyigit, “Pinjkop da papiakon gen yanj tosok:

‘Amin Tagi Pinjkopji unjun nanj gin gawak iminjek oman anjinni.’”

<sup>9-11</sup> Yanj yanjban Sunduk da Yesu iyinj ananj Jerusalem kokup papmon kigit. Kinj Telagi Yut Madep da kwenon awigi yipmanj yanj iyigit, “Pinjkop da papiakon gen kindo yanj tosok:

‘Unjun da anjeloni yoyinjban kilago tagisi ani. Ae kandapgo tipmon dima gitni yanj do ajelo da gak kisit da kendak abinj gepni.’

Gen yanj tosok, do gak asi Pinjkop dakon Monji kanj, gak amon mibilikon panj ma.”

<sup>12</sup> Yanjban Yesu da iyigit, “Pinjkop da papiakon gen kindo yanj yosok:

‘Amin Tagi Pinjkopji dakon tapmim kok do anek dimasi anjkewaldo.’”

<sup>13</sup> Sunduk da panjkewal morap unjun anj mudanjek ae bisap kindakon don anjkewalgenj yanj nandanjek Yesu yipmanj kigit.

**Yesu unun Galili Provinskon** kinej Wup da  
teban togon pini wasagit  
(Kilapmi 4.14–9.50)

*Yesu unun Galili Provinskon pini wasagit  
(Mt 4.12-17 ae Mk 1.14-15)*

<sup>14</sup> Yesu unun Wup da teban togon aeni tobil Galili miktimon kigit. Kijakwan miñat amin morapyo kokup teri teri egipgwit unun da gen bini nandawit. <sup>15</sup> Bisapmi bisapmi Juda amin da muwut muwut yutnon wigeke amin yoyiñ dekgit. Yan anjakwan amin kisi da anjkiwawit.

*Nasaret amin da Yesu do nandaba yokwi tok awit  
(Mt 13.53-58 ae Mk 6.1-6)*

<sup>16</sup> Yesu unun Nasaret kokupmon kigit. Kalip unun kokupmon egeke tagan teban taneke amin tagi agit. Sabat bisapmon Juda amin da muwut muwut yutnon wigi wigi agit unuderñ gin Sabat kindakon wigigit. Anjek Pinjop dakon gen manjik do pidan akit. <sup>17</sup> Pidan agakwan kombi amin Aisaia dakon papia iba abidan witdalek gen yan nan manjigit:

<sup>18</sup> “Amin Tagi dakon Wupni nagon tosok, nido amin yoni minikon kineke Gen Bin Tagisi yoyiken do nak manjineke but nelak tagil namgut.

Ae dam tebanon ekwan amin pulugan ki abigini yan yoyiken do yabekgit.

Ae dabili mini amin tagi sijtoni, ae amin da pabin yopmangan amin unun pulugan yopben do yabekgit.

<sup>19</sup> Amin Tagi da miñat amin kabini yo tagisi anyomdisak dakon bisap kili abisak unun dakon yan tenjenok aken do yabekgit.”

<sup>20</sup> Yesu unun gen manjiŋ mudaneŋ papia giroŋigek kila amin do imiŋek yikgit. Yiŋakwan unun muwut muwut yutnon amin kisi dabilni Yesukon gin taŋakwan yikgit.

<sup>21</sup> Anakwa Yesu da yaŋ yoyigit, “Piŋkop dakon gen manjiko nandayŋ unun abisok dabiljikon bami toŋ asak.”

<sup>22</sup> Yaŋban amin gen yagit do nandaba tagisi anakwan yawit, “Mao! On Josep dakon monji da niaŋonsi da gen galagisi on yosok?”

<sup>23</sup> Yaŋba Yesu yoyigit, “Amin da gen kinda yoŋ unun yaŋ: ‘Wuda wamak gaga dakon giptim anmilip a.’ Unun gen nak nayikdaŋ, ma? Ae ‘Kapaneam kokupmon wasok agil do amin da yaŋba nandagiŋ unun yomaninon yaŋ gin abi do nandamaŋ’ yaŋ nayikdaŋ, ma? <sup>24</sup> Nak asisi dayisat, kombi amin morap kokup kalonni da geni dima nandaŋ yomaŋ. <sup>25</sup> Asisi, kombi amin Elaija da bisapmon sikak dima maŋakwan bilak kapbi ae kanek 6 yaŋ egek jap do madepsi awit. Unun bisapmon Israel miktimon sakwabat morapmi egipgit. <sup>26</sup> Mani Piŋkop da Elaija Israel sakwabat kinda do dima yabekgit. Sakwabat kinda Sarepat kokupmon egipgut unun do yabekban kigit. Sarepat unun Saidon kokup da tetgin do tosoŋ. <sup>27</sup> Ae kombi amin Elisa da bisapmon Israel miktimon wuda tebani toŋ amin morapmi egipgit, mani kinda dima kilek tagit. Siria miktimon nani amin kinda mani Neman unun dagin kilek tagit.”

<sup>28</sup> Yaŋ yaŋban amin muwut muwut yutnon egipgit kisi da japmisi nandaneŋ <sup>29</sup> piŋdaŋ Yesu yolba kokup da wanga pigigit. Kokup unun ileŋon tagit, do tipdomon maba pigisak do ankiwit. <sup>30</sup> Mani amin da bikbiŋon da si kigit.

*Yesu da amin* kinda koɲni yol imgut  
(Mk 1.21-28)

<sup>31</sup> Yesu Nasaret kokup yipmanɛk Galili miɲtimon kokup kinda mani Kapaneam unjudon piɲigɪt. Pabigi egek Sabat bisap morapmon amin yoyiɲ dekgit. <sup>32</sup> Yoyiɲ degakwan amin kinda man madepni toɲ da gen ɲwakɲwarisi niyisak yaɲ nandawit.

<sup>33</sup> Koɲni toɲ amin kinda Juda amin da muwut muwut yutnon yiɲgit. Unun da madepsi yaɲ tidanɛk yaɲ yagit, <sup>34</sup> “Yesu, Nasaret amin, gak nibaɲ aɲnim do nandisal? Nin paɲupbal ak do abil? Nak nandaɲ gamisat, gak Piɲkop Dakon Telagi Amini.”

<sup>35</sup> Mani Yesu da koɲ tebai yaɲ iyigit, “Gak gen dima yaɲɛk amin on yipmanɛ det!” Yaɲ iyinɲakwan koɲ unun da amin ukwayikban maɲ amin da binapmon pakgit. Pagakwan amin unun dima aɲupbal aɲɛk yipmanɛ kigit. <sup>36</sup> Amin da unun kaɲ wuripdagek notni yoyiɲ yoyiɲ aɲɛk yawit, “Mao, niaɲ gen kinda yosok? Amin man madepni toɲ ae tapmimni toɲ da tilagon koɲ gen tebai yoyiɲban geni nandaɲɛk pasal kwan.” <sup>37</sup> Yaɲ yaɲakwa Yesu da pi agit dakon gen unun provins dakon amin kisi da nandawit.

*Yesu da Pita dakon yopmi aɲmilip* agit  
(Mt 8.14-15 ae Mk 1.29-31)

<sup>38</sup> Yesu Juda amin dakon muwut muwut yut yipmanɛk Saimon da yutnon kigit. Saimon dakon yopmi sot aɲɛk giptimni kindapmi sogit. Yaɲ aɲakwan Yesu da aɲpulusak do iyiwit. <sup>39</sup> Aba Yesu unun miɲat da kapmatjok paɲki agek giptimni kindapmi sogit unun pasil imɲak do tebai yagit. Yaɲban sotni pasil imiɲakwan unjudon gin pidanɛk japni paɲkosit agit.

*Yesu da amin paɲmilip agit*

*(Mt 8.16-17 ae Mk 1.32-34)*

<sup>40</sup> Gildat si pigik do anjakwan amin da notni sot mibili mibili awit unun Yesukon paɲopgwit. Paɲopba Yesu da kisitni kwenikon kalon kalon wutjinek paɲmilip agit. <sup>41</sup> Ae amin morapmi konni ton unun yol yomgut. Yolakwan kon da yan tidarek yawit, “Gak Pin kop dakon Monji.” Yesu unun Kristo yan nandaj imgwit, do Yesu da kon gen dimasi yoni do kirinik yomgut.

*Yesu kokup pap diwarikon agipgut*

*(Mk 1.35-39)*

<sup>42</sup> Wisa dagokdosi Yesu amin dima egipgwit tim kindakon kigit. Anjakwan amin da wusiɲ analon anek dima yopman kisak do nandarek abidok do awit. <sup>43</sup> Mani yan yoyigit, “Nak Pin kop da Amin Kila Akdisak unun dakon Gen Bin Tagisi kokup pap diwarikon kisi agek yoyin tenjenoken. Nak Pin kop da unun pi abej dosi yabekgit.” <sup>44</sup> Yan yanek Judia miktimon muwut muwut yut tan anan kiwit unudon agek Pin kop gen yoyigit.

## 5

*Yesu da wasanek paɲdetni timikgit*

*(Mt 4.18-22 ae Mk 1.16-20)*

<sup>1</sup> Bisap kindakon Yesu Genesaret\* Pakbi idap ilerjikon agek Pin kop dakon gen yanakwan amin morapmi da abin unun da kapmatsisok angwasinek nandawit. <sup>2</sup> Yesu bot bamori ilerjikon tanbal pindakgit. Unun tap kilap simi simi amin da yopba tanakwal tap kilap simi simi yikni pakbikon sugawit. <sup>3</sup> Yesu unun bot kindakon milkan wigigit. Bot unun Saimon dakon. Unun boron wigek

---

**4:41:** Mt 8.29; Mk 3.11-12      **4:44:** Mt 4.23      **5:1:** Mt 13.1-2; Mk 3.9-10

\* **5:1:** Genesaret unun Galili Pakbi idap dakon mani kindanda.

Saimon yan iyigit, “Bot imin dilbi timisok di pakbikon kwan.” Yan iyinek Yesu boron yigek amin yoyin dekgit. <sup>4</sup> Yoyin dek mudanek Saimon yan iyigit, “Timisok di gat kinjek pakbi ilarikon kinjek tap kilap simil do yik yopba pigini.”

<sup>5</sup> Yanban Saimon da iyigit, “Amin tagi, nin kalbi tap kilap simil do pi madep anek tap kilap kinda dima iligapdo wisa dagak. Mani gak dakon gen guramigek yik yum yopno pigini.” <sup>6</sup> Yoyigit unuder anakwa tap kilap morapmisi yigon pigi tuganek yik dagok do awit. <sup>7</sup> Anakwa notni bot kindakon agipgwit amin da abin panpulugoni do kisit da tilak an yomgwit. Tilak an yoba apba tap kilap bot bamot kisikon yopba tugan jik tane pakbi kagagwan pigik do agimal. <sup>8-10</sup> Saimon gat notni kabi gat tap kilap ilikgwit unun pindagek tamtam yawit. Ae Saimon dakon pi isal bamotni Jems gat Jon gat Sebedi dakon monji yat unun kisi tamtam yagimal. Anek Saimon Pita da Yesu njwakben an iminek yan iyigit, “Amin Tagi, nepman dek ki. Nak yokwi pakpak!”

Yanban Yesu da Saimon yan iyigit, “Gak dima pasolbi. Abisok onda wasanek gak amin timitdisal.” <sup>11</sup> Yan yanban bot bamotni ilikba ilenikon wigakwal yo morapni kisi yopmanek Yesu yolgwit.

*Yesu da amin* kinda wuda tebani ton anmilip agit  
(Mt 8.1-4 ae Mk 1.40-45)

<sup>12</sup> Bisap kindakon Yesu kokup pap kindakon egakwan amin wuda tebani ton kinda egipgut. Unun da Yesu kanek njwakben an iminek miktimon gawagek Yesu bisit tebai iyigit, “Amin Tagi, Pin kop da dabilon kilek token do nandisal kan, tagi anmilip abi kilek token.”



<sup>13</sup> Yanjan Yesu da kisitni amin unun kwenikon witjinek yan iyigit, “Kilek toki do nandisat, do pasil gamni!” Yan yanjan unudon gin wuda tebani pasil iminakwa kilek tagit. <sup>14</sup> Aban Yesu da yan iyigit, “Gak amin dimasi yoyinek kin mukwa sogok aminon giptimgo yoliki. Anek Moses da yagit unun da tilagon paret anaki amin da asi kilek tal yan gandani.” <sup>15</sup> Mani Yesu da yo agit dakon geni sigin kin irej tagit. Anakwan amin morapmi da geni nandak do opgwit. Ae sotni panmilip anyomjak do opgwit. <sup>16</sup> Mani Yesu bisap morapmi miktim amin dima ekwan timon panji egek bisit pi agit.

*Yesu da amin kisiri kandapmiyo kimakbi kind a nmilip agit*

*(Mt 9.1-8 ae Mk 2.1-12)*

<sup>17</sup> Bisap kindakon Yesu amin yoyinj degakwan Parisi amin ae gen teban yoyindet aminyo kisi panobinj yikgwit. Unun amin Jerusalem, ae Galili dakon kokup morap toj, ae Judia miktimon da opgwit. Yesu Amin Tagi dakon tapmim tan imgut, do sot amin panmilip agit. <sup>18</sup> Anakwan amin kabi kind a da amin kisiri kandapmiyo kimakbi kind a waman anan opgwit. Unun wayigon yipba pagakwan anan Yesu da akgiron awigik do awit. <sup>19</sup> Mani amin morapmi, do yutnon awigik do antidok awit. Do yut kwenon wigi yut tuwilek amin unun wayigon pagakwan napmon da abidanakwa amin morap da binapmon pige Yesu da buronsi pigigit. <sup>20</sup> Yesu da nandan gadatni pindagek yagit, “Not, diwarigo yopman gamisat.”

<sup>21</sup> Yanjan Parisi amin gat ae gen teban yoyindet amin gat da iyi yan nandawit, “On namin amin kind a da Pirkop kulabinek gen unun yosok? Diwari yopyop unun amin

kinda da aripmi dimasi agagi. Ujun Pinjkop kalonj dagin asak.”

<sup>22</sup> Yesu da nandak nandakni ujun pindak nandanyo ajelek yanj yoyigit, “Ji nido butjikon da nandak nandak ujun nandaj namañ? <sup>23</sup> Diwari yopyop ae amin kisit kandapmiyo kimakbi pañmilip agak ujun kisi amin da aripmi dima agagi. <sup>24</sup> Mani Amin Dakon Monji on miktimon diwari wiririt dakon pi asak do yanj mudarj ibi yanj nandaba pisosak do on amin añmilip abeñ.” Yesu yanj yanjek kisiri kandapmiyo kimakbi amin kajelek yanj iyigit, “Nak gayisat, gak pidarj yaliñ potgo timigek yutgokon ki.” <sup>25</sup> Yanban unudon gin amin ujun pidarek yaliñ potni timigek Pinjkop anjksinejek yutnikon kigit. <sup>26</sup> Anjakwan miñat amin morapyo ujun kanj wuripdagek Pinjkop anjksinejek yawit, “Abisok yo ñwakñwarisi altanban komañ.”

*Yesu da Liwai (Matyu) yanj imgut  
(Mt 9.9-13 ae Mk 2.13-17)*

<sup>27</sup> Ujun da kwenon Yesu yomakon pigelek kinj kanban takis timit timit yut kabeñon takis timit timit amin kinda yikban kagit. Ujun mani Liwai. Yesu da Liwai yanj iyigit, “Abiñ nak nol.” <sup>28</sup> Yanj iyinban Liwai pidarj yo morapni kisi yopmañek Yesu yolgit.

<sup>29</sup> Ajelek Liwai da yutnikon Yesu do jap madepsi pañkosit agit. Yanj aban takis timit timit amin morapmi gat ae amin diwari gat kisi yigelek jap nawit. <sup>30</sup> Anjakwa Parisi amin gat ae gen teban yoyinñdet amin Parisi da kabikon nani ujun da Yesu dakon pañdetni do yanba yokwi tok ajelek yanj yoyiwit, “Ji jap pakbiyo takis timit timit amin ae yokwi pakpak amin gat nido añ?”

<sup>31</sup> Yanba Yesu da yanj yoyigit, “Amin sotni mini ujun wuda wamagon dima kwanj. Amin sotni toñ ujun dagin

wuda wamagon kwarj. <sup>32</sup> Nak amin kilegi yarj ilit do dima pigim. Yokwi pakpak yarj ilikgo but tobil ani do pigim.”

*Piŋkop dogin nandanjek jap kelek egip egip do yagit  
(Mt 9.14-17 ae Mk 2.18-22)*

<sup>33</sup> Parisi amin da Yesu yarj iyiwit, “Jon dakon paŋdetni bisap morapmi Piŋkop do nandanjek jap kelek egek bisit pi arj. Ae Parisi amin nin dakon paŋdetnin kisi yarj gin arj. Mani gak dakon paŋdetgoni jap pakbiyo anjek ekwarj.”

<sup>34</sup> Yarjba Yesu da yoyigit, “Monji kinda miŋat pasak bisapmon uŋun jap noknok bisap madep kinda, ae monji notni gat ekwarj, do jap kelek tagi dima egipni. <sup>35</sup> Mani don monji uŋun abidan arjarj kiŋakwa notni uŋun bisapmon jap kelek ekwarj.”

<sup>36</sup> Yesu da tilak gen kinda gat yoyiŋek yagit, “Amin kinda da imal kalugi kinda pudarj imal garanj daganj kwi kindakon bupjak karj uŋun tagi dima. Yarj asak karj, imal kalugi arjupbal asak. Ae imal kalugi uŋun kalipmi gat arip dima. <sup>37</sup> Ae amin kinda da wain kalugi tibiri meme gip barj wasarjbi kalipmi kindakon kolesak karj uŋun tagi dima. Yarj asak karj, wain da pukwa paptarj meme gip kirinjigakwa wain marj mudokdarj. Ae meme gipyo kisi yokwi tokdisak. <sup>38</sup> Do wain kalugi meme gip kalugikon kolarj. <sup>39</sup> Ae wain kalipmi nosok amin wain kalugi nok do kuragi nandanjek yarj yosok, ‘Wain kalipmi uŋun tagisi.’ ”

## 6

*Sabat bisap dakon gen  
(Mt 12.1-8 ae Mk 2.23-28)*

<sup>1</sup> Sabat bisap kindakon Yesu wit pi binap kinda narj kigit. Kiŋakwan paŋdetni da wit bami di jimik kisit da misiŋikba gipmi manjakwa bami si nawit. <sup>2</sup> Anjakwa Parisi

amin di da pindagek yawit, “Ji Sabat bisap dakon gen teban yapmanjek nido yan an?”

<sup>3</sup> Yanba Yesu da kobogi yan yoyigit, “Ji Dewit gat amin kabini gat da jap do awit bisapmon yo awit unun di manjin nandan bo dima? <sup>4</sup> Dewit unun Pinjkop da yutnon wigi bret Pinjkop do parekbi unun timikgit. Bret unun mukwa sogok amin dagin tagi noknogi. Mani Dewit da nanjek amin kabini kisi do yomgut.” <sup>5</sup> Yesu da sigin yan yoyigit, “Amin Dakon Monji unun Sabat bisap dakon Amin Tagi.”

*Yesu da Sabat bisapmon amin kindan anmilip agit*

*(Mt 12.9-14 ae Mk 3.1-6)*

<sup>6</sup> Sabat bisap kindakon Yesu Juda amin da muwut muwut yutnon wigeke yoyindet agit. Unudon amin kisiri aminsi tetni girenjiki kindan egipgut. <sup>7</sup> Parisi amin gat ae gen teban yoyindet amin gat da Yesu Sabat bisapmon amin panmilip aban kanjek gen yan imnen yan do kan egipgwit. <sup>8</sup> Mani Yesu da nandak nandakni pindak nandanjo anjek amin kisiri girenjiki yan iyigit, “Gak pidan amin da injamon at.” Iyiban amin unun pidan akgit. <sup>9</sup> Pidand agakwan Yesu da yoyigit, “Ji nian nandan? Sabat bisap dakon gen teban unun anpak tagi bo yokwi anen do yosok? Amin kutnok do yosok, bo ae amin si panupbal ano kimotni do yosok?” <sup>10</sup> Yesu da amin morap kisi pindak anan ki mudanek yan iyigit, “Kisitgo aninjini a.” Iyiban yan gin anakwan kisiri kilek tagit. <sup>11</sup> Mani Parisi amin gat ae gen teban yoyindet amin gat da japmisi nandan iminek iyigin yan nandat anjek Yesu nianjin an imno yan yawit.

*Yesu da yabekbini 12 kabi timikgit*

*(Mt 10.1-4 ae Mk 3.13-19)*

<sup>12</sup> Unun bisapmon Yesu kalbi bisit pi ak do kabap kindakon wigi Pinjkop bisit iyigit. Bisit pi an egakwan wisa

dagarban <sup>13</sup> pañdetni yañ yoban apba 12 kabi manjigit. Manjijek yabekbi man yomgut.

<sup>14</sup>Kinda uñun mani Saimon (uñun Yesu da Pita yañ iyigit).

Ae Saimon dakon padige Andru,

ae Jems,

Jon,

Pilip,

Batolomiu,

<sup>15</sup>Matyu,

Tomas,

Alpius dakon monji Jems,

ae Saimon (uñun Selot da kabikon nani),

<sup>16</sup>ae Jems dakon monji Judas,

ae Judas Iskariot (uñun da don Yesu uwal da kisiron yipgut).

*Yesu da amin morapmi pañmilip agit*

*(Mt 4.24-25 ae Mk 3.7-12)*

<sup>17</sup>Yesu uñun amin kabi timikban ileñon da miktım kuldukgıbañ kindakon pukwa pañdetni morapmi gat kisi akgwit. Anakwa Judia miktım dakon amin morapmi gat, ae Jerusalem kokup papmon amin gat, ae tap amin Tair ae Saidon kokup da kapmatjok egipgwit amin uñun gat kisi egipgwit. <sup>18</sup>Uñun geni nandakdo, ae sotni pañmilip asak do nandaneğ apgwit. Koñ da pañupbal abi amin uñun Yesu da pañmilip agit. <sup>19</sup>Sot amin pañmilip agak dakon tapmim Yesukon da apgut, do amin morap kisitni kwenikon igayik do awit. Yañ anek kilek tawit.

*Yesu da yoni mini amin kisik kisik ani do yağit*

*(Mt 5.1-12)*

<sup>20</sup>Yesu da pañdetni pındagek yağit,

“Yoni mini amin ji kisik kisik ekwañ, nido ji Pıñkop da Amin Kıla Asak uñun da kagağwan ekwañ.

<sup>21</sup> Abisok jap do anj amin ji kisik kisik ekwanj. Don jap nanj tugokdanj.

Abisok kunam takganj amin ji kisik kisik ekwanj. Don jikgo yanjakdanj.

<sup>22</sup> Amin da dandaba ji Amin Dakon Monji yolyol amin yanj dandanjek nandaba yokwi tok anjdamdanj. Ji unjun gat gadanjek dima egipni do dayanjek yanba yokwi tok anj damanjek man yokwisi damdanj. Yo morap unjun altaj damdanj, mani ji kisik kisik ani.

<sup>23</sup> Unjun bisapmon ji butji tagisi tanjakwan kisik kisik anjek wigi mok ani.

Nandani. Kobogi do tomni wukwisi Kwen Kokupmon tanj damisak. Kalip babini da kombi amin do yo yokwi yanj gin anyomgwit.

<sup>24</sup> “Mani yoni morapmi amin, awa! Ji yo tagisi wagil timikganj. Don butji panjeban ak do yo di dima timitdanj.

<sup>25</sup> “Abisok jap nanjek butji paptorj amin, awa! Don jap do akdanj.

“Abisok jikgo yanjanj amin, awa! Don kunam tagakwa dabil pakbisi mokdanj.

<sup>26</sup> “Amin da man madep damanj amin, awa! Kalip babikji da kombi amin toptopmi do yanj gin anj yomgwit.”

*Uwalnin but dasi galak tanj yomnej*

*(Mt 5.38-48)*

<sup>27</sup> Yesu da sanjbejek yanj yagit, “Geno nandanj amin yanj dayisat, ji uwalji do but dasi galak tanj yomni. Ae nandaba yokwi tok anj damanj amin do anjak tagi anyomni. <sup>28</sup> Ae jobit timitni do dayanj amin, unjun Pirjkop da panjpujugosak do bisit iyini. Ae yokwi anj damanj amin do bisit ani.

<sup>29</sup> Amin kinda da mogim kulbak gikban kanj, teri kinda kisi anjtobil ibi. Ae amin kinda da mirim imalgo gwayenban

kaŋ, yum kaŋaki paba pigikgo kisi abidosak. <sup>30</sup> Ae amin morap da yo kabigo yobi do gayiŋba kaŋ yobi. Ae amin kinda da yogo kinda abidaŋ aŋkisak kaŋ, aŋtobil gamjak do tebai dima iyiki. <sup>31</sup> Amin da aŋpak niaŋsi aŋdamni do nandaŋ, uŋun aŋpak amin do aŋyomni.

<sup>32</sup> “Amin butdasi galak taŋ damaŋ baŋgin butdasi galak taŋ yomni kaŋ, ji amin tagi dima. Yokwi pakpak amin uŋun kisi amin butdasi galak taŋ yomaŋ baŋ butdasi galak taŋ yomaŋ. <sup>33</sup> Ae aŋpak tagi aŋdamaŋ amin baŋgin aŋpak tagi aŋyomni kaŋ, ji amin tagi dima. Yokwi pakpak da aŋpak uŋun kisi aŋ. <sup>34</sup> Ae uŋun amin goman tagi sopjak yaŋ nandaŋ teban taŋek amin kinda do yo imni kaŋ, ji amin tagi dima. Yokwi pakpak amin notni da goman uŋun kisisi sopdaŋ yaŋ nandaŋek notni do yo yomaŋ. <sup>35</sup> Mani ji uwalji do but dasi galak taŋ yomiŋek aŋpak tagisi aŋ yomni. Aŋek amin do yo yomiŋek sopni do dima yoyini. Piŋkop da yokwi pakpak ya yaŋ dima iyaŋ amin uŋun do yo tagi yumsi yomisak, do ji aŋpak tagisi ani kaŋ, Piŋkop Wikwisi da kobogi do yo tagisi damaŋakwan monjinisi egipdaŋ. <sup>36</sup> Datgo da amin do bupmi nandisak, do jiyo yaŋ gin amin do bupmi nandani.”

*Amin dakon aŋpak dima kokwinitni*

*(Mt 7.1-5)*

<sup>37</sup> Yesu da saŋbenek yaŋ yagit, “Ji amin dakon aŋpak dima kokwinitni kaŋ, Piŋkop da jiyo kisi dima kokwinitjak. Ji amin yokwi aba uŋun do kobogi timitni do dima yoyini kaŋ, Piŋkop da jiyo kisi yokwisi do tebai dima dayikdisak. Ji amin dakon diwarini yopmaŋ yomni kaŋ, Piŋkop da ji dakon diwarisi yaŋ gin yopmaŋ damdisak. <sup>38</sup> Ji amin do yo yomni kaŋ, Piŋkop da ji do yo damdisak. Uŋun da

yo morapmisi daminjakwan tugok tugogisi egipdan. Tilak nianysi yomni unun da tilak yan gin timitdan.”

<sup>39</sup> Yesu da tilak gen kinda yan yoyigit, “Dabili mini kinda dabilni mini notni kinda kosit tagi yolisak? Kan kisi bamot gapmagwan mokdamal. <sup>40</sup> Papia yut miyat monjiyo yoyindetni dima yapmangan. Mani papia yut tagisi wigi mudanek don yoyindetni yombem an. <sup>41</sup> Gaga da dabilon kindap kwik tosok unun do dima nandanek notgo da dabilon jimjim nido kosol? <sup>42</sup> Gaga da dabilon kindap kwik tosok unun dima kanek nianjon da notgo ‘Dabilgokon jimjim tosok unun pan gamdisat’ yan iyiki? Gak jamba but amin. Mibiltok gaga da dabilon kindap kwik tosok unun abi kinjakwan notgo da dabilon jimjimjok tosok unun kanbi pisanjakwan tagi paki.”

*Kindap yokwi da bami yokwi potdan*

*(Mt 7.16-20 ae 12.33-35)*

<sup>43</sup> Yesu da sanbenek yagit, “Kindap tagi da bami yokwi aripmi dima potni. Ae kindap yokwi da bami tagi aripmi dima potni. <sup>44</sup> Amin da kindap sop bami ban pindagek kindap yokwi bo tagi yan pindak nandanjo an. Amin da pik kindap dakon bami pak do nap keli tonjon kin dima dekgan. Ae wain sop kindap yokwi keli tonjon kin dima pan. <sup>45</sup> Amin kilegi unun nandak nandakni kilegi morapmi butnikon ton, do anpak kilegisi asak. Anjakwan amin yokwi unun nandak nandak yokwi butnikon ton, do anpak yokwi asak. Nandak nandak nian amin butgwan ton, unun gen kagakon da yon.”

*Yut bamori dakon tilak gen*

*(Mt 7.24-27)*



<sup>46</sup> Yesu da sanɓenɓek yaɗ yaɓit, “Ji nido nak Amin Tagi yaɗ nayiɓek geno dima guramikɓaɗ? <sup>47</sup> Nagon obiɓek geno nandaɓek guramikɓaɗ amin uɗun dakon tilak kinda dolikeɗ. <sup>48</sup> Amin kinda yutni ak do aɓek gapma wayiɓban mibilisigwan piɓakwan miɓtiɓgwan tip madep da kwenon gwak magit. Aɓek don yut uɗun da kwenon agit. Aban pakbi madepsi iɓek yutni tidaɗ tuwil do agit mani yutni tebaisi agit, do tebaisi aɓɓit. <sup>49</sup> Mani amin kinda nak dakon gen nandaɓek dima guramikɓak amin uɗun amin kinda yombem. Uɗun yutni teban tokni mini isal miɓtim kwenon gin agit. Don pakbi iɓek yut uɗun tidaɗban uɗudon gin tuwil ki madepsi tasik tagit.”

## 7

*Yesu da emat amin* dakon mibiltok amin kinda dakon pi monji aɗmilip agit

(Mt 8.5-13)

<sup>1</sup> Yesu gen uɗun amin yoyiɗ mudanɓek Kapaneam kokupmon piɓiɓit. <sup>2</sup> Uɗun kokupmon Rom dakon emat amin 100 dakon mibiltok amin kinda eɓiɓgut. Uɗun dakon oman amini si galak taɗ iɓɓut uɗun sot madep aɓek kimotdosi agit. <sup>3</sup> Aɓakwan uɗun mibiltok amin da Yesu dakon gen bini nandaɓit, do Juda amin dakon kila amin di yabekban Yesukon kiwit. Kiɗ Yesu da abiɗ oman amini aɗmilip asak do iyiwit. <sup>4</sup> Aɓek Yesu da aɗpulugosak do madepsi yaɗ iyiwit, “Uɗun amin tagisi, do geni nandaɓek kiɗ oman monjini aɗpulugoki. <sup>5</sup> Uɗun amin da Juda amin nin do galak taɗ nimisak, ae muwut muwut yutnin wiɗiɗiɗ nimgut.”

<sup>6</sup> Yaɗ iyiɗba Yesu gat kisi kiwit. Kiɗ yutni aɗkapmat aɓakwa mibiltok amin da notni di yabekban obiɗ Yesu yaɗ iyiwit, “Mibiltok amin da gak do yaɗ yosok, ‘Amin

Tagi, pi madep dima gabeŋ. Nak amin piŋbisi, do nak da yutnon wiki uŋun da tagi dima asak. <sup>7</sup> Yanŋo, naga gagon dima abit. Mani gak da kilek tosak do yanŋaki tagi kilek tosak. <sup>8</sup> Nido nak madepno da yongamgwan egisat, do nak da uŋun dakon piŋbini egisat. Ae emat amino nak da yongamgwan ekwan, do kinda “Ki!” yanŋ iyiko kisak. Ae kinda “Ap!” yanŋ iyiko abisak. Ae oman amino kinda “Pi on aki!” yanŋ iyiko pi asak.”

<sup>9</sup> Yesu gen uŋun nandanek nandaban yo madepsi aban tobilek amin madepsi buŋon yolgwit yanŋ yoyigit, “Nak yanŋ dayisat, Israel aminon nandan gadatni madep on amin dakon yombem kinda dima kagim.” <sup>10</sup> Yanŋ yanban amin yabekgit uŋun tobil yutnon wigi oman monji uŋun kili kilek tagit kawit.

*Yesu da Nain kokupmon monji* gimonji kinda kimoron nan aban pidagit

<sup>11</sup> Yesu bisap pisipmisok egek kokup kinda mani Nain ujudon kinakwan panjetni gat ae amin morapmisi gat kisi kiwit. <sup>12</sup> Kinŋ uŋun kokup dakon tip dam dakon wigat ankapmat agit. Anŋek amin da amin kimakbi kinda wamanŋ ananŋ wanŋa piŋba pindakgit. Amin kimakgit uŋun dakon meni uŋun sakwabat egakwan monji kalonjisi da kimakgit. Uŋun kokup madep dakon amin morapmisi uŋun sakwabat gat kisi piŋba pindakgit. <sup>13</sup> Amin Tagi da sakwabat uŋun kanek bupmisi nandanŋ iminek yanŋ iyigit, “Gak kunam dima takgi.”

<sup>14</sup> Yanŋ yanek kinŋ bumjot abiwit tamo witjinakwan bumjot guramikgwit amin uŋun akgwit. Agakwa Yesu da yanŋ yagit, “Monji gimonji pidoki do gayisat!” <sup>15</sup> Yanŋ iyinban amin kimakbi uŋun pidanŋ yigek wasanek gen yagit. Yanban Yesu da meni do imgut.

<sup>16</sup> Aban amin morap kisi pasalek Piŋkop aŋkisiŋek yaŋ yawit, “Kombi amin madepsi kinda nin da bikbigon altaŋban komaŋ. Piŋkop da miŋat amin kabiyoni Israel paŋpulugok do abik.” <sup>17</sup> Ae Yesu da yo agit uŋun dakon gen bin da madepsi ireŋ taŋek Judia miŋtim kisi ariŋmi agit, ae miŋtim diwarikon kisi kigit.

*Jon da paŋdetni bamori* Yesu do yabekgit  
(Mt 11.2-19)

<sup>18</sup> Jon dakon paŋdetni da Yesu da yo morap agit dakon geni Jon iyiwit. <sup>19</sup> Iyiŋba paŋdetni bamori yaŋ yoban opbal Amin Taŋi yaŋ iyinŋil do yabekgit, “Gak Piŋkop da amin yabet do yaŋit uŋun, bo nin amin kinda don apdisak do jomjom aneŋ?”

<sup>20</sup> Amin bamot uŋun kiŋ Yesu altaŋ imiŋek yaŋ iyigimal, “Jon Telaŋi Pakbi Sogok Amin da yaŋ gayik do aŋek nit yabekban abamak, ‘Gak Piŋkop da amin yabet do yaŋit uŋun, bo nin amin kinda don apdisak do jomjom aneŋ?’”

<sup>21</sup> Uŋun bisapmon giŋ Yesu amin sotni mibili mibili taŋ yomgwit uŋun paŋmilip aŋek koŋni taŋ yomgwit uŋun yol yomgut. Ae dabilni mini morapmi paban pisawit.

<sup>22</sup> Do gen kobogi yaŋ yoyigit, “Jil kiŋ abisok yo pindak nandaŋyo amal uŋun do Jon iyinŋil. Dabilni mini amin siŋtoŋ, ae kandaŋmi alek taŋbi amin kosit akwaŋ, ae wuda tebani toŋ amin uŋun kilek toŋ, ae miragi mini amin da gen nandaŋ, ae amin kimakbi piŋdoŋ, ae yoni mini amin da Gen Bin Taŋisi nandaŋ. <sup>23</sup> Amin kinda nak nandaŋek nandaŋ gadatni dima wiŋdal kisak uŋun amin kisik kisigi toŋ egisak.”

<sup>24</sup> Amin bamot Jon da yabekgit uŋun tobiŋ kiŋakwal, Yesu da miŋat amin kabi madep Jon do yaŋ yoyigit, “Ji miŋtim amini minikon ninaŋ kok do kiwit? Mirim da

nagal kinda anwayin aban kok do kiwit? <sup>25</sup> Dima kan, ninan kok do kiwit? Amin kinda yik imalyo tagisi banjin pagit unun kok do kiwit? Dima, yik imalyo tagisi panjek giptim dakon yoni tagi tagi dagin tan yoman amin unun kila amin madep da yutnon gin ekwan. <sup>26</sup> Mani ji ninan kok do kiwit? Kombi amin kinda kok do kiwit? Unun bami, nak asisi dayisat, Jon da kombi amin diwari yapman mudosok. <sup>27</sup> Unun amin do Pinjop da papiakon gen yan mandabi:

'Nandani, geno yan tenjenosak do amin kinda yabekgo unun da mibiltan gamjak. Anjek kositgo anjoman asak.'

<sup>28</sup> Nak yansi dayisat, amin morap miktimon alto unun Jon da yapman mudosok. Mani amin morap Pinjop da Amin Kila Asak da kagagwan pinbisi ekwan unun da Jon yapmanan."

<sup>29</sup> (Jon da amin gat ae takis timit timit amin gat telagi pakbi kili son yomgut, do gen unun nandanjek yan yawit, "Pinjop dakon anpak unun kilegisi." <sup>30</sup> Mani Parisi amin gat ae gen teban mibili nandak nandak amin gat unun Jonon telagi pakbi dima sowit. Yan anjek Pinjop da kosit kilegi yolik do agit unun manji imgwit.)

<sup>31</sup> Yesu da sanbenek yan yagit, "Ni tilak gen kinda nan dayiko amin abisok ekwan unun dakon anpak do nandaba pisosak? Unun nianen amin di da ekwan? <sup>32</sup> Unun minjat monjiyo da yan, yuman gwayek tamokon yigek notni yoyin yoyin anjek yan yon: 'Nin kasisin kili pisoman, mani ji kap ak do dima nandayin. Nin bupmi kap yaman, mani ji bupmi nandanjek kunam tat do dima nandayin.'"

<sup>33</sup> Yesu da sigin yan yagit, "Jon Telagi Pakbi Sogok Amin abinek bret dima nagit, ae wain dima nagit. Yan anjakwan,

'Korjni kinda tarj imisak' ji da gen unun yawit. <sup>34</sup> Ae Amin Dakon Monji da abinj jap pakbiyo agit. Yarj anjakwan kanek ji da yarj yorj, 'Kabit, jap morapmi noknok amin ae wain morapmisi noknok amin. Takis timit timit ae yokwi pakpak amin dakon notni.' <sup>35</sup> Ji da gen unun yorj, mani Pinjkop da pi morap agit unun pindagek nandano nandarj kokwini tagisi gin asak."

Minjat kinda da pakbi kibarj tagisi narj Yesu sorj ingut

<sup>36</sup> Parisi amin kinda da Yesu yutnikon obinj jap nosak do yarj iban yutnikon obinj jap tamokon yikgit. <sup>37</sup> Unun kokupmon yokwi pakpak minjat kinda egipgut. Unun minjat Yesu Parisi da yutnon yigek jap nosok yarj amin da yarjba nandanjek pakbi kibarj tagisi kinami kinda abidanjek yutnon wigigit. Tibiri unun tipnarj wasarjbi. <sup>38</sup> Wigi Yesu da manjikon kandapnikon panjki agek kunam tagakwan dabil pakbini da kandapnikon marj guktarjba busurj dangwani barj ikdigagit. Yarj anjek kandapmikon mandarj nanjek pakbi kibarj tagisi narj sorj ingut.

<sup>39</sup> Yarj anjakwan Parisi amin unun Yesu yarj ingut iyj burikon da yarj nandagit, "On amin asi kombi amin kinda tam, on minjat kisiri kwenikon witjisak unun yokwi pakpak minjat kinda yarj nandaban."

<sup>40</sup> Yarj nandanjakwan Yesu da iyigit, "Saimon, nak gen kinda gayiko."

Yarjban iyigit, "Yoyindet, kili nayi."

<sup>41</sup> Yarjban Yesu da iyigit, "Amin bamori unun amin kindakon gomani torj. Kinda dakon gomani unun money 500 danari, ae kinda dakon gomani unun money 50 danari. <sup>42</sup> Unun amin bamot gomani sopjil dakon moneyni aripmi dima, do gomani dima sopjil do yoyigit. Gak niarj

nandisal? Yanj aban jit amin da unun amin do madepsi galak tarj imgut?”

<sup>43</sup> Yanjban Saimon da iyigit, “Goman madepni dima sopjak do iyigit amin unun da, yanj nandisat.”

Yanjban Yesu da yanj iyigit, “Gak kokwin kilegisi anjek yosol.”

<sup>44</sup> Yanj yanjek Yesu da tobil miñat unun karjek Saimon yanj iyigit, “On miñat do koki? Nak yutgokon wiko kandapno sugokenj do pakbi dima namil. Mani on miñat da dabil pakbini nanj kandapno suganek busunj dangwani banj ikdigak. <sup>45</sup> Nak dima mandanj nal, mani yutgokon si wiron da wasanjek miñat on da kandapno mandanj nak da sigin mandanj nosok. <sup>46</sup> Gak busunjonkon bit nelak dima tagal namil. Mani miñat on da pakbi kibanj tagisi kandapnokon soñ namik. <sup>47</sup> Do yanj gayisat, on miñat dakon diwarini morapmi Pinjkop da yopmanj iban nak do but dasi galagi madepsi nandanj namisak. Mani diwarini tagapmisok tarj imanjan amin Pinjkop da diwarini yopmanj imjak karj, unun amin da nak do galagi madep dima nandanj namjak.”

<sup>48</sup> Yanj yanjek Yesu da miñat unun yanj iyigit, “Nak da diwarigo yopmanj gamisat.”

<sup>49</sup> Yanj iyinban amin kabi Yesu gat jap nanjek yikgwit unun iyi gin yanj yawit, “On nianjen amin kinda da diwari yopyop asak?” <sup>50</sup> Yanj yanjakwa Yesu da miñat unun yanj iyigit, “Nandanj gadatgo do anjek Pinjkop da gak yokwikon nanj abidosok. Butgo yawori tanjakwan kiki.”

## 8

Minjat diwari Yesu yolba kisi agipgwit

<sup>1</sup> Unun da kwenon Yesu kokup pap ae kokup monin monin tawit unudon agek Pinjkop da Amin Kila Asak unun dakon Gen Bin Tagisi yoyinj tentenagit. Yabekbi 12 kabi

kisi agipgwit. <sup>2</sup> Ae miñat diwari Yesu da koñni yol yomgut ae sotni pañmilip agit unun kisi Yesu gat agipgwit. Kinda unun Maria. Maria unun Makdala kokupmon nani yañ iyiwit. Kalip Yesu da koñni 7 kabi yol imgut. <sup>3</sup> Ae Joana, Susana ae miñat morapmi gat kisi Yesu gat agipgwit. Joana unun Kusa dakon miñatni. Kusa unun Erot dakon yutni dakon kila amin kinda. Unun miñat kabi yo kabini iyi dakon bañ Yesu gat pañdetni gat pañpulugawit.

*Jap yet tiñtiñok dakon tilak gen*

*(Mt 13.1-9 ae Mk 4.1-9)*

<sup>4</sup> Amin morapmisi kokup morap tawiron da abiñ muwukgwit. Abiñ muwugakwa Yesu da tilak gen kinda yañ yoyigit, <sup>5</sup> “Amin kinda unun jap yetni pigaga pañki tiñtiñagit. Tiñtiñanakwan jap yet diwari kosiron mañba amin da bamañakwa minam da abiñ si nawit. <sup>6</sup> Añakwa jap yet diwari tipmi toñ timon mawit. Mañ kwawit, mani miñtim pakbini mini, do kibidañ pasilgwit. <sup>7</sup> Añakwa jap yet diwari joñ keli toñ tingwan mawit. Unun joñ keli toñ gat kisi kwanek wutjiñba kimak mudawit. <sup>8</sup> Ae jap yet diwari miñtim tagisikon mañ kwawit. Unun bami 100 tañ tañ awit.” Yesu da tilak gen unun yañ mudañek yañ yagit, “Gen on nandak do galak toñ amin ji pakyañsi nandañek mibili nandañ pisoni.”

*Yesu nido tilak genon dagin Pinjok gen yagit*

*(Mt 13.10-17 ae Mk 4.10-12)*

<sup>9</sup> Pañdetni da tilak gen unun yagit dakon mibili do iyiwit. <sup>10</sup> Iyijba yagit, “Pinjok da ji bañgin iyi dakon Amin Kila Agakni unun dakon mibili pasili toñ unun damisak. Mani amin diwari tilak gen gin nandañ.

‘Do dabil sɨntarek kokdaŋ, mani dima kaŋ nandaŋyo akdaŋ.

Ae gen nandakdaŋ, mani mibili dima nandaba pisokdaŋ.’”

*Jap yet tiŋtiŋok dakon tilak gen dakon mibili  
(Mt 13.18-23 ae Mk 4.13-20)*

<sup>11</sup> Yesu da sanbejek paŋdetni baŋgin yaŋ yoyigit, “Tilak gen dayit dakon mibili uŋun yaŋ. Jap yet uŋun Piŋkop dakon gen. <sup>12</sup> Jap yet kosiron mawit, uŋun amin Piŋkop gen nandaŋ dakon tilak. Amin nandaŋ gadat aba Piŋkop da yokwikon baŋ timitjak yaŋ do Sunduk da abiŋ butnikon Piŋkop dakon gen gwayesak. <sup>13</sup> Ae jap yet tipmi toŋ timon mawit, uŋun amin da Piŋkop gen nandaŋ abidaŋek kisik kisik aŋ dakon tilak. Mani geli tagi dima yipban kigit. Do nandaŋ gadat bisap pisipmisok aŋek paŋkewal altaŋ yoba tepmisi Piŋkop manji imiŋ mudon. <sup>14</sup> Ae jap yet joŋ keli toŋ bikbikgwan mawit, uŋun amin Piŋkop dakon gen nandaŋek kiŋ miktimon egip egipni do nandaba kik aŋ uŋun dakon tilak asak. Uŋun monerj gat ae on miktim dakon yo morap gat do galagi nandaŋakwa uŋun da wutjiŋ yomiŋakwa bami dima toŋ. <sup>15</sup> Mani jap yet miktim tagisikon mawit, uŋun amin Piŋkop dakon gen nandaŋek tebaisi abidonj uŋun dakon tilak. Uŋun buri kilegisi tarjakwan tebaisi agek bami tagisi paŋalon aŋ.”

*Lam dakon tilak gen  
(Mk 4.21-25)*

<sup>16</sup> Yesu da sanbejek yaŋ yagit, “Amin da lam koleŋ kwoba naŋ dima wutjiŋba toŋ, bo ae dipmin potpot tamo da mibilgwan dima yopmaŋaŋ. Noman tamokon yopmaŋakwa amin da yutnon wiŋek teŋteŋi uŋun koŋ. <sup>17</sup> Yo morap pasili toŋ uŋun don nomansi altaŋ mudokdaŋ.



Ae yo morap wutjiŋbi da toŋ uŋun noman taŋ mudanŋakwa amin da pindak nandanŋyo akdaŋ.

<sup>18</sup> “Ji kaŋ kimagek gen pakyaŋsi nandani. Taŋ yomaŋ amin uŋun Piŋkop da di gat saŋbeŋ daban timitdaŋ. Mani minini amin uŋun taŋ namaŋ yaŋ nandisak uŋun Piŋkop da gwayekdisak.”

*Yesu dakon meŋi padik padikyo uŋun namin?*

*(Mt 12.46-50 ae Mk 3.31-35)*

<sup>19</sup> Uŋun bisapmon meŋi padik padikyo Yesu kok do opgwit. Mani amin morapmi, do Yesu da kapmatjok kik do aŋtidok awit. <sup>20</sup> Aŋakwa amin di da Yesu yaŋ iyiwit, “Meŋgo padik padikgoyo yomakon agek gak gandak do yoŋ.”

<sup>21</sup> Yaŋba yoyigit, “Amin Piŋkop dakon gen nandanŋek guramikgaŋ uŋun meŋno ae padik padiknoni.”

*Yesu da yaŋban mirim gat ae tap madep gat yawokgimal*

*(Mt 8.23-27 ae Mk 4.35-41)*

<sup>22</sup> Bisap kindakon Yesu paŋdetni gat bot kindakon wigek yaŋ yoyigit, “Pakbi idap teri kindo do kino.” Yaŋ yaŋban kiwit. <sup>23</sup> Boron yigek kiŋakwa Yesu dipmin pakgit. Aŋakwan mirim madepsi kindo pakbi idapmon obinŋakwan boron pakbi piŋi tugaŋakwa pasil do awit. <sup>24</sup> Aŋakwa paŋdetni da kiŋ Yesu aŋyolek iyiwit, “Amin Tagi, nin pasildamaŋ!”

Iyinŋba pidaŋ pakbi gat mirim gat tebai yoyinŋban mirim dima aŋakwan pakbi yaworisi tagit. <sup>25</sup> Aŋakwan Yesu da paŋdetni yaŋ yoyigit, “Nandaŋ gadatji dukon yipmaŋ?”

Yaŋban paŋdetni si pasalgwit. Aŋek wuripdagek notni yoyinŋ yoyinŋ aŋek yawit, “On nianen amin kindo da pakbi mirimyo gen tebai yoyinŋban geni guramikgamaŋ?”

*Yesu da amin* kinda dakon korjni yol imgut  
(Mt 8.28-34 ae Mk 5.1-20)

<sup>26</sup> Yesu gat pañdetni gat Gerasa miktim tetgin kiñ altawit. (Gerasa miktim unun teri kinda tañakwan Galili miktim unun pakbi idap teri kinda toso.) <sup>27</sup> Yesu bot yipmanek ileñon wiñakwan unun kokup papmon amin kinda da abiñ altañ imgut. Unun amin korjni tañ imgwit. Bisap dubagisi molañ egipgut, ae yut kindakon dima egipgut. Amin kimakba pañki tip kinamgwan yopmangañ miktimon gin egipgut. <sup>28</sup> Unun amin da Yesu kañek madepsi yañ tidaneñ Yesu da kandapmon mañ pagek gen papmon da yañ yagit, “Yesu, gak Piñkop Wikwisi dakon Monji, gak ninan añañndisal? Bupmi nandañ nabi. Yo yokwi dimasi añ nabi!” <sup>29</sup> Korñ da amin unun yipman detjak do Yesu da kili iyigit, unun do madepsi yañ tidaneñ gen unun yagit. Unun amin korñ da bisap morapmi añaupbal awit, do amin da bisapmi bisapmi kilani tebaisi añek nap teban tebaisi bañ kisit kandapyoni pañteban awit. Mani nap teban unun pañdaganeñ korñ da imiñ sugañakwan miktim amin dima ekwan timon kiñ kiñ agit.

<sup>30</sup> Yesu da yañ iyigit, “Mango namin?” Iyibañ korjni morapmi tañ ingwit, do “Amin Kabi Madep” yañ iyigit. <sup>31</sup> Yesu da bupmi nandañ yomjak do korñ da bisit tebai yañ iyiwit, “Nin gapma kidagi mini unjungwan pigineñ do dima niyiki.”

<sup>32</sup> Bit kabi madep kinda kapmatjok ileñon egek jap nañek egipgwit. Korñ unun bit da butgwan pigik do Yesu bisit tebai iyiba nandañ yomgut. <sup>33</sup> Añakwan korñ amin unun yipman degek wiñ abigi bit da butgwan pigiwit. Pigakwa bit unun timtim yañek obandom nañ pigi pakbi idapwan pigek pakbi nañ kimakgwit.

<sup>34</sup> Añakwa bit kila amin yo unun pindagek timtim yañek kiñ kokup papmon amin gat ae kokup teri teri egi añañ

kiwit unun amin gat kisi yoyiwit. <sup>35</sup> Anakwa amin da yo nianensi kinda da altagit, unun kok do apgwit. Abin Yesu altag iminek amin unun konni kili yipman dekgwit kawit. Kanba amin unun Yesu da buron buri kili pasagit ae ilikba pigikni ton da yikgit. Yan yikban kan pasalgwit. <sup>36</sup> Anakwa yo dabil da kan nandanjo awit amin unun da kon da anjupbal abi amin nianon da kilek tagit unun dakon mibili yoyiwit. <sup>37</sup> Yoyinba Gerasa miktim dakon minjat amin morap kisi pasol pasol madepsi nandanjek Yesu unun yopman dek kisak do iyiwit. Iyinja boron wigek yopman kigit. <sup>38</sup> Mani amin unun kon da yipman dek kiwit amin da Yesu yol do bisit tebai iyigit.

Iyinja Yesu da tobil kisak do yabegek yan iyigit, <sup>39</sup> “Gak tobil yutgokon kinjek Pinjop da gak anjupluganjek yo madepsi ak unun do amin yoyiki.” Yan iyinja amin unun tobil kin kokupni dakon amin morap Yesu da anjupluganjek yo morap agit unun do yoyigit.

*Yesu da minjatjok kinda kimakgit nan aban pidagit, ae minjat sotni ton kinda anjkilek agit*

*(Mt 9.18-26 ae Mk 5.21-43)*

<sup>40</sup> Yesu pakbi idap teri kinda do kin alnanakwan amin morapmi da but dasi abidawit, nido unun do jomjom anjek egipgwit. <sup>41</sup> Unun bisapmon amin kinda apgut, mani Jairus. Unun Juda amin dakon muwut muwut yut dakon kila amin kinda egipgut. Unun da Yesu da kandap mibilon man pagek yutnikon kisakdosi madepsi iyigit. <sup>42</sup> Unun monji mini, gwi kalonji kinda gin bilakni unun 12 da tilak, unun da si kimot do agit.

Yesu yutnikon kik do kosiron kinakwan amin madepsi, do gitni gitni anakwa kigit. <sup>43</sup> Kinakwan minjat kinda unjungwan agipgit. Unun daganj mok anjek yawini manakwa bilak 12 yan agit, mani amin kinda da aripmi

dima anjkilek agagi. <sup>44</sup> Unjun minjat Yesu da manjikon kapmatjok abinej Yesu dakon imal dubakni da ilejikon igayigit. Anakwan unjudon gin yawini pasil imgwit. <sup>45</sup> Anakwan Yesu da yagit, “Namin da igayin namik?”

Yanban amin morap nin dima dima yanakwa Pita da iyigit, “Amin tagi, amin morapmisi da gak gat gadat gadatsi akwan.”

<sup>46</sup> Mani Yesu da yagit, “Amin kinda da igayin naminakwan tapmimno diwari kwan nandat.”

<sup>47</sup> Yanban minjat unjun aripmi dima pasilgen yan nandajek nimnimik abin Yesu da kandap mibilon man pakgit. Man pagek amin morap da dabilon mibili nido Yesu igayigit unjun dakon yanjkwok anek yan yagit, “Igayiko sotno unjudon gin pasilak.”

<sup>48</sup> Yanban Yesu da iyigit, “Gwano, nandan gadatgo da gak anjkilek ak. Butgo yawori tanakwan kiki.”

<sup>49</sup> Yesu gen unjun yanakwan muwut muwut yut dakon kila amin Jairus da yutnon da amin kinda apgut. Abinej Jairus yan iyigit, “Gwago kili kunwak, do yoyindet isal dogin dima iyinbi kisak.”

<sup>50</sup> Yesu unjun nandajek Jairus yan iyigit, “Dima pasolgi. Isal nandan gadat gin anjaki gwago kilek tosak.”

<sup>51</sup> Yan yanek yutnicon kin altajek amin diwari dima wigini do yoyinek Pita, Jon, ae Jems gat, ae minjatjok dakon meji datniyo gat timikban yutnon wigiwit. <sup>52</sup> Unjun yutnon amin morapmi da minjatjok do bupmi nandajek kunam tagek iyon iyon yanek egipgwit. Anakwa Yesu da yoyigit, “Ji kunam yopgut. Dima kunwak, isal dipmin pokdok.”

<sup>53</sup> Yanban minjatjok wagil kunwak yan nandajek jikgo yanjan imgwit. <sup>54</sup> Mani Yesu da minjatjok kisirikon abidajek gen papmon da yagit, “Gwano, pida!”

<sup>55</sup> Yanj yanban minatjok unjun dakon wupmi aeni tobil abinj pigakwan unjudon gin pidagit. Pidanjakwan Yesu da jap di iba nosak do yoyigit. <sup>56</sup> Aban menji datni da unjun kanjek tamtam yagimal. Mani Yesu da tebai yoyigit, “Jil on yo noman tanban komal unjun do amin dimasi yoyinjil.”

## 9

*Yesu da yabekbini 12 kabi* pikon yabekgit

(Mt 10.5-15 ae Mk 6.7-13)

<sup>1</sup> Yesu da yabekbini 12 kabi yanj yoban obinj muwukba sot amin panmilip agak, ae korj kisisi yolni dakon pi ani do yanj mudanj yomgut. <sup>2</sup> Yominjek Pinjokop da Aminon Kila Asak dakon gen yanj tenjenoni, ae sot aminyo panmilip ani yanj do yabekgit. <sup>3</sup> Anek yanj yoyigit, “Ji kosit agip do yo di dima timitni. Win kirinj, ae yik, ae bret, ae monej, ae paba pigik bamori dima timitni. <sup>4</sup> Yut kindakon wugini kanj, unjudon gin egek kokup unjun yipmanj kini. <sup>5</sup> Kwa amin da ji dima timikba kanj, kokup pap unjun yipmanj det do kandapjikon kimbabanj tegonj unjun tidanba kini. Yanj aba amin da yokwi anjapno unjun do anjek kwanj yanj nandani.” <sup>6</sup> Yanj yoyinban kokupmi kokupmi agek Gen Bin Tagisi yoyinj tenjtenjanjek amin dakon sotni panmilip awit.

*Erot da Yesu namn* amin kinda yanjsi nandak do agit

(Mt 14.1-2 ae Mk 6.14-16)

<sup>7</sup> Gapman dakon kila amin madep mibiltogi Erot da Yesu dakon gen bini nandagit. Di da Yesu kanjek Jon kimoron da aeni pidagit yanj yawit, do Erot but morap agit. <sup>8</sup> Ae di da yawit, “Elaija da noman tak.” Ae di da “Kombi amin kalipsi egipgwit unjun kinda da kimoron da pidak” yanj yawit. <sup>9</sup> Mani Erot da yanj yagit, “Jon dakon tegi kili mandanj dagagim. Mani abisok namn amin kinda dasi yo

madepsi anakwan gen bini nayiŋba nandisat?” Yanŋ yanŋek Yesu kok do pini agit.

*Yesu da amin 5 tausen do jap yomgut*

*(Mt 14.13-21 ae Mk 6.30-44 ae Jn 6.1-13)*

<sup>10</sup> Yabekbi kabi aeni tobil Yesukon abiŋek yo morap awit dakon geni iyiwit. Iyiŋba Yesu da timikban iyi gin kokup kinda mani Betsaida unŋudon kiwit. <sup>11</sup> Anakwa miŋat amin kabi madepsi unŋun Yesu unŋudon kisak yanŋ kanŋ nandanŋyo anŋek buŋon yolgwit. Anakwa Yesu da tagisi nandanŋ yomiŋek Piŋkop da Aminon Kila Asak unŋun do yoyiŋek sot amin paŋmilip agit.

<sup>12</sup> Pilin pilindo yabekbini 12 kabi da obiŋ Yesu yanŋ iyiwit, “Kokup amini minikon ekwamaŋ, do yoyiŋbi miŋat amin morapyo kiŋek kokup moniŋ moniŋ ae timi digwan kiŋ jap pakbiyo gat ae dipmin potpot tamoyo gat wisini.”

<sup>13</sup> Mani Yesu da yabekbini yoyigit, “Disi jap yomgut.”

Yoyiŋban yawit, “Nin japnin morapmi dima. Bret 5 kabi gat ae tap kilap bamori gat gin. Nin kiŋ on miŋat amin morap do jap moneŋ baŋ si yumneŋ do nandisal?” <sup>14</sup> (Wili 5 tausen da tilak egipgwit.)

Yanŋba Yesu da paŋdetni yanŋ yoyigit, “Amin 50 50 yanŋ paŋmuwuk yopba yik yik ani.” <sup>15</sup> Yanŋ yanŋban paŋdetni da yanŋ gin aba amin kisi yik mudawit. <sup>16</sup> Yigakwa Yesu da bret 5 kabi gat ae tap kilap bamot gat kisi timik Kwen Kokup siŋtanek gisamikgit. Anek bret gat ae tap kilap gat paŋdaganeŋ paŋdetni do yomiŋakwan amin do kokwinik yomgwit. <sup>17</sup> Yoba timik amin morap kisisi aripmisi nanakwa jap nawit dakon diwari tawit unŋun paŋdetni da similba yigi 12 yanŋsi tugawit.

*Pita da Yesu dakon mibili yanŋ tenŋenagit*

*(Mt 16.13-19 ae Mk 8.27-29)*

<sup>18</sup> Bisap kindakon Yesu iyi gin bisit pi agit. Uñun bisapmon pañdetni kisi uñudon egipgwit. Egi yañ yoyigit, “Amin kabi madep da nak do namin yañ yon?”

<sup>19</sup> Yoyinban yañ iyiwit, “Dida Jon Telagi Pakbi Sogok Amin yañ yon, ae di da Elaija yañ yon, ae di da kombi amin kalipmi kinda da kimoron da pidagit yañ yon.”

<sup>20</sup> Yañba yañ yoyigit, “Mani ji disi nak do namin yañ yon?”

Yañban Pita da aytobilek iyigit, “Gak Kristo, Pinjop da yabekban apgul.”

*Yesu kimagek pidosak do yagit*

*(Mt 16.20-28 ae Mk 8.30-9.1)*

<sup>21</sup> Yañ yañban Yesu da iyi Kristo egisak uñun dakon geni amin kindakon dimasi yoni do yañsop anyomgut. <sup>22</sup> Añek yañ yagit, “Amin Dakon Monji da egi yo yokwi morapmi noman tañ iba tepmi pakdisak. Ae Juda amin dakon kila amin, ae mukwa sogok amin dakon amin madep kabi, ae gen teban yoyinnet amin uñun da manji iminek anjakba kimotdisak. Anjakwa gildat kapbi anjakwan pidokdisak.”

<sup>23</sup> Yañ yañek amin kisi yañ yoyigit, “Amin kinda nak nol do nandisak kañ, iyi dakon galaktok manji yominek tilak kindapni gildari gildari guramigek nak noljak. <sup>24</sup> Amin kinda iyi dakon yiyitni tagisi tosak do nandanej pi madep asak kañ, egip egipni pasil imdisak. Mani amin kinda nak do nandanej egip egipni do nandaban yo madep dima asak kañ, uñun amin egip egip dagok dagogi mini abidosak. <sup>25</sup> Amin kinda miktim dakon yo morap pañek egi kimotjak bisapmon iyi pasiljak kañ, uñun yo morap da aripmi dima anpulugokdañ. <sup>26</sup> Amin kinda nak do ae nak dakon gen do mayagi nandisak kañ, Amin Dakon Monji

---

**9:19:** Lk 9.7-8      **9:20:** Jn 6.68-69      **9:22:** Lk 9.44; 18.32-33      **9:23:** Mt 10.38; Lk 14.27  
**9:24:** Mt 10.39; Lk 17.33; Jn 12.25      **9:26:** Mt 10.33; Lk 12.9

iyi dakon tilimni gat ae Datni dakon tilimni gat ae Piŋkop dakon telagi anjelo kabi dakon tilimni gat apjak bisapmon unun amin do mayagi yan gin nandan imdisak. <sup>27</sup> Nak asisi dayisat, ji on akgan kabikon da di dima kimagek Piŋkop dakon Amin Kila Agakni kokdan.”

*Yesu dakon giptim kulabik agit  
(Mt 17.1-13 ae Mk 9.2-13)*

<sup>28</sup> Yesu unun gen yanjek egi gildat 8 yan da tilak mudajakwa Pita, Jon ae Jems gat timikban ilej kindakon bisit pi ak do wigiwit. <sup>29</sup> Wigek Yesu bisit pi anjakwan tomno dabilni kulabik anjek imalni mal dakon tenjenji yombem agit. <sup>30-31</sup> Yan aban kanakwa Moses gat Elaija gat tilimni gat noman tagimal. Noman tanbal Yesu gat gen yan nandat aba pindakgwit. Yesu Piŋkop dakon galaktok yolek Jerusalem kokup papmon on miktim yipman detjak unun dakon gen yawit. <sup>32</sup> Pita gat notni bamot gat dipmin do yokwisi awit. Mani dipminon da pidan Yesu tilimni gat ae amin bamot gat kisi akba pindakgwit. <sup>33</sup> Amin bamot Yesu yipman det do anakwal Pita da Yesu yan iyigit, “Amin Tagi, nin idon tagisi ekwaman. Nin yut kaben kapbi anej. Kinda gak do, ae kinda Moses do, ae kinda Elaija do anej.” (Pita gen unun nan yosot yan unun dima nandanek yum yagit.)

<sup>34</sup> Pita gen sigin yanjakwan gikwem da piŋ ilimik yomanjakwan pasalgwit. <sup>35</sup> Gikwem kagagwan da gen kinda yan altagit, “On Monjino, pino asak do manjigim, do ji geni nandani.”

<sup>36</sup> Yan mudajakwan Yesu nanjin kawit. Yo ilejon altanba pindakgwit unun iyi dogin nandaba tawit. Unun bisapmon amin di dima yoyiwit.



*Yesu da monji* kinda konɓi yol imgut

(Mt 17.14-21 ae Mk 9.14-29)

<sup>37</sup> Wisa dagok do Yesu gat paɓdetni gat ileɗ yipman pigakwa amin kabi madepsi kosiron domdom awit.

<sup>38</sup> Amin madep kabigwan da amin kinda da yaɗ tidaɓek anɓulugosak do yaɗ iyigit, “Yoyiɗdet, monjino kalonɗi kindagin. Do kiɗ koki do nandisat. <sup>39</sup> Bisap morapmi konɗi kinda da burigwan pigakwan unɗodon gin madepsi yaɗ tidosok. Aɓek tebai anɓubal anɗakwan nimnimigakwan tarak da gen kaganikon wuɗ tugon. Giptimi obisi anɓubal aɓek bisap kalonɗi kalonɗi gin yipman dekdak. <sup>40</sup> Paɓdetgoni da yol imni do bisit tebai yoyigim, mani aɗtidok awit.”

<sup>41</sup> Yaɗ yaɗban Yesu da yagit, “Nandaɗ gadatji mini amin, ji anɓpakji yokwisi. Nak bisap niaɗ da ji gat egek jigisi guramik dabeɗ? Monjigo idon anop.”

<sup>42</sup> Monji unɗun Yesu da akgiron obinɗakwan konɗi da monji unɗun ukwayikban miktimon manɗi pagek nimnimikgit. Mani Yesu da konɗi tebaisi iyinɗek monji unɗun anɗmilip aban kilek taɗban datni do anɗobil imgut. <sup>43</sup> Yaɗ aban amin da Piɗkop dakon tapmim madepsi kaɓek tamtam yawit.

*Yesu* kimagek ae piɗokdisak do yaɗban kosit bamot agit

(Mt 17.22-23 ae Mk 9.30-32)

Amin Yesu da yo morap agit do nandaba nɗakɗwarisi anɗakwa, Yesu da paɓdetni yaɗ yoyigit, <sup>44</sup> “Gen dayikdisat unɗun pakyarɗi nandani. Amin Dakon Monji amin da kisiron yipdaɗ.” <sup>45</sup> Mani paɓdetni gen unɗun dakon mibili pasili taɗ yomgut, do dima nandaba pisagit. Ae gen unɗun dakon mibili nandak do aɓek iyik do si pasalgwit.

*Namin* da mibiltok amin egisak?

(Mt 18.1-5 ae Mk 9.33-37)

<sup>46</sup> Bisap kindakon Yesu dakon paṅdetni namin da mibiltok aminin egisak yaṅ do gen emat kinda awit. <sup>47</sup> Anakwa Yesu da paṅdetni dakon but pindak nandaṅyo anek amin moniṅ kinda iyi akgiron aṅobiṅ yipban akgit. <sup>48</sup> Yipban agakwan paṅdetni yaṅ yoyigit, “Amin kinda nak do nandaṅek on amin moniṅ but dasi abidosok, uṅun nak naṅ but dasi abidosok. Ae amin kinda nak but dasi abidosok, uṅun Dat nak yabekban pigim uṅun naṅ but dasi abidosok. Ji kabikon kinda da piṅbisi egi damjak kaṅ, uṅun da mibiltok aminji asak.”

*Uwal dima aṅdamjak amin uṅun notji*  
(Mk 9.38-40)

<sup>49</sup> Jon Yesu da gen yagit nandaṅek yaṅ yagit, “Amin Tagi, nin kaṅapno amin kinda da gak da manon koṅ yolban kamaṅ. Mani nin da kabikon nani kinda dima, do yaṅsop aṅimimaṅ.”

<sup>50</sup> Mani Yesu da iyigit, “Yaṅsop dima aṅimni. Amin kinda uwal dima aṅdamjak kaṅ uṅun notji.”

**Yesu gat paṅdetni gat Jerusalem kiwit**  
(Kilapmi 9.51–19.28)

*Samaria amin da Yesu not dima aṅ imgwit*

<sup>51</sup> Piṅkop da Yesu abidaṅ aṅaṅ Kwen Kokup wigisak dakon bisap kwaṅ tagit. Anakwan Yesu uṅun Jerusalem kikeṅ yaṅsi nandaban teban tagit. <sup>52</sup> Anek amin di yabekban uṅun da kalip mibiltaṅ Samaria dakon kokup kindakon yut tamoyo paṅnoman ani do kiwit. <sup>53</sup> Mani Yesu Jerusalem kikdisak yaṅ nandawit, do uṅun kokupmon amin da Yesu abidok do dima galak tawit. <sup>54</sup> Jems gat Jon gat da uṅun pindagek Yesu yaṅ iyigimal, “Amin

Tagi, nit da yondo Kwen Kokup kindap da piŋ soŋba mini ani do tagi nandisal?”

<sup>55</sup> Yanbal Yesu da tobił tebaisi yaŋ yoyigit, “Dima yogogisi yomal!” <sup>56</sup> Yaŋ yoyiŋban ae kokup ŋwakŋwari kindakon kiwit.

*Yesu yolyol dakon gen*

*(Mt 8.19-22)*

<sup>57</sup> Kosiron kiŋakwa amin kinda da iyigit, “Dukwan dukwan agipbi uŋun nak gol awilgeŋ giŋ.”

<sup>58</sup> Yanban Yesu da iyigit, “Joŋ piŋan uŋun miktingwan yutni toŋ. Ae minam kwen akwaŋ uŋun yutni toŋ. Mani Amin Dakon Monji uŋun dipmin potpot tamoni mini.”

<sup>59</sup> Yaŋ iyikek ae amin kinda yaŋ iyigit, “Abiŋ nak nol.”

Mani amin uŋun da yaŋ iyigit, “Amin Tagi, nandaŋ namaŋaki kiŋ datno wayik yipmaŋek don abiŋ golbeŋ.”

<sup>60</sup> Yaŋ yanban Yesu da iyigit, “Amin kimakbi da kimakbi notni iyi tagi wayitni. Mani gak kiŋ Piŋkop da Aminon Kila Asak uŋun dakon gen yaŋ teŋteŋoki.”

<sup>61</sup> Yaŋ yanban ae amin kinda da Yesu yaŋ iyigit, “Amin Tagi, gol do nandisat, mani nandaŋ namaŋaki kiŋ gwakno galok gen yoyikek don abiŋ golgeŋ.”

<sup>62</sup> Yanban iyigit, “Sapa naŋ miktin pudaneŋ dambi da manjigwan wusisak uŋuden amin da Piŋkop da Amin Kila Asak da kagagwan aripmi dima egiŋmi.”

## 10

*Paŋdetni morapmi* Piŋkop dakon gen yoni do yabekgit

<sup>1</sup> Egi Amin Tagi da paŋdet 72 gat manjigit. Aneŋk iyi kokup dukwan dukwan kik do agit, uŋudon mibiltok uŋun da kalip kini do bamot bamot yabekgit. <sup>2</sup> Aneŋk yaŋ yoyigit, “Pigaga jap bami madepsi taŋ pektan, mani pi

monji bami pakpak amin morapmi dima. Unjun do ji bami pakpak dakon Amin Tagi bisit iyijba pi amin pañalon aņ yopban pinikon kini.

<sup>3</sup> “Ji kiņek yaņ nandani: Ji sipsip moniņ baņ yaņ joņ piņan da bikbiņon yabekdat. <sup>4</sup> Moneņ simiļ kinam, ae yik, ae kandap gwil dima timigeķ kini. Aņek kosiron amin pindak ‘Gildat tagi!’ yaņ dima yoyini. <sup>5</sup> Yut kindakon wigeķ mibiltok yaņ yoyini, ‘On yut amin butji yawori tosak.’ <sup>6</sup> Yut unjudon but yawot amin kinda ekwan kaņ, but yawot genji dakon bami unjudon tosak. Minini da egipjak kaņ, but yawotji dakon bami jikon aeni tobiļjak. <sup>7</sup> Yut wigini unjudon gin yik egiyo aņakwa jap daba noni. Pi agak amin unjun tomni tagi timiķgaņ. Ji yuri yuri dima agipni.

<sup>8</sup> “Kokup kindakon kiņakwa not aņ damiņek jap daba kaņ unjun si noni. <sup>9</sup> Aņek amin sotni toņ paņmiļip aņek yaņ yoyini, ‘Piņkop da Amin Kila Agakni ji da kapmatjok kili abik.’ <sup>10</sup> Kokup kindakon kiņakwa not dima aņ daba kaņ, unjun kokup dakon kosit madepmon ageķ yaņ yoyini, <sup>11</sup> ‘Kokupji dakon kimbabaņ kandapninon tegoņ, unjun tidono kiņakwa diwarisi taņ damaņ yaņsi nandani. Aņek yaņsi nandani, Piņkop dakon Amin Kila Agakni ji da kapmatjok kili abik.’ <sup>12</sup> Yaņsi dayisat, gen kokwin bisap madepmon Sodom kokup amin da kobogi do jigi tagapmi pakdaņ. Mani kokup unjuden amin kobogi do jigi madepsi pakdaņ.”

*But tobiļ dima aņ amin unjun bupmisi*

*(Mt 11.20-24)*

<sup>13</sup> Yesu da saņbeņek yaņ yagit, “Korasin ae Betsaida kokupmon amin, awa! Nak wasok tapmimi toņ abo

pindagek ji but tobil dima awit. Tair ae Saidon kokupmon amin da pindakgwit tam, but tobil bamisi abam. Anek bupmi dakon yik imalyo panjek abilagon yikbam. <sup>14</sup> Mani gen kokwin bisap madepmon Tair gat Saidon kokupmon amin gat da kobogi do jigi tagapmi panakwa ji da kobogi do jigi madepsi pakdaŋ. <sup>15</sup> Anakwa Kapaneam kokupmon amin, ason Kwen Kokup nin da wigikdamaŋ yaŋ nandaŋ, ma? Uŋun aripmi dimasi. Ji mibiligwan Tipdomon pigikdaŋ.”

<sup>16</sup> Yesu da paŋdetni saŋbenek yaŋ yoyigit, “Ji dakon gen nandisak amin, uŋun da nak dakon gen nandisak. Ae manji damisak amin, uŋun nak naŋ manji namisak. Ae nak manji namisak amin, uŋun da nak yabekgit amin manji imisak.”

*Paŋdet 72 aeni tobil apgwit*

<sup>17</sup> Paŋdet 72 uŋun kisik kisigon da tobil abinek Yesu yaŋ iyiwit, “Amin Tagi, gak dakon man yaŋapno koŋ da genin guramikgaŋ!”

<sup>18</sup> Yaŋ yaŋba yoyigit, “Sunduk uŋun Kwen Kokup da mal da yaŋ manban kagim. <sup>19</sup> Nandani. Nak ji da tuŋon amin emari toŋ gat ae skopion gat bamoni, ae uwal dakon tapmim kisisi pabiŋ yopni do yaŋ mudaŋ damisat. Yo kinda da ji aripmi dima paŋupbal asak. <sup>20</sup> Mani koŋ da genji guramikgaŋ, uŋun do kisik kisik dima ani. Ji dakon man Kwen Kokupmon mandabi da toŋ, uŋun do nandaŋek kisik kisik ani.”

*Yesu da kisik kisik nandaŋek Pinjkop anjgisigit*

*(Mt 11.25-27 ae 13.16-17)*

<sup>21</sup> Uŋun bisapmon Yesu Telagi Wup da kisik kisik iban yaŋ yaŋgit, “Dat, kundu ae miktim dakon Amin Tagi, amin

diwari miŋtim dakon nandak nandakni unun wukwisi, mani iyi do nandaba wigisak, do unuden amin do gen bami morap si paŋkisibisal. Anek amin moniŋi da tilagon ekwaŋ amin, unun do yolisal. Yaŋ asal do gak aŋkisisat. O Dat, gaga dakon galaktok yolek yaŋ asal.

<sup>22</sup> “Datno da yo morap kili namgut. Dat unun daŋin Monji nandaŋ imisak. Anek Monji gat ae amin morap Monji da Dat dakon mibili yolisak, unun amin daŋin Datno nandaŋ imarŋ.”

<sup>23</sup> Yaŋ yaŋek Yesu tobiŋ paŋdetni baŋŋin yaŋ yoyigit, “Ji da yo pindak nandaŋyo aŋ, unun pindakgaŋ amin unun kisik kisik ekwaŋ. <sup>24</sup> Nak yaŋsi dayisat, kalipsigwan kombi amin morapmi gat ae kila amin madep morapmi gat da yo ji da pindakgaŋ unun pindatdosi nandawit, mani dima pindakgwit. Ae gen nandaŋ unun nandakdosi nandawit, mani dima nandawit.”

*Samaria* amin kinda da Juda amin kinda aŋpulugagit

<sup>25</sup> Bisap kindakon gen teban dakon mibili nandak nandak amin kinda da pidaŋ agek Yesu aŋkewal do aŋek yaŋ iyigit, “Yoyiŋdet, yo ninaŋ aŋek egip egip dagok dagogi mini abidokerŋ?”

<sup>26</sup> Iyiŋban Yesu da iyigit, “Gen teban papiakon gen tosok unun manjiŋek niaŋ kokwinikdal?”

<sup>27</sup> Iyiŋban yagit,

“Ji Amin Tagi Piŋkopji unun but gat ae wup gat ae tapmimgo gat ae nandak nandakgo gat kisi but dasi galak taŋ ibi.

Ae gaga do but dasi niaŋ galak tosol, unuderŋ giŋ amin do but dasi galak taŋ yobi.”

<sup>28</sup> Yanban Yesu da iyigit, “Kobogi bamisi yosol. Yanji anek egip egip abidokdisal.”

<sup>29</sup> Mani unun amin iyi do Yesu da amin kilegi kinda yan kosak do nandanek yan iyigit, “Nak namin amin ban but dasi galak tan yober do yosol?”

<sup>30</sup> Yan yanban Yesu da iyigit, “Amin kinda Jerusalem yipmanek Jeriko kokup papmon kik do anek kosiron pigigit. Pigakwan kabo noknok da abidan yik imalni gwayenek anakba pali kimakban yipman kiwit.

<sup>31</sup> “Kinakwa mukwa sogok amin kinda unun kosit nanjin pigigit. Pigi amin unun kanek anpekwolek kosit ilej nan yapman kigit. <sup>32</sup> Yapman kinakwan Liwai amin kinda obin kanek yan gin anpekwolek yapman kigit.

<sup>33</sup> “Mani Samaria amin kinda da unun kositnan obin amin unun kanek bupmi nandan imgut. <sup>34</sup> Bupmi nandan iminek giptimi anak anupbal awit unun wain gat ae bit nelak gat ban son iminek waman imgut. Yan anek amin unun kendak anenak iyi da donkikon yipgut. Yipmanek anki amin da yuman nanek pokgon yut kindakon yipmanek kilani agit. <sup>35</sup> Anek wisa dagok do silwa monej tabili bamori unun yut pakgimal dakon kila amin do iminek yan iyigit, ‘Kilani anaki on monej da aripmi dima anakwan nan mudok di abi kan, tobi abinek don gaben.’”

<sup>36</sup> Yan yanek Yesu da gen teban dakon nandak nandak amin yan iyigit, “Nian nandisal, unun amin kapbi da kabikon namin da kabo noknok da anakgwit amin unun do but dasi galak tan imgut?”

<sup>37</sup> Yanban iyigit, “Bupmi nandan iminek anpulugagit amin unun da.”

Yanban Yesu da iyigit, “Gak kin anpak yan gin abi.”

*Yesu unjun Mata gat Maria gat da yutnon egipgwit*

<sup>38</sup> Yesu gat pañdetni gat kiñek kokup kindakon altawit. Unjun kokupmon miñat kinda egipgut mani Mata. Unjun da yanban Yesu unjun yutnikon wigigit. <sup>39</sup> Wikwan Mata dakon padige mani Maria unjun Amin Tagi da kandap mibilon yigek geni nandagit. <sup>40</sup> Mani Mata unjun jap dakon oman do nandaba kik morapmi añek obiñ Yesu iyigit, “Amin Tagi, padigino nepmak da naga gin pi madep asat. Gak unjun do dima nandisal? Iyiñbi obiñ nak anpulugarban.”

<sup>41</sup> Yanban Amin Tagi da Mata yan iyigit, “Mata, gak yo morapmi do nandaba kik añek butgo yokwi tosok. <sup>42</sup> Mani gak yo kaloñi kinda dogin nandaki kan tagi. Maria unjun dogin nandisak, do tagi dima kirinjik ibeñ.”

## 11

*Bisit agak dakon gen*

*(Mt 6.9-15 ae 7.7-11)*

<sup>1</sup> Bisap kindakon Yesu unjun bisit pi añek egipgut. Bisit aban mudanakwan pañdetni kinda da yan iyigit, “Amin Tagi, Jon da pañdetni bisit agak do yoyiñ dekgit, yan gin niyiñ dekgi.”

<sup>2</sup> Yanban Yesu da yoyigit, “Bisit ani bisapmon yan yoni: ‘Dat, gak dakon man telagi tosok.

Amin Kila Agakgo yipbi ninon apjak.

<sup>3</sup> Gildari gildari jap aripninon nibi.

<sup>4</sup> Nin yokwi aņnimañ amin dakon diwarini yopmañ yomañ,

do gak yan gin nin dakon diwarinin yopmañ nibi.

Paņkewalon dima nipbi.’”

<sup>5</sup> Yan yanek yoyigit, “Jikon da kinda da kalbi binap notni da yutnon kiñ yan iyisak, ‘Not, bret timi kapbi nabi tamoni



don gabeŋ. <sup>6</sup> Notno kinda kosit dubagikon da abik da yutnokon isal yikdak. Japno mini.'

<sup>7</sup> "Yaŋban notni yutgwan da gen kobogi yaŋ iyisak, 'Jigi dima nabi. Pidaŋek aripmi dima gabeŋ. Yoma beŋgan kili at, ae gwakno gat kili pak mudamaŋ.' <sup>8</sup> Nak yaŋ dayisat, amin uŋun notni da bisit iyik uŋun do dima imisak. Mani saŋbek saŋbek yaŋakwan uŋun do kurak taŋek yo nido wadaŋek yosok uŋun kisi imisak.

<sup>9</sup> "Yaŋdo, nak yaŋ dayisat: Ji Piŋkop bisit iyinba tagi damdisak, ae wisinjek bami kokdaŋ, ae yoma domon tidanba witdal damdisak. <sup>10</sup> Amin morap Piŋkop bisit iyaŋ uŋun yo timikgaŋ, ae yo wisan amin uŋun bami koŋ, ae yoma domon tidon amin uŋun witdal yomisak.

<sup>11</sup> "Dat kabi, ji kabikon da monjisi kinda da tap kilap do dayinban tuŋon amin emari toŋ kinda tagi imni? <sup>12</sup> Bo pup kwap do dayinban skopion kinda tagi imni? <sup>13</sup> Ji yokwi pakpak amin, mani monjisi do yo tagi yomaŋ. Do yaŋsi nandani. Ji bisit iyinba Datji Kwen Kokup egisak uŋun da Telagi Wup tagi damjak."

*Yesu Belsebul gat pi amal yaŋ yawit*

*(Mt 12.22-30 ae Mk 3.20-27)*

<sup>14</sup> Yesu da amin kinda koŋ kinda da ankadim aban gen dima yagit, uŋun koŋni yol imgut. Yol iban amin kadim uŋun gen yaŋakwan amin da kaŋba yo nɔwakɔwarisi agit. <sup>15</sup> Mani amin di da yaŋ yawit, "Koŋ dakon mibiltok amin Belsebul da tapmimon koŋ yoldak." <sup>16</sup> Yaŋakwa amin diwari da Yesu ankwel do anek iyinba wasok tapmimi toŋ kinda anakwan, asi Piŋkop da yabekban pigit da pini asak yaŋ kok do nandawit.

<sup>17</sup> Mani Yesu da nandak nandakni pindak nandanyo anek yoyigit, "Miktim kinda dakon amin da pudan ki

kabi bamori aṅek emat wamjil kaṅ, miḱtim uṅun yokwi tokdisak. Ae amin yuri kinda da pudaṅ kiṅek emat wamni kaṅ, uṅun amin yut taḡi dima egipdaṅ. <sup>18</sup> Sunduk dakon amin kabini da pudaṅ ki kabi bamori aṅek emat wamjil kaṅ, niaṅon da Sunduk gat amin kabini gat tebai atni? Nak da koṅ Belsebul da tapmimon yoldat yaṅ yoṅ. <sup>19</sup> Mani nak Belsebul da aṅpulugaṅban koṅ yoldat kaṅ, disi dakon notji koṅ yolgaṅ uṅun amin kabi ni tapmimon da koṅ yolgaṅ? Uṅun amin kabi da genji kokwinigek gulusuṅ yoṅ yaṅ taḡi dayini. <sup>20</sup> Mani Piṅkop da iyi tapmim naminaṅkwan koṅ yoldat kaṅ, Piṅkop dakon Amin Kila Agakni jikon kili abik.

<sup>21</sup> “Amin tebaisi kinda emat agak yo kabini timigek iyi dakon yut kilani tebai aṅakwan, yo kabini tagisi toṅ. <sup>22</sup> Mani amin kinda uṅun yut ami dakon tapmim yapmaṅdak amin kinda da abisak. Abiṅ aṅagek emat agak yo kabini timigek tapmim pagit uṅun gwayesak. Yaṅ aṅek yo morapni kabo naṅek kokwinik notni do yomisak.

<sup>23</sup> “Amin nak dakon notno dima, uṅun da nak uwal aṅnamaṅ. Ae amin nak dima aṅpulugaṅban amin paṅmuwukgamaṅ, uṅun amin da amin paṅwasenṅban wasenṅkwaṅ.”

*Koṅ kinda aeni tobil abisak*

*(Mt 12.43-45)*

<sup>24</sup> Yesu da saṅbenṅek yaṅ yaḡit, “Koṅ kinda da amin kinda yipmaṅ degek kiṅ miḱtim kibiri timon agek yik yawot tamo wisisak. Mani tamo kinda dima kosok, do yaṅ yosok, ‘Nak aeno tobil yut kalip egipgumon kiker.’

<sup>25</sup> Yaṅ yaṅek kiṅ kaṅban sibat sibat wiririgek yo morap paṅkosit abi pindakdak. <sup>26</sup> Yaṅ kosok, do kiṅ koṅ 7 kabi iyi yapmaṅek wagil yokwisi gat timikṅban kwa uṅun yutnon egek aṅpak yokwisi aṅ. Mibiltok uṅun amin

yokwi egipgut, mani abisok unun yapmanjek wagil yokwisi egisak.”

*Nianjen amin* da kisik kisik ekwan?

<sup>27</sup> Yesu gen unun yanakwan minat amin kabi madep kabigwan da minat kinda da pidan yan iyigit, “Mengosi analanjek mum gaban nagil unun dasi kisik kisik tagi asak!”

<sup>28</sup> Yanban Yesu da yagit, “Mani unun yapmanjek amin Pinjkop dakon gen nandanjek guramikgan amin unun da kisik kisik ekwan.”

*Yesu wasok tapmimi* ton asak do iyiwit

(Mt 12.38-42 ae Mk 8.12)

<sup>29</sup> Amin morapmisi da Yesukon sigin obin muwugakwa Yesu da yoyigit, “Amin on bisapmon ekwan unun amin yokwisi gin. Pinjkop dakon pi nan asat yan nandak do wasok tapmimi ton kinda kok do yon. Mani kinda dima kokdan. Jona dakon tilak nanjin kokdan. <sup>30</sup> Kalipsigwan Pinjkop da kombi amin Jonakon tilak aban Niniwe kokup pap amin da asi Pinjkopmon da abik da asak yan kawit. Unudej gin yo Amin Dakon Monjikon noman tan iba apmiap amin da kanjek asi Pinjkop da yabekban abik yan kokdan.

<sup>31</sup> “Miktim saut tetgin dakon kila amin minat madep unun Solomon dakon nandan kokwini tagisi iyinakwan nandak do miktim dubagisikon da apgut. Mani amin kinda oni egisak, unun da Solomon yapmandak, mani geni dima nandan. Do gen kokwin bisap madepmon unun kila amin minat madep da pidan agek abisok ekwan amin kabi dakon anpak yokwi unun do yan tentejokdisak. <sup>32</sup> Niniwe amin Jona da Pinjkop dakon gen yoyinban but tobil

awit. Mani ji da binapmon amin kinda egisak unun da Jona yapmaj mudosok, mani ji but tobil dima anj. Do gen kokwin bisap madepmon Niniwe amin da pidan agek abisok ekwan amin kabi dakon anpak yokwi unun do yanj tenjenokdan.”

*Giptim dakon tenjeni*

*(Mt 5.15 ae 6.22-23)*

<sup>33</sup> Yesu da sigin yagit, “Amin da lam kolej pasiligwan yopba dima toj. Bo ae kwoba banj wutjiba dima toj. Noman tamokon yopba tanj tenjenanakwan amin da winj tenjeni koj. <sup>34</sup> Dabilgo unun giptingo dakon tenjeni. Dabilgo tagisi kanj, giptingo kalonj tenjenini toj. Mani dabilgo yokwi kanj, giptingo pilin tuksi tosok. <sup>35</sup> Yanjo, giptingo dakon tenjeni unun pilin tuk asak yanj do kanj kimokgi. <sup>36</sup> Giptingo kalonj tenjenini toj ae pilin tuk kinda dima tosok kanj, giptingo lam dakon tenjeni dakon panjop pindakdal unudenj tenjenokdisak.”

*Parisi amin gat gen teban mibili nandak nandak amin gat dakon anpak yokwi*

*(Mt 23.1-36 ae Mk 12.38-40 ae Lk 20.45-47)*

<sup>37</sup> Yesu gen yanj mudanakwan Parisi amin kinda da yutnikon kwan yigek jap nonjil do iyigit. Iyinjban Yesu kinj yutnikon wigi jap noknok tamokon yikgit. <sup>38</sup> Yigek mibiltok kisiri dima suganjek jap nanjban Parisi amin unun da kanjek dima agagi asak yanj nandagit. <sup>39</sup> Aban Amin Tagi da yanj iyigit, “Parisi amin ji kap idapyo dakon manji banjin sugonj. Mani kabo gat ae anpak yokwi mibili mibili gat unun butjigwan tugawit da toj. <sup>40</sup> Ji nandanj kokwinji tagi mini! Pinjop da manji banj gin dima, buri gat kisi wasagit. <sup>41</sup> Ji bupmi amin do but dasi galak tanjek panjapulgoni kanj, ji amin kilegisi.

<sup>42</sup> “Mani Parisi amin, awa! Ji jap tam galagisi pi kagasi toŋ uŋun paŋ kabi 10 kabi yopmaŋek uŋun kabikon baŋ kabi kindanaŋ Piŋkop do paret aŋ. Mani gen kokwin kilegi agak gat, ae Piŋkop do but dasi galak taŋ imim uŋun ji dima aŋ. Anpak kilegi uŋun gat ae paretyo kisi ani kaŋ tagisi.

<sup>43</sup> “Parisi amin, awa! Ji muwut muwut yut madepmon tamo mibiltogi ujudon yit do galagi nandaŋ. Ae amin da maket tamokon nandaba wukwan damiŋek gildat tagi yaŋ dayini do galagi nandaŋ.

<sup>44</sup> “Parisi amin, awa! Ji amin kimakbi yopyop tamo miktingwan taŋakwa amin da dima pindagek kwenikon bamaŋ akwaŋ ji uŋun yombem.”

<sup>45</sup> Gen teban mibili nandak nandak amin kinda da gen uŋun yaŋban nandaŋek Yesu yaŋ iyigit, “Yoyiŋdet, Parisi amin do gen uŋun yaŋek, ninyo kisi pabiŋ nipmaŋdal.”

<sup>46</sup> Yaŋban Yesu da yagit, “Gen teban mibili nandak nandak amin jiyo kisi, awa! Ji amin gen teban mibili mibili jigisi guramitni do yoyaŋ, mani kisitjok kinda yomiŋek paŋpulugaŋek guramit do dimasi nandaŋ.

<sup>47</sup> “Awa! Ji kombi amin dakon bumjot tamo wasoŋ. Mani babakji da dapba kimakgwit. <sup>48</sup> Babakji da kombi amin dapba kimakgwit uŋun dakon bumjot tamoni ji da paŋtilim aŋ. Yaŋ aŋ uŋun babaknin da tagisi dapba kimakgwit yaŋ nandaŋ dakon tilak asak. <sup>49</sup> Uŋun do aŋek Piŋkop da nandaŋ kokwini tagisikon da yaŋ yagit, ‘Nak da kombi amino gat ae yabekbi kabino gat uŋun amin kabikon yabetdisat. Yabekgo diwari dapba kimotdaŋ, ae diwari yo yokwisi anyomdaŋ.’ <sup>50</sup> Yaŋ do aŋek Piŋkop da miktim wasagiron da kombi amin morap dapba kimakgwit uŋun dakon kobogi amin abisok ekwaŋ uŋun da timitdaŋ. <sup>51</sup> Wasok wasok do amin kilegi Abel aŋagek ae amin diwari dapmaŋakwa wigi wasip do Sekaraia

Telagi Yut Madep ae altayo da binapmon anjakba kimakgit unjun dakon kobogi yo jigisi amin abisok ekwan unjun da timitdan.

<sup>52</sup> “Gen teban mibili nandak nandak amin, awa! Nandak nandak pakpak tamo dakon yoma witdal disi kili gwayewit. Disi unjungwan dima wigiwit. Anek unjungwan wigik do awit amin ji da kosit sopsop anyomgwit.”

<sup>53</sup> Yesu unjun yut egipgut yipman degakwan gen teban yoyindet amin gat ae Parisi amin gat da Yesu do uwal an iminek gen mibili mibili iyiwit. <sup>54</sup> Ankewalno sunj kinda yanakwan gen pikon yipneŋ yanon da iyiwit.

## 12

*Parisi amin* dakon anpak yokwi do kaŋ kimotni  
(Mt 10.26-27)

<sup>1</sup> Amin tausen morapmi da abiŋ muwugek gitni gitnisi anek notni baman baman anakwa Yesu da mibiltok paŋdetni baŋ kalip yaŋ yoyigit, “Parisi amin dakon yisni do kaŋ kimotni. Unjun jamba but aminsi ekwan. <sup>2</sup> Yo morap gwiligwan toŋ unjun altaŋ tenŋenŋ mudokdan. Ae yo morap pasili toŋ unjun amin da nandaba pisokdan. <sup>3</sup> Do gen morap ji da pilin tukgwan yawit unjun amin da tenŋenikon nandakdan. Ae gen morap yut kagagwan gen piŋgon da yawit unjun yut kwenon wigi gen papmon da yoyiŋ tenŋenokdan.”

*Piŋkop dogin* pasoldo  
(Mt 10.28-31)

<sup>4</sup> Yesu da sanbenek yaŋ yaŋgit, “Not kabi, yaŋsi dayisat. Amin da giptim dapba kimagakwa unjun da kwenon yo di aripmi dima akdan, do unjun do dima pasolni. <sup>5</sup> Mani namin amin dosi pasolni unjun do dayikdisat. Ji Piŋkop do pasolni. Piŋkop da giptim dapban kimagakwa Tipdomon

maban pigini unun dakon tapmim tar imisak. Asisi dayisat, ji Piŋkop dosi pasolni. <sup>6</sup> Minam moniŋ unun yo moniŋisok, 5 kabi dakon yumaŋ nogi unun moneŋ giman tabili bamori gin. Mani Piŋkop da minam moniŋgok unun dakon kindasok dimasi iŋtar iŋgut. <sup>7</sup> Piŋkop da busuŋ dangwanji niaŋ da toŋ unun kisisi nandaŋ mudosok, do ji dima pasolni. Minam moniŋ moniŋ morapmi dakon yumaŋ nogi unun madep dima, mani ji dakon yumaŋ nogi unun wukwisi.”

*Nin Yesu dakon amin kabi yaŋ yok do dima mayak toneŋ (Mt 10.32-33 ae 12.32 ae 10.19-20)*

<sup>8</sup> Yesu da saŋbeŋek yaŋ yaŋiŋ, “Nak da yaŋsi dayisat, amin kinda da ‘Nak Yesu dakon amin kinda’ yaŋ amin yoyisak kaŋ, Amin Dakon Monji da Piŋkop dakon aŋelo kabinikon unun amin nak dakon amin kinda yaŋ yoyisak. <sup>9</sup> Mani amin kinda ‘Nak Yesu dakon amin dima’ yaŋ amin yoyisak kaŋ, nakyu kisi Piŋkop dakon aŋelo kabinikon unun amin nak dakon amin dima yaŋ yoyikeŋ. <sup>10</sup> Amin morap Amin Dakon Monji do yaŋba yokwi tok ani amin unun Piŋkop da diwarini yopmaŋ yomdisak, mani amin morap Telagi Wup do yaŋba yokwi tok ani amin unun Piŋkop da diwarini dima yopmaŋ yomdisak.

<sup>11</sup> “Amin da ji Juda amin dakon muwut muwut yut madepmon, bo gapmanon, bo ae amin mani wukwi da iŋamon paŋki depni bisapmon, disi kutnok do aŋek ni gen baŋ yoyineŋ yaŋ nandaŋek nandaba kik dima ani. <sup>12</sup> Unun bisapmonsini ni gen baŋ yoyini unun Telagi Wup da dayiŋ detdisak.”

*Yoni morapmi amin kinda gulusuŋ aŋiŋ dakon tilak gen*

<sup>13</sup> Unjun amin kabi madepgwan da amin kinda da Yesu yan iyigit, “Yoyindet, peno iyinbi datnit da yo morap yopgut unjun kokwinik diwari nak do namjak.”

<sup>14</sup> Yanban Yesu da iyigit, “Not, namin da jilon gen kokwin pi anek yo kabasil kokwinik daber do manjin nepgut?” <sup>15</sup> Yan yanek minat aminyo yan yoyigit, “Ji kan kimotni. Yo mibili mibili timit timit dakon galagi di pabam. Yo kabisi unjun morapmisi kan, unjun da egip egip bamisi aripmi dima damdan.”

<sup>16</sup> Yan yanek tilak gen kinda yan yoyigit, “Yoni morapmi amin kinda dakon pigagani jap bami tagisi morapmi tawit. <sup>17</sup> Anakwa amin unjun iyi yan nandagit, ‘Jap bami yopber dakon tamo kili tuga, do ae di gat yopber dakon tamo aripmi dima, do niansi aben?’ <sup>18</sup> Yan nandanek yagit, ‘Nak yansi aben: Jap yopyop yutno kisi tuwilek madepsi wutjinek wit gat ae yo kabino gat kisi unjun yutnon yopber. <sup>19</sup> Yan anek naga do yansi yoken, ‘Nak bilak morapmi tagisi egi anan kiker dakon yo morapno aripmisi. Do yaworisi egek jap pakbiyo madepsi anek bisap morapmi kisik kisik anek egipben.’”

<sup>20</sup> “Mani Pin kop da iyigit, ‘Gak nandan kokwingo tagi mini. Gak abisok kalbi kimotdisal. Yo morapgo gaga do pan kosit agil unjun amin da timitdan.’”

<sup>21</sup> Yesu da gen unjun yanek yan yagit, “Amin yoni morapmi pan muwut do pi anek Pin kop do dima nandanek ekwan amin, unjun aminon yo yansi altokdisak.”

*Yo morap do nandaba kik dima ani*  
(Mt 6.25-34)

<sup>22</sup> Yan yanek Yesu da pan detni yan yoyigit, “Yansi dayisat, egip egipji do nandaba kik anek ‘Jap dukon ban nonen’ bo ae giptimji do nandaba kik anek ‘Imal dukon



banj panerj' yarj dima nandani. <sup>23</sup> Egip egip da jap yapmanjadak, ae giptim da imal yapmanjadak. <sup>24</sup> Ji minam do nandani. Jap yet dima kwaokgarj, ae jap dima pañ, ae jap pañmuwut yutni mini. Mani Piñkop da jap upmokdok. Minam dakon yumañ nogi piñbisi anakwa amin ji dakon yumañ nogi unun madepsi. <sup>25</sup> Ji nandaba kik anek egip egipji timisok di gat tagi sanbenba wigisak yarj nandan, ma? Unun aripmi dimasi. <sup>26</sup> Yo moninšok unuden ji da aripmi dimasi agagi, do nido yo diwari morap do nandaba kik an?

<sup>27</sup> "Jareñ oni tarj anarj kwarj unun do nandani. Pi madep anek imal dima bupmangarj. Mani yarj dayisat, jareñ pindakgarj unun dakon tilimni da kalip kila amin madep Solomon dakon tilimni tagisi pagit unun yapmanjadak. <sup>28</sup> On joñ tarj anarj kwarj unun anwa amin da baljarj kindapmon sokdarj. Mani Piñkop da si pañtilim asak, do nandan gadatji pisipmisok amin ji yarñsi nandani, Piñkop da ji do nandaban yo madepsi anakwan imal tilimi tonji banj pañ damdisak. <sup>29-30</sup> Piñkop dima nandan imarj amin kabi da yo morap unuden wusiñ pindat do pini an. Mani Datji da yo unun do wadak wadak an unun nandisak, do ji jap pakbiyo dukon banj noneñ yarj nandaneñ nandaba kik dima ani. <sup>31</sup> Nandaba kikji yipmanjek Piñkop dakon Amin Kila Agakni unun wisiñ kok do pi ani. Yarj anakwa yo diwari do wadak wadak an unun kisi damdisak."

*Yo tagisi Kwen Kokup do pañmuwutni  
(Mt 6.19-21)*

<sup>32</sup> Yesu da sanbenek yarj yagit, "Sipsip kabisok, ji dima pasolni. Datji da iyi Amin Kila Asak da kagagwan egipni do tagisi nandisak. <sup>33</sup> Ji yo morapji tarj damarj unun yopba amin da yumañ noni. Yarj aba moneñ timigek yoni mini

amin do yomni. Anek yo kabisi tagisi Kwen Kokupmon panmuwuk yopba unjudon tagisi tokdaŋ. Unjun tamokon toni kaŋ, yo kabisi dima pasildaŋ, ae kabo noknok da dima timitdaŋ, ae yo moniŋ da dima nokdaŋ. <sup>34</sup> Yo kabisi tagisi dukwan toŋ, but nandak nandakyosi kisi unjudon gin tokdisak.”

*Oman monji* tagisi da tagap taŋek ekwaŋ  
(Mt 24.42-44)

<sup>35</sup> Yesu da saŋbeŋek yaŋ yaŋgit, “Ji imalji paŋek lamji koleŋek tagap taŋek egipni. <sup>36</sup> Oman monji da tagap taŋek amin tagini da miŋat pakpak dakon soŋnogon da tobił apjak do jomjom anek ekwaŋ ji yaŋ gin tagap toni. Do ni bisapmon abiŋ yoma domon tidosak ji yoma tepmi witdal imni. <sup>37</sup> Oman monji amin tagini da pindakban tagap taŋek ekwaŋ kaŋ tagisi. Nak asisi dayisat, amin tagini da iyi oman dakon imal paŋek oman monji yoyiŋban jap tamokon pabiŋ yiŋakwa iyi jap yomdisak. <sup>38</sup> Amin tagi unjun kalbi binap bo wisa dagokdosi abiŋ pindakban tagap taŋek egipni kaŋ tagisi.

<sup>39</sup> Ji yaŋ nandani. Yut kinda dakon ami kalbi kabo noknok ni bisapmon apjak yaŋ nandagit tam, kila anakwan aripmi dima tuwilban. <sup>40</sup> Ji kisi tagap taŋek egipni. Dima apjak yaŋ nandaŋakwa Amin Dakon Monji unjudon apdisak.”

*Oman monji* tagi ae yokwi dakon tilak gen  
(Mt 24.45-51)

<sup>41</sup> Pita da Yesu yaŋ iyigit, “Amin Tagi, tilak gen yal unjun nin dogin yal, bo ae amin kisi do yal?”

<sup>42</sup> Yaŋban Amin Tagi da yaŋgit, “Oman monji kinda nandaŋ kokwini tagisi ae pi agakni tagisi, unjuden oman monji amin tagini da oman monjini diwari kilani asak do

manjisak. Yanj aban jap yomyom bisapmon japni yomiņ yomiņ asak. <sup>43</sup>Oman monji unun amin tagini da tobił abin kanban pini tagisi asak kan tagisi. <sup>44</sup>Nak asisi dayisat, amin tagini da unun oman monji iyinban yo morapni kila akdisak. <sup>45</sup>Mani unun oman monji burikon da amin tagini tepmi dima apdisak yanj nandaņek oman monji gat ae oman miņat gat dapmaņek jap pakbiyo madep aņek pakbi tebanyo kisi naņ but upbal asak kan, <sup>46</sup>dima apdisak yanj nandaņakwan amin tagini da but pisogi mini abin unun oman monji tepmi pi iminjek gen kirinjit amin kabi gat yopban egipdan.

<sup>47</sup> Oman monji kinda amin tagini dakon galaktokni nandaņek tagap taņek galaktokni dima yoljak kan, amin tagi da kosiri morapmi baljokdisak. <sup>48</sup>Mani oman monji kinda amin tagini dakon galaktokni dima nandaņek aņpak yokwi si baljoni da aripmon asak kan, amin tagini da kosiri morapmi dima baljokdisak. Yo morapmi timikgaņ amin unun yo morapmi paņtobil yomyomi. Yo morapmi kila ani do dabi amin unun yo morapmi paņtobil yomyomi.”

*Yesu unun pidok pidok naņ abigit*

*(Mt 10.34-36)*

<sup>49</sup>Yesu da saņbeņek yanj yagit, “Nak miktimon kindap sokeņ do pigim. Kilisi kwaņ sok tam tagi. <sup>50</sup>Nak tepmi madepsi pakdisat. Butno jik tosok, do pako dagosak dosi nandisat. <sup>51</sup>Nak amin da miktimon but yawot pani yanj do pigim yanj nandaņ, ma? Unun dima. Yanj dayisat, nak miktim aminon pidok pidok paņalon ak do pigim. <sup>52</sup>Abisok da wasaņek amin yuri kindakon amin 5 kabi da pidaņ kinjek bamori da kapbi gat uwal uwal akdaņ. Ae kapbi da bamori gat uwal uwal akdaņ. <sup>53</sup>Wasen kinjek dat da monji gat pidok pidok akdamal, ae meņ da gwi gat

pidok pidok akdamal, ae miñat kinda gat namdi gat pidok pidok akdamal.”

*Yo altawit dakon mibili* dima nandawit  
(Mt 16.2-3)

<sup>54</sup> Amin kabi madepsi yañ yoyigit, “Ji gildat da si pigisak tetgin do meñi wamañdak yañ pindagek ‘Sikak mokdisak’ yañ yañakwa asi sikak mosok. <sup>55</sup> Ae saut tetgin dakon mirim madep abinjakwan ji da yañ yoñ, ‘Gildat tepmisi wusikdisak.’ Yañ yañakwa asi gildat tepmisi wusisak. <sup>56</sup> Jamba but amin, ji da miktimon ae kwen yo morap toñ pindagek kokwin tagisi añ. Mani abisok yo morap alton uñun pindagek kokwin nido tagi dima añ?”

*Notgo gat genjil anjilek anjil*  
(Mt 5.25-26)

<sup>57</sup> Yesu da sañbenek yañ yağit, “Ji disi anpak yokwi tagiyo nido dima kokwinikgañ? <sup>58</sup> Amin kinda da gen yañ gam do aban gen kokwin tamokon kik do kosiron kinjil bisapmon genjil uñun yañ anmilip ak do pi anjil. Yañ dima anek kwal gen kokwin kila agak amin da obip amin da kisiron gepban uñun da dam teban yutnon gepdisak. <sup>59</sup> Nak asisi gayisat, gak dam tebanon sigin egaki wigi monerj niañ yopbi do gayini uñun kisisi yopmañek don wanga kikdisal.”

## 13

*But tobil* dima ani amin wagil pasildar

<sup>1</sup> Yesu da gen uñun yañ mudajakwan amin diwari da Pailat da yo ağıt uñun do iyiwit. Pailat da obip amini yoyinban kin Galili amin diwari Pinokop do mukwa sonjakwa uñun dapba kimakgwit. Do uñun amin dakon yawini gat ae paret do yo mukwa sowit dakon yawini kisi

mawit. <sup>2</sup> Unun do iyinba Yesu da yoyigit, “Nianj nandanj? Galili amin kimakgwit unun dakon yokwini da Galili amin diwari dakon yokwini yapgut, unun do anek jiggi unun pawit yanj nandanj? <sup>3</sup> Unun dimasi! Nak asisi dayisat, ji but tobil dima ani kanj, unun amin kabi da kimakgwit jiyo kisi yanj gin kimotdanj. <sup>4</sup> Bo Silom yut dubak tuwil ki manj amin 18 kabi witjinban kimakgwit do nandani. Unun amin kabi dakon yokwini da Jerusalem amin diwari dakon yokwini yapgut unun do anek pasilgwit yanj nandanj? <sup>5</sup> Ununyo kisi dimasi! Nak asisi dayisat, ji but tobil dima ani kanj, jiyo kisi yanj gin kimotdanj.”

*Kindap bami mini unun dakon tilak gen*

<sup>6</sup> Yesu da tilak gen kinda yanj yoyigit, “Amin kinda da wain pinikon pik kindap kinda kwaokgit. Bisap kinda bami wisik do kigit, mani bami mini pindakgit. <sup>7</sup> Bami mini pindagek pi kila amini yanj iyigit, ‘Nandaki. Nak bilak kapbi abinj pik kindap dakon sopmi wisinj wisinj anek mini pindakdat. Yanj do kindap on si pasiki. Miktim dakon tapmim nido isal dogin ilik mudosok?’

<sup>8</sup> “Yanban pi kila amin da yanj iyigit, ‘Amin tagi, yum kanbi bilak kinda gat atjak. Anakwan mibilikon miktim wayigek yalik yopber. <sup>9</sup> Bilak kwenikon bami tosak kanj tagisi. Mani bami dima tosak kanj, tagi pasiki.’”

*Sabat bisapmon Yesu da minjat kinda anmilip agit*

<sup>10</sup> Sabat bisap kindakon Yesu da Juda amin dakon muwut muwut yut kindakon amin yoyinj dekgit. <sup>11</sup> Unudon minjat kinda egipgut. Unun korj kinda da yigek abidanakwan sot anakwan bilak 18 agit. Manji gironjkgit, do kwen kilegi aripmi dima akgit. <sup>12</sup> Yesu da kanek iyinban opban yanj iyigit, “Minjat, sotgo kili gepmanj

dek kik.”<sup>13</sup> Yan iyijek kisiri kwenikon wutjijban unjodon gin manji kilek tanakwa Piŋkop anjkisigit.

<sup>14</sup> Mani muwut muwut yut dakon kila amin da Sabat bisapmon Yesu da amin anmilip agit unun do butjap nandagit. Butjap nandajek miŋat aminyo yan yoyigit, “Pi agak dakon gildat 6 kabi torj. Unun bisapmon sot amin apba tagi panmilip ani. Mani Sabat bisapmon dimasi ani.”

<sup>15</sup> Yanban Amin Tagi da kobogi yan iyigit, “Ji jamba but amin! Ji Sabat bisapmon bulmakausi gat ae donkisi gat yutnikon ban witdal ilik panji yopba pakbi nonj, ma?”<sup>16</sup> Miŋat on Abraham dakon gwi, Sunduk da tebai abidanjawan bilakni 18 agit. Sabat bisapmon dima puluŋan kisak do nandanj, ma?”

<sup>17</sup> Yan yanban uwalni mayagi nandawit. Mani miŋat aminyo Yesu da yo morap wagil tagisasi agit unun do kisik kisik awit.

*Mastat dakon yeri* dakon tilak gen

*(Mt 13.31-32 ae Mk 4.30-32)*

<sup>18</sup> Yesu da sanjenek yan yagit, “Piŋkop dakon Amin Kila Agakni unun nianji? Yo ni gat tilak abo?”<sup>19</sup> Unun mastat yet yombem. Amin kinda da mastat yet kinda pigagani kwaokgit. Anjakwan mastat unun kwanj madep tanj kindap kinda da yan agakwan minam da abinj kilinjikon yutni unjodon awit.”

*Yis dakon* tilak gen

*(Mt 13.33)*

<sup>20</sup> Yesu da sanjenek yan yagit, “Piŋkop dakon Amin Kila Agakni yo ni gat tilak abo?”<sup>21</sup> Unun yis yombem. Miŋat kinda da plaua idap madep kinda gat iktagildak. Yan anjakwan plaua unun kisisi paptanj madep tawit.”

*Yoma kosit gwagak moniḡisok naḡ wigikdo  
(Mt 7.13-14 ae 7.21-23)*

<sup>22</sup> Yesu unḡun Jerusalem kokup papmon kik do aḡek kokup pap ae kokup moniḡ tawit unḡudon agek amin yoyiḡ dekgit. <sup>23</sup> Aḡakwan amin kindā da yaḡ iyigit, “Amin Tagi, Piḡkop da amin kalonḡisok di banḡin yokwikon banḡ timitjak bo niaḡ?”

Yaḡban Yesu da yoyigit, <sup>24</sup> “Nak yaḡsi dayisat, amin morapmi da egip egipmon wigik do pini akdaḡ, mani aripmi dima wigikdaḡ. Do ji yoma kosit gwagak moniḡi naḡ wigik do pi tebai ani. <sup>25</sup> Yut dakon ami da pidaḡ yoma sopban ji da kiḡ yomakon agek yoma tidaḡek yaḡ yokdaḡ, ‘Amin Tagi, nin do yoma witdal nim.’

“Mani gen kobogḡ yaḡ dayikdisak, ‘Nak dima nandaḡ damisat. Ji dukon nani amin?’

<sup>26</sup> “Yaḡ yaḡban ji da kobogḡ yaḡ iyikdaḡ, ‘Nin gak gat kisi egek jap pakbiyo aḡimaḡ. Ae kokup papnin dakon kosit madepmon agek niyiḡ dekgil.’

<sup>27</sup> “Mani unḡun da yaḡ dayikdisak, ‘Nak asisi dayisat, nak dima nandaḡ damisat. Ji dukon nani unḡun dima nandisat. Yokwi pakpak ji kisisi nepmaḡ dek kit!’

<sup>28</sup> “Ji Abraham, Aisak, Jekop, ae kombi amin kisisi Piḡkop da Amin Kila Asak kokupmon ekwa pindaḡdaḡ. Mani ji maba waḡga kiḡ mudokdaḡ. Unḡun bisapmon ji kunam tagek iyonḡ iyonḡ yaḡ tidaḡek egipdaḡ. <sup>29</sup> Amin da gildat wisak ae si pigisak tet, ae not tet ae saut tet da Piḡkop da Amin Kila Asak kokupmon abiḡek jap noknok tamo madepmon yiḡdaḡ. <sup>30</sup> Nandani, amin diwari abisok buḡon ekwaḡ, unḡun don mibiltok amin akdaḡ. Ae amin diwari abisok mibiltok ekwaḡ, unḡun don buḡon amin akdaḡ.”

**13:25:** Mt 25.10-12    **13:27:** Kap 6.8

**13:28:** Mt 8.11-12

**13:29:**

Kap 107.3

**13:30:** Mt 19.30

*Yesu da Jerusalem Kokup do bupmi nandagit  
(Mt 23.37-39)*

<sup>31</sup> Uñun bisapmon gin Parisi amin diwari da abiñ Yesu yañ iyiwit, “Gak idon dima egipbi, kokup digwan kiki. Erot da gak gikban kimokgi do nandisak.”

<sup>32</sup> Yañba Yesu da yoyigit, “Ji kiñ uñun top amin yañ iyini, ‘Nandaki. Nak abisok ae añwa koñ yolgeñ, ae sot amin pañmilip abeñ. Ae pidañi do pi abeñ do nandagim uñun añwasip abeñ.’ <sup>33</sup> Kombi amin Jerusalem kokup papmon gin dapba kimokgoñ. Kokup ñwakñwarikon dima dapba kimokgoñ, do nak abisok ae añwa ae pidañi do sigin kiken.”

<sup>34</sup> “O Jerusalem, Jerusalem amin, ji kombi amin dapba kimokgoñ. Amin Piñkop da yabekban jikon abañ uñun ji da tipbañ dapba kimokgoñ. Pup meñi da monjini pañmuwuk pirigwan yopmañdak, uñun da tilak nak da bisap morapmi ji pañmuwut do nandagim, mani ji da kurak tañ namgwit. <sup>35</sup> Nak asisi dayisat, kokup yomasiyo yokwi tañek yumsi tokdisak. Ji nak dima nandañek egi wigi ni bisapmon nak do ‘Amin on Amin Tagi da manon abisak, uñun Piñkop da gisamiñgakwan abisak’ yañ nak do yoni uñun bisapmon nandakdañ.”

## 14

*Yesu da giptimi paptañbi amin kinda añmilip agit*

<sup>1</sup> Sabat kindakon Yesu jap nok do Parisi amin dakon kila amin kinda da yutnon kigit. Añakwan yipba kik añek kañ yikgwit, <sup>2</sup> nido Yesu da buron giptimi paptañbi amin kinda yikgit. <sup>3</sup> Yesu da uñun amin kañek gen teban mibili nandak nandak amin gat ae Parisi amin gat yañ yoyigit, “Sabat bisapmon sot amin tagi pañmilip



anerj bo dima? Gen teban da nianj yosok?”<sup>4</sup> Mani gen kobogi kinda dima iyiwit. Yanj anjakwa Yesu da amin unun abidank anmilip anek digo ki yanj iyinban si kigit.<sup>5</sup> Kinakwan yanj yoyigit, “Jikon da kinda dakon monji bo bulmakauni Sabat bisapmon pakbi gapmakon manban tepmi tagi ilikba wisak bo dima?”<sup>6</sup> Yanban gen kobogi aripmi dima iyigi yanj kawit.

*Yesu da amin* iyi do nandaba pini do yagit

<sup>7</sup> Yesu da amin jap nok do apgwit unun pindakban tamo mibiltogi nanikon gin yit do awit. Do tilak gen kinda yanj yoyigit,<sup>8</sup> “Amin kinda da minat pakpak dakon sonnogon yanj gaban kiki kan, tamo mibiltogi nanikon dima yikgi. Tamo unun amin madep kinda gak gwapmandak unun do manjikbi nanj di yikbim.<sup>9</sup> Yanj kan amin yanj daban kiki unun da abinj yanj gayisak, ‘On tamo on amin do iminj.’ Yanj gayinban gak gaga do mayagisi nandank tamo amin pinbisi do yopbi unudon panji yitdisal.<sup>10</sup> Amin kinda da yanj gaban kan, gak tamo amin pinbisi do yopbi unudon panji yikgi. Yigaki amin yanj gamjak unun da ‘Not, on tamo tagikon pawinj yit’ yanj gayinban pawinj yigaki amin diwari da amin mani ton kinda yanj gandani.<sup>11</sup> Amin kinda iyi do nandaban wugisak kan, Pinjkop da unun amin abinj yipdisak. Mani amin kinda iyi do nandaban pisak kan, Pinjkop da mani awigikdisak.”

*Kobogi* tagi dima damni amin ban panpulugoni

<sup>12</sup> Yesu da amin unun yanj iban kigit unun yanj iyigit, “Gak jap noknok kinda asal kan, notgo, bo ae pego padik padikgo bo ae yawi diwatgo bo ae yoni morapmi amin diban dima yanj yobi. Unun da kobogi do don yanj gamdanj.<sup>13</sup> Gak jap noknok kinda abi kan, yoni mini

amin, ae giptimi yokwi taribi, ae kandap yokwi ae dabili mini amin banjin yan yobi. <sup>14</sup> Yan abi kan, gak kisik kisigi tonji egipbi. Ujuden amin kobogi tagi dima gamni, mani Pinjop da amin kilegi kimoron ban paban pidoni bisapmon don kobogi gamdisak.”

*Jap noknok dakon tilak gen*  
(Mt 22.1-10)

<sup>15</sup> Amin kinda jap nawitgwan da gen unun nandarek Yesu yan iyigit, “Pinjop da Amin Kila Asak kokupmon yigek jap nokdan amin unun kisik kisik ekwan.”

<sup>16</sup> Mani Yesu da yan iyigit, “Amin kinda da jap madepsi kinda panjosit ajek amin morapmi yan yomgut. <sup>17</sup> Jap noknok bisapmon oman monjini kinda yabekban amin yan yomgut unun yoyik do kigit. Kin yan yoyigit, ‘Yo morap kili panjosit abi, do ji tagi opni.’

<sup>18</sup> “Mani amin kisisi dima op do yawit. Kinda da yan yagit, ‘Nak pi kinda kaluk yumit unun kin kokej. Do nandanj naminjaki dima opbej.’

<sup>19</sup> “Ae kinda da yagit, ‘Nak pi agak bulmakau 10 kabi yumit, unun kin panjilik pindatgej. Do nandanj naminjaki dima opbej.’

<sup>20</sup> “Ae kinda da yagit, ‘Nak minjat kaluk pat, do aripmi dima opbej.’

<sup>21</sup> “Oman monjini tobil obin amin tagini amin yoyinban gen yawit dakon mibili iyigit. Iyiban yut unun dakon ami unun da butjap nandarek oman monjini tebai yan iyigit, ‘Gak tepmisi kokup madep da kosit madep ae kosit monjon kin, amin yoni mini, ae giptimi yokwi taribi, ae dabili mini, ae kandap yokwi unun timik panjopbi.’

<sup>22</sup> “Yaŋ iyinban oman monji da yaŋ gin aŋek yaŋ iyigit, ‘Amin tagi, yo abeŋ dosi nayil unun kili anmudat, mani tamo toŋ.’

<sup>23</sup> “Iyinban amin tagi da oman monji yaŋ iyigit, ‘Gak kokup madep yipmaŋek kiŋ kosit madepmon bo ae pigaga da dam kidipmiŋ agek amin pindak tebai yoyinbi abiŋ yikba yutno tugosak. <sup>24</sup> Nak yaŋsi dayisat, amin unun kalip yaŋ yomgum unun da nak dakon jap jimjimjok kinda dimasi nokdaŋ.’”

*Nandaŋ kimagek Yesu yoldo*

*(Mt 10.37-38)*

<sup>25</sup> Miŋat amin kabi madepsi yolakwa Yesu da tobilek yaŋ yoyigit, <sup>26</sup> “Amin kinda nak nol do nandisak kaŋ, meŋi datni, ae miŋatni gwakniyo gat, ae peni samini padigeyo gat, ae iyi dakon egip egipni gat kisi do uwal dima anyomjak kaŋ, unuden amin nak dakon paŋdetno aripmi dima egipjak. <sup>27</sup> Tilak kindapni guramigek dima noljak amin paŋdetno aripmi dima egipjak.

<sup>28</sup> Amin kinda yut madep kinda ak do kaŋ, mibiltok yigek moneŋni manjisak. Aŋek yut tagi aŋ mudogi bo dima unun dakon nandak nandak asak. <sup>29</sup> Yaŋ dima aŋek yut gwak maŋek yo diwari do wadaŋek yut dima aŋ mudosok kaŋ, amin morap koni unun kisi jigilak yaŋek yanjaŋ imdaŋ. <sup>30</sup> Aŋek yaŋ yokdaŋ, ‘On amin yutni aŋ diwarikgit, mani wasip ak do antidok asak.’

<sup>31</sup> Bo kila amin madep kinda da uwalni gat emat wam do nandisak kaŋ, mibiltok nandaŋ kokwin asak. Iyi dakon emat amin 10 tausen da uwalni dakon 20 tausen tagi yolni bo dima, yaŋ do nandak nandak asak. <sup>32</sup> Tagi dima yolni yaŋ nandisak kaŋ, uwalni kapmat dima abiŋakwa amin kabi kinda yabekban kiŋ emat dima wamni do gen yoyin

panyawot anj. <sup>33</sup> Jiyo yan gin yo morapji dima yopman mudoni kanj, panjetnoni tagi dima egipni.”

*Yesu da tap dakon galagini yokwi tosak do yagit  
(Mt 5.13 ae Mk 9.50)*

<sup>34</sup> Yesu da sanbejek yan yagit, “Tap unun yo tagisi kinda. Mani galagini pasilni kanj, niansi anek galagini ankaluk anej? <sup>35</sup> Tap unuden miktim aripmi dima panpu-lugogi. Bo bulmakau dakon kok gat iktagili aripmi dima. Tap unuden isal mamno kwanj. Mirakni tonj amin da gen on pakyanji nandanek mibili nandanj pisoni.”

## 15

*Sipsip kinda pasilgit dakon tilak gen  
(Mt 18.12-14)*

<sup>1</sup> Takis timit timit amin gat ae yokwi pakpak amin gat da geni nandak do Yesu da kapmatjok opgwit. <sup>2</sup> Anakwa Parisi amin gat gen teban yoyijdet amin gat da yanba yokwi tok anek yan yawit, “On amin yokwi pakpak amin not anyoban yigek jap nonj.”

<sup>3</sup> Yan yanakwa Yesu da tilak gen kinda yan yoyigit, <sup>4</sup> “Jikon da amin kinda sipsipni 100 banj kalonji da pasiljak kanj nianj asak? Unun da sipsip 99 jonj timon yopban egakwa kalonji pasildak unun wisinej don anjalon asak. <sup>5</sup> Wisin kanj abidosok bisapmon but galak nandanek kwapmikon guramik ananj <sup>6</sup> yomanikon anjisak. Anjinej notni gat ae kokup isalni gat yan yoban obinj muwukba yan yoyisak, ‘Sipsipno pasilak unun kili wisin kat, do kisik kisik ano.’”

<sup>7</sup> Yesu da sanbejek yan yoyigit, “Nak asisi dayisat, yokwi pakpak kinda da but tobil asak kanj, Kwen Kokupmon kisik kisik madepsi yan gin akdanj. Amin 99 unun

kilegi do but tobil agagi mini do unun dakon kisik kisik madep dima ani. Mani yokwi pakpak kinda but tobil asak unun dakon kisik kisik unun madepsi noman tosok.”

*Money* kinda pasilgit dakon tilak gen

<sup>8</sup> Ae Yesu da sanjenek yan yagit, “Minat kinda da silwa monej tabili 10 kabi ban kalonj da yutnon man pasiljak kan unun nian asak? Unun da lamni kolejek yutni ikdiganej tebaisi wisinej don kosak. <sup>9</sup> Kan abidosok bisapmon but galak nandanej notni gat ae kokup isalni gat yoyinban obin muwukba yan yoyisak, ‘Monejno pasilak unun kili wisin kat, do kisik kisik ano.’”

<sup>10</sup> Yesu da yan yoyigit, “Nak asisi dayisat, yokwi pakpak kinda da but tobil asak kan, Pinjkop dakon anelo da kisik kisik yan gin akdar.”

*Dat* kinda gat monji bamotni gat dakon tilak gen

<sup>11</sup> Yesu da sanjenek yan yagit, “Amin kinda egipgut unun monji bamori. <sup>12</sup> Monji bujon nani da datni yan iyigit, ‘Dat, gak peno gat nit do yo morap nim do nandisal unun nak dakon diwarino abisok kokwinik nabi.’ Yan yanban datni da yo kabini kokwinik monji bamotni do yomgut.

<sup>13</sup> “Yoban bisap pisipmisok egek monji bujon nani da yo kabini kisisi timik dubagisi kin miktim kindakon panji egipgut. Panji egek anpak yokwi mibili mibili anek monejni nan mudagit. <sup>14</sup> Monejni nan mudajakwan unun miktim amin da jap do madepsi anek diwari da kimakgwit. Anakwa monji unun wadak wadak madepsi agit. <sup>15</sup> Do kin unun miktim dakon amin kindakon pi kinda abidagit. Aban amin tagini da yabekban bit damnikon kin bit jap yomgut. <sup>16</sup> Anek bit da birap gip nawit unun pindak galak tanej unun ban nanej butno kadim tosok yan nandagit. Mani amin kinda da jap kinda dima imgut.

<sup>17</sup> “Nandak nandakni kulabik anek yan yagit, ‘Datno dakon oman monji morapni unun japni aripmisi tan yomanakwa ekwan, mani nak idon egek jap do kimotdisat.

<sup>18</sup> Do yansi aben, nak tobil kin datno yan iyiken: “Dat, nak Pin kop da inamon ae gak yo kisikon yo yokwisi agim, <sup>19</sup> do bujon monjino yan dima nayiki. Yum oman monjigo yuman nanaki ekwan unuden kinda da tilak egipben.”

<sup>20</sup> Yan nandek pidan datnikon kigit. Kinakwan datni dubagikon da monji kan bupmi nandan timent yanek kin monji bedanek mandan nagit.

<sup>21</sup> Yan aban monji da datni yan iyigit, ‘Dat, nak Pin kop da inamon ae gagon yo yokwisi agim, do bujon monjino yan dima nayiki.’

<sup>22-24</sup> Mani datni da oman monjini yan yoyigit, ‘Monjino kimoron da yan abisak. Pasilbikon nan analon aman. Do ji tepmi kin paba pigik dubagi tagisi kinda anabin pan imni. Ae kisirikon sip tagisi kinda yipman iminek kandap gwil kisi pan imni. Ae bulmakau monji nelagi ton kinda nan anapba anak son nanek kisik kisik ano.’ Datni da yan yanakwan jap noknok anek kisik kisik awit.

<sup>25</sup> Yan anek egakwa monji mibiltogi pigaga egipgut da yutnon obin ankapmat anek nandaban amin da kap kisik kisikyo awit. <sup>26</sup> Yan anakwa nandek oman monji kinda yan iban apban iyigit, ‘Unun niban an?’

<sup>27</sup> Yan yanban iyigit, ‘Padigigo tagisi egisak da abik do datgo da kanek bulmakau monji nelagi ton anwak.’

<sup>28</sup> Yan iyinban monji mibiltogi butjap nandek yutnon wigik do kurak tagit. Yan anakwan datni da yomakon pinen butni manakwan yutnon wigisak do iyigit. <sup>29</sup> Mani datni yan iyigit, ‘Dat, gak yan nido asal? Nak oman monji isali kinda da yan bilak morapmi egek omango an egisat.

Anek gengo bisap kindakon dima kirinjikgin. Notnoni gat kisik kisik aneꝝ do memesok kinda dimasi namgul.  
<sup>30</sup> Mani monjigo on yo morapgo kosit miꝝat gat egek yomiꝝ mudagit, uꝝun da apban kaꝝek bulmakau monji nelagi toꝝ uꝝun aꝝwal.'

<sup>31</sup> Yaꝝban datni da yaꝝ iyigit, 'Monjino, bisapmi bisapmi gak nak gat ekwamak. Ae yo morapno uꝝun gak dakon gin. <sup>32</sup> Mani padigigo kimoron da yaꝝ abik, ae pasilbikon naꝝ aꝝalon amaꝝ, do nin but kwaktok nandaꝝek kisik kisik tagisi amaꝝ.'

## 16

Kila amin kinda da goman paꝝkilek asak dakon tilak gen

<sup>1</sup> Yesu da paꝝdetni yaꝝ yoyigit, "Yoni morapmi amin kinda gat ae yo morapni dakon kila amini gat egipgumal. Amin da abiꝝ yoni morapmi amin yaꝝ iyiwit, 'Yo morapgo dakon kila amin isal dogin yo morapgo naꝝ mudok aꝝgamisak.'

<sup>2</sup> "Iyiꝝba nandaꝝek yo kila amini uꝝun yaꝝ iban opban yaꝝ iyigit, 'Gak niaꝝ aꝝaki gengo nandat? Gak kiꝝ yo morapno kili niaꝝ asal uꝝun dakon but piso kinda mandaꝝ nabi. Gak pi uꝝun saꝝbeꝝek dima akdisal.'

<sup>3</sup> "Iyiꝝban yo kila agak pi amini uꝝun iyi yaꝝ nandagit, 'Amin tagino da pikon noldak, do niaꝝ abeꝝ? Amin kinda dakon oman monjini egek miꝝtimni pudaꝝ ibeꝝ dakon tapmiꝝno mini. Ae amin moneꝝ do bisit yoyik do mayagi nandisat. <sup>4</sup> Do pi yopbeꝝ bisapmon amin da but galagon da yaꝝ naba yutnikon kiꝝ kiꝝ akeꝝ do niaꝝ abeꝝ uꝝun kili uꝝun nandisat.'

<sup>5</sup> Yaꝝ nandaꝝek amin kalon kalon amin taginikon goman awit uꝝun yaꝝ yoban apgwit. Mibiꝝtok abiꝝ altagit amin yaꝝ iyigit, 'Gak amin taginokon goman niaꝝ da agil?'

<sup>6</sup> “Iyijban yagit, ‘Olip pakbi tibiri madep 100 da arip.’

“Yarban yar iyigit, ‘Gak tepmisi yigek on papia tam gomango mandabikon olip pakbi tibiri 50 yar manda.’

<sup>7</sup> “Ae kinda abij altarban yar iyigit, ‘Gak gomango niar da?’

“Iyijban yagit, ‘Wit yigi 100 da arip.’

Yar iyijban yagit, ‘On gomango mandabi papia tamon wit yigi 80 yar manda.’

<sup>8</sup> “Yar arakwan amin tagini da yo agit unun karban amin nandar kokwini tagisi da aripmon agit, do yo kila agak pi amini yokwi unun do nandaban wukwan imgut. On miktim dakon amin kabi da nandar kokwin tagisi arjek notni gat yumar gwayek pi ar. Unun tenjeni dakon amin kabi yapmangan. <sup>9</sup> Nak da yar dayisat, on miktim dakon monej bar amin not anyomni. Yar ani kar, monejo mudoni bisapmon ji egip egip dagok dagogi mini da yutgwan tagisi wigini.

<sup>10</sup> “Amin kinda yo monijisisok kilani tagi asak kar, unun amin da yo madep kilani tagi asak. Ae amin kinda yo monijisok kilani yokwi asak kar, unun amin yo madepyo kisi kilani yokwi asak. <sup>11</sup> Yar do, ji on miktim dakon monej kilani tagi dima ani kar, namin da nandar gadar damijek yo tagisi bamisi daban kilani ani? <sup>12</sup> Ae ji amin dakon yo kabi kilani tagi dima ani kar, namin da yo kabi disi do damjak?

<sup>13</sup> “Amin kinda da amin tagi bamori dakon oman aripmi dima asak. Yar kar, kinda nanjin galak tar imijek kinda do nandaban yokwi tar imdisak. Ae kinda dakon gen guramigek kinda manji imdisak. Ji Pijkop gat ae monej gat kisi dakon oman monjini aripmi dima egipmi.”



*Yesu da gen teban gat ae Piŋkop da Amin* Kila Asak gat unjun do yagit

<sup>14</sup> Parisi amin moneŋ do galagisi nandanŋ, do Yesu da gen yagit unjun nandanek yanba yokwi tok aŋ imgwit. <sup>15</sup> Mani Yesu da yan yoyigit, “Ji amin da amin kilegisi yan dandani yan do pi madep aŋ. Mani Piŋkop da butjigwan yo pasili toŋ unjun pindak mudosok. Amin da yo tagisi yan yonŋ unjun Piŋkop da dabilon yo wagil inanisi.

<sup>16</sup> “Gen teban gat ae kombi amin dakon gen gat yan tenŋenanba Jon da bisapmon wugit. Mani Jon da bisapmon da wasanek Piŋkop dakon Amin Kila Agakni dakon Gen Bin Tagisi yan tenŋenonŋ. Anakwa amin unjungwan pigik do pi tebaisi aŋ. <sup>17</sup> Miktim gat kundu gat tagi pasiljil. Mani gen teban dakon gen jimjimjok kinda aripmi dimasi pasildisak. Kisisi bami taŋ mudokdanŋ.”

*Yesu da miŋat paŋkwinit dakon gen yagit*  
(Mt 5.31-32 ae 19.9 ae Mk 10.11-12)

<sup>18</sup> Yesu da sanbeŋek yan yagit, “Amin kinda miŋatni kwiniŋk yipban kiŋakwan miŋat kaluk pasak kaŋ, unjun amin yumabi asak. Ae amin kinda miŋat kinda kalip eni da kwiniŋkgit unjun pasak kaŋ, unjun amin kisi yumabi asak.”

*Yoni morapmi* amin kinda gat Lasarus gat dakon gen

<sup>19</sup> Yesu da sanbeŋek yan yagit, “Yoni morapmi amin kinda egipgut, unjun bisapmi bisapmi ilikba pigikni kildani toŋ tagisi ae imalni gami baŋ paŋek yoni aripmisi taŋ imiŋakwa yaworisi egipgut. <sup>20-21</sup> Yan egakwan unjun da yut yoma kagakon yoni mini amin kinda mani Lasarus unjudon pak egipgut. Lasarus yan nandagit, yoni morapmi amin dakon jap tamokon da jap jimjim moŋ unjun baŋ

nokerj kaŋ tagisi yaŋ nandagit. Ae piŋan da abiŋ wudani asiwukgwit.

<sup>22</sup> “Yoni mini amin egek kimakban anjelo da abidan anki yipba Abraham gat egipgumal. Egakwal yoni morapmi amin unun yo kisi kimakban wayikgwit. <sup>23</sup> Aba Tipdomon tepmi madepsi nandajek egipgut. Egek sinŋanban wikwanek Abraham dubagisikon Lasarus gat kapmat kapmat yigakwal pindakgit. <sup>24</sup> Pindagek yaŋ tidajek yaŋ iyigit, ‘Abraham dat, bupmi nandan nam. Lasarus iyinbi unun da pakbi jimjimjok di kisirikon yopman paŋabiŋ melnokon yopban timisok di yawotjak. Nak on kindapmon egek tepmi madepsi nandisat!’

<sup>25</sup> “Mani Abraham da yaŋ yagit, ‘Monjino, gak kalip egipgul do nandaki. Gak kalip yo kabigo tagisi baŋgin paŋek egaki Lasarus unun yo kabini yokwi baŋgin paŋek egipgut. Mani abisok Lasarus on kokupmon butni yaworisi taŋakwan gak da tepmi madepsi nandisal. <sup>26</sup> Ae unun gin dima. Nin da binapmon dangap dubagisi kinda tosok. Yaŋ tosok do idon ekwaŋ amin jikon ariŋpmi dima kikigi, ae unudon ekwaŋ amin idon ariŋpmi dima obopmi.’

<sup>27</sup> “Yaŋ yaŋban yoni morapmi amin da gen tebaisi yaŋ iyigit, ‘Yaŋ kaŋ, dat, nandan namiŋek Lasarus iyinbi datno da yutnon kin <sup>28</sup> padik padikno 5 kabi ekwaŋ unun nawa gen tebai yoyinban nandajek on tepmi kokupmon dima apni.’

<sup>29</sup> “Mani Abraham da yaŋ yagit, ‘Moses gat ae kombi amin gat dakon gen do padik padikgo mirak yopmanek tagi nandani.’

<sup>30</sup> “Yaŋban yoni morapmi amin da yagit, ‘Abraham dat, unun ariŋpmi dima. Mani amin kimakbi kinda da kin altaŋ yomjak kaŋ, padik padikno da but tobiŋ tagi ani.’

<sup>31</sup> “Yaŋban Abraham da yaŋ iyigit, ‘Moses gat ae kombi amin gat dakon gen dima nandani kaŋ, amin kinda

kimoron da pıdanban kanek nandan gadat aripmi dima akdaŋ.’”

## 17

*Anpak yokwi da nandan gadat anupbal asak*

*(Mt 18.6-7 ae 18.21-22 ae Mk 9.42)*

<sup>1</sup> Yesu da paŋdetni yaŋ yoyigit, “Yokwi mibili mibili da abiŋ amin paŋkewalba yokwi anek maŋ mudokdaŋ. Mani uŋun yokwi ani do dayikdaŋ amin, awa! <sup>2</sup> Amin kinda da amin moniŋ kinda yokwi asak do yabetjak kaŋ, uŋun dakon kobogi yokwisi. Yabet dima anakwan amin da wit misiŋit tip madep tegikon wamaŋ maba tap ilarigwan pigek kimotjak kaŋ uŋun da tagapmi. <sup>3</sup> Yaŋdo, ji disi do kila tagisi ani.

“Notgo kinda yokwi aban kaŋ, tebai iyinbi egip egipni anmilip asak. Ae but tobil aban kaŋ, yokwini yipmaŋ ibi. <sup>4</sup> Uŋun gildaron gin kosiri 7 kabi yokwi aŋ gamiŋek abiŋ ‘But tobil at’ yaŋ gayisak kaŋ, yokwini yipmaŋ imiŋ imiŋ abi.”

*Nandan gadat dakon gen*

<sup>5</sup> Yabekbi kabi da Amin Tagi yaŋ iyiwit, “Nandan gadatin anpap a.”

<sup>6</sup> Yaŋba Amin Tagi da yoyigit, “Ji dakon nandan gadatji uŋun mastat yet yombem moniŋisisok taŋ damjak kaŋ, on kindap piligi tap kagagwan pigisak do iyinba genji tagi guramitjak.”

*Oman monji dakon gen*

<sup>7</sup> Ae Yesu da saŋbeŋek yaŋ yagit, “Oman monjisi kinda pigaga da bo sipsip kila asagon da apban ‘Gak paŋabiŋ yiŋek jap sot uŋun na’ yaŋ tagi iyini? Uŋun dimasi. <sup>8</sup> Amin tagi da oman monjini yaŋsi iyisak, ‘Gak tagap taŋek jap

sonj pilik nabi nanj mudarapbo gak jap don noki.' <sup>9</sup> Oman monji pini gin asak, do amin tagini da ya yanj aripmi dima iyigi. <sup>10</sup> Jiyo yanj gin, Piŋkop da oman morap ani do dayigit unun anj mudarek yanj gin yoni, 'Nin oman monji do, isal pinin gin amanj.'"

*Yesu da amin* wuda tebani toj 10 kabi panmilip agit

<sup>11</sup> Yesu unun Jerusalem kik do anek provins bamot Samaria ae Galili yo da kilapmikon da kigit. <sup>12</sup> Kinej kokup kindakon wigik do anjakwan amin wuda tebani toj 10 kabi da dubagikon agek <sup>13</sup> gen papmon da yanj tidarek yanj iyiwit, "Yesu, Amin Tagi, bupmi nandanj nibi!"

<sup>14</sup> Yanjba pindagek Yesu da yoyigit, "Ji kinj mukwa sogok amin giptimji yolini." Yanj yoyinban kinjakra giptimni kilek tawit. <sup>15</sup> Kilek tarakwa kinda da giptimno kilek tak yanj kanj tobil obinej Piŋkop gen papmon da anjksigit. <sup>16</sup> Anek Yesu da kandap mibilon gawak iminej ya yanj iyigit. Amin unun Samaria amin kinda.

<sup>17</sup> Yesu da unun amin kanj yanj yagit, "Amin 10 kabi kisi giptimni kilek tarj, ma? Mani 9 kabi unun dukwan ekwan? <sup>18</sup> Unun kisi tagi dima abinej Piŋkop anjksisini? On amin miktim njwaknjwarikon nani dajin abik." <sup>19</sup> Yanj yoyinej amin unun yanj iyigit, "Gak pidarek ki. Nandanj gadatgo do anek giptimgo kilek tak."

*Piŋkop amin* kila akdisak

(Mt 24.23-28 ae 24.37-41)

<sup>20</sup> Parisi amin da Yesu yanj iyiwit, "Ni bisapmon Piŋkop Amin Kila Agakni yipban apdisak?"

Yanjba Yesu da yoyigit, "Piŋkop da Amin Kila Agakni yipban apban amin da dabilni da kanjba pisosak dakon tilak altaŋba dima pindatdaj. <sup>21</sup> Bo amin da 'Oni obik', bo

ae ‘Asoni obik’ yanj dima yokdan. Nandani, Pinjkop dakon Amin Kila Agakni unjun jikon kili abik.”

<sup>22</sup> Yanj yanjek panjetni yanj yoyigit, “Ji don Amin Dakon Monji dakon bisap kinda kok do galagisi nandakdan. Mani dima kokdan. <sup>23-24</sup> Mal kwen binap teri teri kisi tenjeton, yanj gin Amin Dakon Monji apdisak. Do amin da ‘Asoni egisak’ bo ‘Oni egisak’ yanj dayinba dima yolni. <sup>25</sup> Mani Amin Dakon Monji mibiltok tepmi madepsi panjakwan abisok ekwan amin da manji imdan.

<sup>26</sup> “Noa da bisapmon amin egipgwit unjuden gin Amin Dakon Monji apjak bisapmon yanj gin anj egipdan. <sup>27</sup> Jap pakbiyo madep anek minjat pakpakyo kisi awit. Yanj anek egakwa Noa tap waggakon wigigit. Wugakwan pakbi madepsi paptan wijek amin kisisi witjinban pasilgwit.

<sup>28</sup> “Lot da bisapmon yanj gin awit. Jap pakbiyo awit, ae yumanj gwayek awit, ae jap pi awit, ae yut kisi awit. <sup>29</sup> Mani Lot da Sodom kokup yipmanj degakwan unjudon gin kindap gat ae salfa tip gat kundukon da sikak da yanj manjek amin morap kisi panjupbal aban pasilgwit.

<sup>30</sup> “Amin Dakon Monji abinj noman tosak bisap madepmon amin anpak yanj gin anj egakwa apdisak. <sup>31</sup> Unjun bisapmon amin kinda yut kwenon egakwan yo kabini yut-gwan toni kanj, yo kabini timit do yutnon dimasi pigisak. Ae pigaga egipjak aminyo kisi yanj gin yutnon yo kabini timit do dimasi tobil kisak. <sup>32</sup> Lot dakon minjatnikon yo noman tanj imgwit unjun do nandani! <sup>33</sup> Amin kinda iyi dakon egip egip anjknok do nandisak kanj, egip egipni pasil imdisak. Mani amin kinda egip egipni paretjak kanj, egip egipni kutnanban tanj imdisak.

---

**17:23-24:** Mk 13.21; Lk 21.8      **17:28:** WW 18.20; 19.25      **17:31:** Mt 24.17-18      **17:32:** WW 19.17,26      **17:33:** Lk 9.24

<sup>34</sup> “Nak yañsi dayisat, unun kalbi amin bamori dipmin pagakwal Piñkop da kinda abidanej kinda yipdisak. <sup>35-36</sup> Miñat bamori bret sok do plaua wasajakwal, kinda abidanej kinda yipdisak.”

<sup>37</sup> Panjetni da gen unun nandanej iyiwit, “Amin Tagi, unun yo morap dukon noman toni?”

Iyinja yañ yoyigit, “Amin kimakbi dakon bumjotni dukwan tonj, sinjinj unudon gin muwukgan.”

## 18

Bisit dima yipneñ do sakwabat kindakon abidanej tilak gen yagit

<sup>1</sup> Yesu da bisapmi bisapmi bisit anej dima kurak toni do tilak gen kinda yañ yoyigit. <sup>2</sup> “Kokup madep kindakon gen kokwin kila agak amin madep kinda egipgut. Unun Piñkop do dima pasalgit. Ae amin do nandaban yo isali anakwa egipgut. <sup>3</sup> Unun kokupmon sakwabat kinda egipgut. Unun miñat bisapmi bisapmi gen kokwin kila agak amin madepmon abinj abinj anej yañ iyigit, ‘Uwalno gen pikon yipmanej nak anjutna.’

<sup>4</sup> “Bisap morapmi apban gen kokwin amin madep da anpulugok do kurak tagit. Mani don yañ nandagit, ‘Nak Piñkop do dima pasoldot ae amin do nandako yo isali anj. <sup>5</sup> Mani miñat unun bisapmi bisapmi jigi namisak, do yumsi anpulugokenj. Bisapmi bisapmi yañ gin apjak kanj, tagisi dima nandakdisat.’”

<sup>6</sup> Amin Tagi da sanbejek yañ yagit, “Gen kokwin kila agak amin yokwi unun da gen yagit unun do nandani. <sup>7</sup> Ji niañ nandañ? Piñkop da iyi do manjigit amin kabi gildari gildari ae pilini pilini iyi do yañ tidonj, unun aripmi dima bo panpulugosak? Bo jomjom anegejek tepmi dima panpulugosak? Unun dimasi! <sup>8</sup> Yañsi dayisat, bisit yañ

ani kaŋ, tepmisi paŋpulgokdisak. Mani, Amin Dakon Monji miktimon apjak bisapmon amin nandaŋ gadatni toŋ pindatjak, bo dima?”

*Amin* kilegi kinda gat amin yokwi kinda gat dakon tilak gen

<sup>9</sup> Amin diwari iyi do amin kilegi yaŋ nandaŋek amin diwari do nandaba piwit. Yesu da uŋun amin do tilak gen kinda yaŋ yoyigit. <sup>10</sup> “Amin bamori bisit ak do Telagi Yut Madepmon wigigimal. Kinda uŋun Parisi amin, ae kinda uŋun takis timit timit amin.

<sup>11</sup> “Parisi amin uŋun agek iyi burikon da bisit yaŋ agit, ‘Piŋkop, amin yokwi diwari ekwaŋ nak uŋuden amin dima, uŋun do nak ya yaŋ gayisat. Kabo noknok, bo yokwi pakpak, bo yumabi agak amin, bo ae takis timit timit amin amon akdak, nak uŋuden dima. <sup>12</sup> Nak Sonda kinda da butgwan bisap bamot gak do nandaŋek jap kelek egi egi asat. Ae yo morap timikdat uŋun kokwinikgo 10 kabi anakwa kabi kinda paret do yipmaŋ yipmaŋ asat.’

<sup>13</sup> “Mani takis timit timit amin dubagikon agek but yokwi nandaŋek Kwen Kokup siŋtok do mayak taŋek yaŋ yagit, ‘Piŋkop, nak yokwi pakpak, do bupmi nandaŋ nabi!’”

<sup>14</sup> Yesu da sanbenek yaŋ yagit, “Nak yaŋsi dayisat, amin kinda iyi do nandaban wugisak kaŋ, Piŋkop da uŋun amin abiŋ yipdisak. Arjek iyi do nandaba paŋ amin uŋun Piŋkop da pawigikdisak. Do takis timit timit amin uŋun yutnikon tobiŋ kiŋek Piŋkop da dabilon diwarini mini egipgut. Mani Parisi amin uŋun dima.”

*Minat monjiyo Yesukon yopba opni  
(Mt 19.13-15 ae Mk 10.13-16)*

<sup>15</sup> Amin da monji ḡakḡak Yesu da kisitni kwenikon wutjisak do paḡopḡwit. Uḡun pindagek paḡdetni da kirinḡik yomḡwit. <sup>16</sup> Mani Yesu da miḡat monjiyo iyikon apni do yoyinḡek paḡdetni yaḡ yoyiḡit, “Ji miḡat monjiyo yopba nagon apḡut. Diḡa kirinḡik yomni. Piḡkop da Amin Kila Asak uḡun amin miḡat monjiyo da tilagon ekwaḡ uḡuden amin dakon. <sup>17</sup> Nak asisi dayisat, amin kindā amin moniḡ da Piḡkop da Amin Kila Asak uḡun abidoḡ uḡun da tilak diḡa abidoni kaḡ, uḡungwan aripmi diḡa piḡikdaḡ.”

*Kila amin kindā yoni morapmi Yesu gat gen yagimal  
(Mt 19.16-30 ae Mk 10.17-31)*

<sup>18</sup> Kila amin kindā da Yesu yaḡ iyigḡit, “Yoyinḡdet tagisi, nak nianḡi aḡek egip egip dagok dagogi mini abidokeḡ?”

<sup>19</sup> Yaḡban Yesu da yaḡ iyigḡit, “Gak nido nak do amin tagisi yaḡ nayisal? Piḡkop kaloḡi ḡin uḡun amin tagisi. <sup>20</sup> Gen teban uḡun gaga nandisal. ‘Miḡat eyo kili abi ji yumabi diḡa ani. Amin diḡa dapba kimotni. Yo kabo diḡa noni. Top gen yaḡek amin isal dogin gen pikon diḡa yopni. Meḡ dat do nandaba wukwanek geni guramiḡni.’”

<sup>21</sup> Iyiḡban kila amin da yagḡit, “Nak moniḡisogon da gen teban morap uḡun kisi guramik aḡaḡ opḡum.”

<sup>22</sup> Gen uḡun yaḡban nandaḡek Yesu da yaḡ iyigḡit, “Gak yo kaloḡisi kindā ḡin diḡa asal. Yo morapḡo kisi yumaḡ naḡ mudaneḡ, uḡun dakon moneḡi yoni mini amin do yobi. Yaḡ aḡaki yogo tagisi Kwen Kokupmon taḡ ḡamdisak. Yaḡ aḡek abiḡ nak nol.”

<sup>23</sup> Yaḡ iyiḡban kila amin uḡun yoni morapmisi do but yokwi madepsi nandagḡit. <sup>24</sup> Yesu da amin uḡun kaḡek yagḡit, “Yoni morapmi amin Piḡkop da Amin Kila Asak uḡun da kagagwan piḡik do aḡtidok aḡ. <sup>25</sup> Asisi, biḡ madepsi kamel uḡun da imal bupbup da kosit ḡwagagon



aripmi dima pigigi asak. Mani unun yapmanek yoni morapmi amin unun Pin kop da Amin Kila Asak unun da kagagwan aripmi dimasi pigigi asak.”

<sup>26</sup> Amin da gen unun nandanek yawit, “Yan kan, namın da egip egip dagok dagogi mini abidosak?”

<sup>27</sup> Yanba Yesu da yagit, “Yo amin da aripmi dima agagi, unun Pin kop da aripmi tagi asak.”

<sup>28</sup> Yanban Pita da yagit, “Nin yo morapnin yopmanek gak nan gol awilgaman.”

<sup>29</sup> Yanban Yesu da yoyigit, “Nak asisi dayisat, amin morap Pin kop dakon Amin Kila Agakni dakon pi do nandanek yutni, bo minatni, bo peni padik padikyo, bo meri datni, bo ae monji gwayoni yopman detjak kan, <sup>30</sup> on miktimon egipni bisapmon, Pin kop da yo morapni yopman dekgwit unun si yapmanek morapmisi yoban timitdan. Ae bunon bisap madep noman tanban egip egip dagok dagogi mini abidokdan.”

*Yesu da kimagek pidosak do yanban kosiri kapbi agit  
(Mt 20.17-19 ae Mk 10.32-34)*

<sup>31</sup> Yesu da yabekbini 12 kabi timik iyi banjin yan yoyigit, “Nandani. Nin Jerusalem kikedaman. Kijapno gen morap kalip kombi amin da Amin Dakon Monji do mandawit unun kisisi bami toy akdan. <sup>32</sup> Amin da Amin Hwaknwari Kabi da kisiron yipba jigilagon da abin yipdan, ae yokwi animinek ilip sul imdan. <sup>33</sup> Yan anek nap nan baljanek anakba kimotdisak. Mani gildat kapbi mudanakwa aeni kimoron da pidokdisak.”

<sup>34</sup> Panjetni gen unun dakon mibili dima nandaba pisawit. Mibili pasili tagit, do gen unun mibili nido yosok unun dima nandaba pisagit.

*Yesu da dabili* mini amin kinda anmilip agit  
(Mt 20.29-34 ae Mk 10.46-52)

<sup>35</sup> Yesu Jeriko kokup pap kin ankapmat anakwan dabili mini amin kinda da kosit ilejon yigek amin da monen imni do bisit yoyigit. <sup>36</sup> Unun amin nandaban amin morapmi obin yapman kinakwa nandanjek yan yoyigit, “Ji niban an?”

<sup>37</sup> Yanban iyiwit, “Yesu Nasaret amin da obigisak.”

<sup>38</sup> Iyinja yan tidanjek yan yagit, “Yesu, Dewit Dakon Monji, bupmi nandan nam!”

<sup>39</sup> Amin mibiltok opgwit unun da kirinik iminjak tayan-gok yitjak do tebai iyiwit. Mani tebai sigin yan tidanjek yagit, “Dewit Dakon Monji, bupmi nandan nam!”

<sup>40</sup> Yanban Yesu agek amin unun abidan anopni do yoyigit. Yoyinban kapmat anapba Yesu da yan iyigit, <sup>41</sup> “Niansi angaben do nandisal?”

Iyinja yagit, “Amin Tagi, nak sintok do nandisat.”

<sup>42</sup> Yanban Yesu da iyigit, “Dabilgo kilek tosak. Nandan gadatgo da anmilip asak.” <sup>43</sup> Iyinja unudon gin dabili kilek tanban Yesu yolek Pin kop anjisigit. Yan aban minjat amin morap kisi da kanjek Pin kop anjisiwit.

## 19

*Yesu Sakius da yutnon wigigit*

<sup>1</sup> Yesu unun Jeriko kokup pap wigi yapmanek kik do agit. <sup>2</sup> Unun kokupmon amin kinda egipgut mani Sakius. Sakius unun takis timit timit amin dakon amin madep kinda egipgut. Unun yoni morapmi amin kinda egipgut. <sup>3</sup> Yesu unun nianen amin kinda yan kok do pi tebai agit. Mani Sakius unun amin pisipmi, ae amin morapmi da muwugek kosit sogwit, do Yesu kok do antidok agit. <sup>4</sup> Antidok agit do Sakius unun tintim yanek mibiltan kin

pik kindap kindakon wigigit. Yesu unun onan abisak do tagi koken yanon da nandajek wigigit.

<sup>5</sup> Wigakwan Yesu unun pik kindap akgiron abin kwen sintanjek Sakius kanek yan iyigit, “Sakius, gak tepmi pi. Nak abisok gak da yutnon panji yitden dosi nandisat.”

<sup>6</sup> Yan yanban Sakius da tepmi pin but galak nandajek Yesu abidanban yutnison wigigimal. <sup>7</sup> Wigakwal pindagek amin da yanba yokwi tok an iminek yan yawit, “Unun yokwi pakpak amin kinda da yutnon wigik.”

<sup>8</sup> Yan yanakwa Sakius pidan agek Amin Tagi yan iyigit, “Amin Tagi, nandaki. Nak abisok yo kabi morapno kokwinik kabi bamori anakwa kabi kinda yoni mini amin do yoben. Ae amin kinda ankwalek yo kabini di timikgim kan, unun dakon kobogi do yo timikgim unun do yo 4 kabi gat sanbejek yomin yomin aben.”

<sup>9</sup> Yanban Yesu da iyigit, “On amin kisi unun Abraham dakon monji kinda. Abisok Pinjop da on yut amin kisi yokwikon ban timik mudosok. <sup>10</sup> Nido Amin Dakon Monji unun amin pasilbi yokwikon ban wisinek timit do pigit.”

*Oman monji* 10 kabi monen timikgan dakon tilak gen  
(Mt 25.14-30)

<sup>11</sup> Gen unun yanban nandan egakwa Yesu tilak gen kinda yoyigit. Yesu unun Jerusalem kili kin ankapmat agit, ae amin da Pinjop da Amin Kila Akdisak dakon bisap kili unun kwan tokdisak yan nandawit do <sup>12</sup> yan yoyigit, “Amin tagi kinda kila amin madep man panek tobil abin don amin kabini kila asak do kokup dubagi kindakon kik do agit. <sup>13</sup> Amin unun kokup yip do anek oman monjini 10 kabi yan yoban apba gol monen tabili kinda kalon kalon do yomin yomin agit. Yan anek yoyigit, ‘Ji monen unun

---

**19:7:** Mt 13.12; Lk 8:18    **19:8:** TP 22.1; IDT 5.6-7    **19:9:** Lk 13.16; Ya 16.31    **19:10:** Lk 15.4; Jn 3.17; 1Ti 1.15

barj monerj ilit pi anakwa tobil apberj bisapmon unjudon wigisak.'

<sup>14</sup> "Mani kokup isalni da nandaba yokwi tok anj imgwit. Yanj nandawit do amin tagi unjun kinjakwan kokup amin di yabekba kinj yawit, 'Nin unjun amin da kila amin madeprnin egipjak do dima galak tomanj.'

<sup>15</sup> "Mani kila amin madep man iba don tobil kokup-nikon apgut. Kokupnikon abinjek yanj yagit, 'Monerj kokwinik yomgum oman monji unjun yanj yoba apba monerj ilit pi aba nianj da noman tawit unjun do pindakgenj.'

<sup>16</sup> "Yanjban kinda da mibiltok abinjek yanj yagit, 'Amin tagi, nak gol monerj tabilgo unjun nanj monerj ilit pi abo tabili 10 kabi noman tawit.'

<sup>17</sup> "Yanjban amin madep unjun da iyigit, 'Gak oman monji tagisi! Pi tagisi agil! Yo moninjisok mani kilani tagisi agil, do kokup pap 10 kabi kilani abi do man madep gamisat.'

<sup>18</sup> "Ae oman monji unjun da bujon nani da abinj yanj yagit, 'Amin tagi, nak gol monerj tabilgo unjun nanj monerj ilit pi abo tabil 5 kabi noman tawit.'

<sup>19</sup> "Yanjban amin tagini da yagit, 'Kokup pap 5 kabi kila aki do man madep gamisat.'

<sup>20-21</sup> "Ae kinda da abinj yanj yagit, 'Amin tagi, gol monerj tabilgo oni. Gak teban teban amin kinda yanj gandisat. Yo amin da yopmanganj unjun gak da sigo timikdal. Ae jap amin da kwaokganj unjun yo kisi sigo pasal. Yanj asal do pasalek imal diwatjok kindakon wamanj yipbo tagit.'

<sup>22</sup> "Yanjban amin tagi da oman monji unjun yanj iyigit, 'Gak oman monji wagil yokwisi! Gaga gen yosol unjun dogin gen pikon gepberj. Nak teban teban amin kinda ae amin da yo yopmanganj timikdat, ae jap amin da kwaokganj unjun pilikdat yanj nandanj namisal. <sup>23</sup> Gak

mibili nido moneņno berjon dima yopgul? Berjon yopgul tam berj da diwari sanberj namiņakwan abiņ uņun kisi timikgom?” <sup>24</sup> Yaņ iyinēk amin kapmatjok akgwit uņun yaņ yoyigit, ‘Gol moneņ tabil uņun gwayeņ amin moneņ tabilni 10 kabi taņ imaņ uņun do imni.’

<sup>25</sup> “Yaņ yaņban iyiwit, ‘Amin tagi, uņun amin moneņ tabilni 10 kabi kili timak!’

<sup>26</sup> “Yaņba yaņ yagit, ‘Nandani. Amin morap yoni taņ yomaņ uņun sanberjek morapmi yomdisat. Mani amin kinda yoni mini kaņ, yo kalongok di taņ imaņ uņun gwayekdisat. <sup>27</sup> Mani uwalno nak da kila amin madepni dima egi yoberj do nandawit, uņun timik idon paņabiņ dabilnokon dapba kimotni.’”

<sup>28</sup> Yesu tilak gen uņun yaņ mudaneķ aeni Jerusalem wigik do kosit wasagit.

**Yesu Jerusalem** kiņ altaneķ Telagi Yut Madepmon  
amin yoyiņ deķgit

(Kilapmi 19.29–21.38)

*Yesu Jerusalem kokup papmon pigigit*

(Mt 21.1-11 ae Mk 11.1-11 ae Jn 12.12-19)

<sup>29</sup> Yesu kiņ Betpage ae Betani paņkapmat agit. Uņun kokup bamot ileņ Olipmon tomal. Uņudon da paņdetni bamori yabegek yaņ yoyigit, <sup>30</sup> “Jil ason kokup tosok uņudon kinjil. Uņudon kiņ kaņbal donki bilagi kinda amin da kwenikon dima yikbi uņun napmon anteķan abi da akban konjil. Napmi witdalek aņopjil. <sup>31</sup> Amin kinda da ‘Donki nido witdalgamal?’ yaņ dayiņban kaņ, yaņ iyinējil, ‘Amin Tagi da pisok kinda ak do aņek yosok.’”

<sup>32</sup> Amin bamot yabekban kiņ pindakbal gen yoyigit da aripmon yaņ gin noman tawit. <sup>33</sup> Aba donki bilagi

uñun witdalakwal donki uñun dakon ami da yañ yoyiwit, “Donki bilagi uñun nido witalgama?”

<sup>34</sup> Yañba yoyigimal, “Amin Tagi da pisok kinda ak do anek yosok.”

<sup>35</sup> Amin bamot donki bilagi uñun anjobinek ilikba pigik dubakni donki kwenon yopmarjek Yesu yipba uñun kwenon yikgit. <sup>36</sup> Donkikon yigek kinakwan amin da ilikba pigik dubakni kosiron yalin anañ kiwit. <sup>37</sup> Anakwa Yesu abin ñeñ Olip dakon kosit obandom nañ pukwan uñun ankapmat anakwan pañdet kabini madepsi da wasok tapmimi toñ morap aban pindakgwit uñun do nandane kisi kisi madepsi awit. Yañ anek madepsi yañ tidane Pinjop ankwisiwit. <sup>38</sup> Yañ tidane yañ yawit:

“Kila Amin Madep on Amin Tagi da manon abisak, uñun Pinjop da gisamigakwan abisak.

Kwen Kokupmon but yawot tosak. Pinjop Wikwisi ankwisino!”

<sup>39</sup> Yanakwa amin madep uñun da bikbigon Parisi amin di akgwit uñun da Yesu yañ iyiwit, “Yoyiñdet, pañdetgoni kirinik yom.”

<sup>40</sup> Iyinja yañ yoyigit, “Nandani. Gen kagani sopni kañ, tip da iyi yañ tidokdañ.”

*Yesu Jerusalem do kunam takgit*

<sup>41</sup> Yesu Jerusalem ankapmat anek kokup pap uñun kane kunam tagek <sup>42</sup> yañ yagit, “Gak abisok but yawot dakon kosit kosol tam tagisi, mani uñun pasili tanakwan dabilgo da aripmi dima kokdisal. <sup>43</sup> Nandaki. Don bisap kinda noman tokdisak. Uñun bisapmon uwalgo da gak angwasiñek miktim pañabin dam madepgonkon yopba tu-gañ wigikdañ. Anakwa teri teri da abin pañdagat akdañ. <sup>44</sup> Anek gak gat ae miñat amin gak da dam madepgon

ekwan unun kisi wagilsi tuwil partasik akdan. Tuwilba tip notni da kwenon dima tar tar akdan. Nido Pinjkop gagon kili abik, mani butgo dima pisak.”

*Yesu da amin* Telagi Yut Madepmon monej ilit pi awit unun yolgit

(*Mt 21.12-17 ae Mk 11.15-19 ae Jn 2.13-22*)

<sup>45</sup> Yesu Telagi Yut Madep da nagalon pigi amin monej ilit pi awit unun wasarek yolakwan abigiwit. <sup>46</sup> Anek yan yoyigit, “Pinjkop da papiakon gen yan tosok:

‘Nak dakon yut unun amin da abij bisit annamni do tosok.’  
Mani ji da kulabik aba

‘kabo noknok dakon pasili tamo yombem asak.’”

<sup>47</sup> Gildari gildari Telagi Yut Madepmon amin yoyij dekgit. Anakwan mukwa sogok amin dakon amin madep gat, ae gen teban yoyijdet amin gat, ae amin dakon kila amin gat da Yesu nian anek anjatno kimotjak yan do kosit wisiwit. <sup>48</sup> Mani mijat amin morapyo da geni nandak do galagi madepsi nandawit, do anakba kimotjak dakon kosit kinda dima kawit.

## 20

*Yesu namin* da man madep imgut

(*Mt 21.23-27 ae Mk 11.27-33*)

<sup>1</sup> Bisap kindakon Yesu da amin Telagi Yut Madep da nagalgwan yoyijdet anek Gen Bin Tagisi yoyij tenjenagit. Anakwan mukwa sogok amin dakon amin madep kabi gat, ae gen teban yoyijdet amin gat, ae kila amin gat kisi da Yesukon abij <sup>2</sup> yan iyiwit, “Namin da pi unun abi do yan mudan gamgut da yo unun asal? Ae namin da man madep gamgut?”

<sup>3</sup> Yanba Yesu da yan yoyigit, “Nakyo kisi gen kinda dayiko kobogi nayini. <sup>4</sup> Jon telagi pakbi sogit bisapmon, pi agit unun Kwen Kokup dakon pi, bo amin dakon pi nan agit?”

<sup>5</sup> Yanban iyi gin notni yoyin yoyin anek yawit, “Kwen Kokup dakon pi’ yan iyinej kan, gen kobogi yan niyikdisak, ‘Yan kan ji nido dima nandan gadan imgwit?’ <sup>6</sup> Mani amin morapmi da Jon do kombi amin bamisi kinda yan nandan, do ‘Amin dakon pi’ yan iyinej kan, unun kisi tagi dima asak. Yan kan Jon dakon man bin anupbal ano minat amin kabi madep da tip ban nindapdan.” <sup>7</sup> Yan nandanek Yesu do gen kobogi yan iyiwit, “Nin dima nandamanj.”

<sup>8</sup> Yanba Yesu da yoyigit, “Nakyo kisi namin da yan mudan namgut da pi asat unun dima dayikerj.”

*Wain pi kila amin yokwi dakon tilak gen  
(Mt 21.33-46 ae Mk 12.1-12)*

<sup>9</sup> Yesu da sanbenek tilak gen kinda yan yoyigit, “Amin kinda da wain pini anek amin da monej pini di anek pi ami do bami di pan imni yan nandanek pi unun da kisiron yipmanek miktim timi digwan bisap dubagi egip do kigit. <sup>10</sup> Kij eg don wain sop pakpak bisap kwan tanakwan oman monji kinda yabekban wain bami timik panopjak do kigit. Mani pi kila awit amin da oman monji obisi anagek bami di dima iminek yolba kigit. <sup>11</sup> Yan aba pi ami da aeni oman monji kinda yabekgit. Mani unun pi monji kisi obisi anagek yo yokwisi an iminek bami di dima iminek yipba kigit. <sup>12</sup> Yan aba kinda gat yabekban kwan madepsi anagek maba wain pi da wanga pigigit.



<sup>13</sup> “Yaŋ aba wain pi dakon ami da yaŋ yagit, ‘Nak niaŋsi abeŋ? Nak monjino but dasi galak taŋ imisat uŋun naŋ yabekgo kwan nandaba wukwan imni bo.’

<sup>14</sup> “Mani pi kila amin da monji kaŋek notni yoyiŋ yoyiŋ aŋek yaŋ yawit, ‘Amin on da egi don datni dakon yo morap timitdisak, do amin on aŋagek wain pini nin do aŋawatneŋ.’ <sup>15</sup> Yaŋ yaŋek monji uŋun abidaŋ maba waŋga piŋakwan aŋakba kimakgit.

“Ji niaŋ nandaŋ? Don pi dakon ami da abiŋ pi kila amin niaŋsi aŋyomdisak? <sup>16</sup> Pi ami da abiŋ uŋun pi kila amin dapban kimotdaŋ. Dapban kimagakwa wain pi uŋun amin ŋwakŋwari da kisiron yipdisak.”

Yaŋban nandaŋek amin da yaŋ yawit, “Uŋun dimasi agagi!”

<sup>17</sup> Yaŋba Yesu da amin pindagek yoyigit, “Yaŋ kaŋ Piŋkop da papiakon gen kinda tosoŋ uŋun dakon mibili niaŋ? Gen uŋun yaŋ:

‘Yut agak amin da gwak yokwi yaŋ yaŋek maba kigit, uŋun gwak yut kodigikon tip kinda naŋ tidawit da akdak.’

<sup>18</sup> Amin morap gwak kwenon da maŋ dapba bisal kikdaŋ, ae gwak da amin morap da kwenon mosak uŋun wagil bisal ki mudokdaŋ.”

<sup>19</sup> Yesu da tilak gen uŋun yaŋban gen teban yoyiŋdet amin gat ae mukwa sogok amin dakon amin madep kabi gat da nin pabiŋ nip do aŋek yosok yaŋ nandawit. Yaŋ nandaŋek Yesu uŋudon gin abidokdosi nandawit, mani miŋat amin kabi madep uŋun do si pasalgwit.

*Rom dakon kila amin madep Sisa do moneŋ im do bo dima?*

*(Mt 22.15-22 ae Mk 12.13-17)*

<sup>20</sup> Mukwa sogok amin dakon mibiltok amin gat ae gen

teban yoyiñdet amin gat da Yesu anman ak do pi madep awit. Yan anek amin di yabekba abin Yesu anman awit. Unun amin topmon da Yesu dakon gen nandan galak tawit. Sun kinda yanban abidan gapman dakon mibiltok amin madepmon yipno gen pikon yipjak yan do ankewal do awit. <sup>21</sup> Anek Yesu yan iyiwit, “Yoyiñdet, gen yosol ae yoyiñdet asal unun kilegisi asal yan nandan gadaman. Amin mani ton ae mani mini unun kisi gen bamisikon da Pinjok dakon anpak yoyin dekdal. <sup>22</sup> Do, nian nandisal, Sisa do takis imno tagi asak, bo dima?”

<sup>23</sup> Yanba Yesu da nianon da ankewal do awit unun pindak mudanek yan yoyigit, <sup>24</sup> “Moneñ tabili kinda noliñba koko. On wup gat ae man mandabi gat unun namin dakon?”

Yanban iyiwit, “Sisa dakon.” <sup>25</sup> Yanba Yesu da yoyigit, “Yo Sisa dakon unun Sisa iyi do imdo, ae yo Pinjok dakon unun Pinjok iyi do imdo.”

<sup>26</sup> Yanban minjat amin morapyo da dabilon Yesu ankewalno sun kinda yanban abidoneñ yan dakon kosit kinda dima kawit. Geni kobogi yoyigit do nandaba njwakjwarisi aban tayangok akgwit.

*Amin kimakbi da pidoni do Yesu iyiwit*

*(Mt 22.23-33 ae Mk 12.18-27)*

<sup>27</sup> Sadyusi amin kabi di Yesukon apgwit. (Sadyusi amin unun amin kimakbi aripmi dima pidoni yan nandan.) <sup>28</sup> Unun da Yesu yan iyiwit, “Yoyiñdet, Moses da gen kinda yan mandagit: Amin kinda monji mini da kimotjak kan, sakwabatni padige da paban monji panalanjil. Yan aban peni diwatni ton da egipni.

<sup>29</sup> “Kalip peni padigejo 7 kabi egipgwit. Peni mibiltok amin minjat panjek monji mini da kimakgit. <sup>30</sup> Yan aban

uñun da buñon nani da kwabatni uñun pañek monji mini da kimakgit. <sup>31</sup> Kimagakwan ae kinda da pagit. Peni padigeyo 7 kabi kisi da pañek monji mini egek kimakgwit. <sup>32</sup> Ae don miñat uñun kisi kimakgit. <sup>33</sup> Wili 7 kabi kisi da pawit, do pidot pidot bisap madepmon namin dakon miñatni asak?”

<sup>34</sup> Yanba Yesu da kobogi yan yoyigit, “Amin miktimon ekwan uñun miñat eyo añek ekwan. <sup>35</sup> Mani amin kimoron da pidanek egip egipmon tagi egipni do kokwinikbi kabi uñun bisapmon miñat eyo dima akdan. <sup>36</sup> Uñun anjelo da yan egipdan, do ae kinda gat aripmi dima kimotni. Uñun kimoron da pidokdan, do Pinjkop dakon miñat monjiyo egipdan.

<sup>37</sup> “Moses da kindap wal moningok sogit uñun do gen mandagit uñun manjijek asisi nandaman, amin kimoron da pidokdan. Moses da Amin Tagi do yan yagit, ‘Uñun Abraham, Aisak, ae Jekop dakon Pinjkop.’ <sup>38</sup> Pinjkop da amin kisi morap pindakban egip egipmi ton ekwan, do Pinjkop uñun amin kimakbi dakon Pinjkop dima, uñun amin egip egipmi ton dakon Pinjkop.”

<sup>39</sup> Yanban gen teban yoyindet amin diwari da nandanek iyiwit, “Yoyindet, gen tagisi yosol.” <sup>40</sup> Amin da Yesu gen kinda gat sanbejek iyik do pasalgwit.

*Yesu da iyi dakon mibili do pañkewalgit*

*(Mt 22.41-46 ae Mk 12.35-37)*

<sup>41</sup> Mani Yesu da yan yoyigit, “Amin mibili nido Kristo uñun Dewit dakon monji yan yon? <sup>42</sup> Dewit da iyi Kap Papiakon gen yan mandagit:

‘Amin Tagi da nak dakon Amin Tagino yan iyigit, “Gak abin nak da aminsi tet do yikbi <sup>43</sup> don uwalgo kandap mibilgogwan yopbo gengo guramitdan.”’

<sup>44</sup> Dewit da Kristo unjun Amin Tagino yan iyigit. Do nianjon da Kristo unjun Dewit dakon monji egisak?”

*Gen teban yoyi*ndet amin unjun anpakni yokwi  
(Mt 23.1-36 ae Mk 12.38-40 ae Lk 11.37-54)

<sup>45</sup> Amin kisisi mirak paŋ egakwa Yesu da paŋdetni yan yoyigit, <sup>46</sup> “Ji gen teban yoyindet amin do pindak kimotni. Unjun imal dubagi baŋ paŋek agip do galak toŋ. Ae yumaŋ gwayek tamokon amin da gildat tagi yan yoyini do galagi nandaŋ. Ae muwut muwut yutnon tamo tagisikon yit do galak toŋ. Ae jap noknok bisap madepmon tamo amin mani toŋ do tilak abi unjudon yit do galak toŋ. <sup>47</sup> Unjun amin sakwabat paŋkewalek yutni timikgaŋ. Ae amin da pindatni yan do bisit dubagisi aŋ. Unjuden amin gen kokwin bisap madepmon kobogi do yo jigisi pakdaŋ.”

## 21

*Yoni mini* miŋat kinda da Piŋkop do paret agit  
(Mk 12.41-44)

<sup>1</sup> Yesu pindak egakwan yoni morapmi amin Telagi Yut Madep dakon paret idapmon paretni yopgwit. <sup>2</sup> Ae kaŋakwan sakwabat kinda unjun yoni mini, unjun da moneŋ gimanjok bamori paret idapmon yopgut. <sup>3</sup> Aban Yesu da yagit, “Asisi dayisat, sakwabat yoni mini on da amin morap da paret yopmaŋ unjun yapmaŋek moneŋ madepsi yopmaŋdak. <sup>4</sup> Amin morap unjun moneŋni morapmi taŋ yomaŋakwa diwari gin paret idapmon yopmaŋ. Mani on miŋat wadak wadaksi aŋek moneŋni kisi yopmaŋdak. Kili jap yumaŋ nosak moneŋni di dima taŋ imaŋ.”

*Yesu da Telagi* Yut Madep tuwilni do yagit  
(Mt 24.1-2 ae Mk 13.1-2)

<sup>5</sup> Pan̄detni diwari da Telagi Yut Madep karjek yawit, “Amin da tip kildani ton̄ tagisi gat, ae yo diwari yo kildani tagisi Pin̄kop do paret awit un̄un ban̄ an̄tilim awit.”

Yan̄ba Yesu da yagit, <sup>6</sup> “Yo on pindakgan̄ un̄un bisap kinda apdisak un̄un bisapmon un̄un dakon tip notni kwenon dima tan̄ tan̄ akdan̄. Tuwilba kisisi man̄ mudokdan̄.”

*Yesu da jigi morapmi altokdan̄ do yagit*

*(Mt 24.3-14 ae Mk 13.3-13)*

<sup>7</sup> Yan̄ban yan̄ iyiwit, “Yoyin̄det, yo un̄un ni bisapmonsia altokdan̄? Ni tilak da mibiltok altanakwan karjek yo kili un̄un altokdan̄ yan̄ nandaner?”

<sup>8</sup> Yan̄ba yan̄ yoyigit, “Amin da pan̄kewalni do kar̄ kimotni. Amin morapmi da nak da manon abīnek ‘Nak un̄un amin’, ae ‘Bisap madep kili kwan̄ tosok’ yan̄ yokdan̄. Mani un̄un amin dima yolni. <sup>9</sup> Amin morapmi emat an̄, bo gapman gat emat an̄, un̄un dakon geni apba nandan̄ kar̄ dima pasolni. Yo un̄un da mibiltok altokdan̄. Mani mibi bisap madep un̄udon gin dima altokdisak.”

<sup>10</sup> Sigin san̄bejek yan̄ yoyigit, “Miktin̄ kinda dakon amin da pidan̄ba miktin̄ kinda dakon amin gat emat wamdan̄. Ae kila amin madep kinda dakon amin da pidan̄ba kila amin madep kinda dakon amin gat emat wamdan̄. <sup>11</sup> Wudip madepsi akdan̄, ae miktin̄ dikon amin da jap do madepsi an̄ek amin diwari da kimotdan̄, ae amin morapmisi sot akdan̄. Ae kundukon tilak masi masimi mibili mibili altanakwa pindagek pasal nimnimikyok akdan̄.

<sup>12</sup> “Mani un̄un yo morap dima noman tan̄akwa amin da ji timik yo yokwisi an̄damdan̄. Yan̄ an̄ek Juda amin da muwut muwut yutnon gen yan̄ damin̄ek dam tebanon

depdaŋ. Ae nak dakon man abiŋ yip do aŋek ji timik paŋki depba kila amin madep gat ae gapman dakon mibiltok amin gat da iŋamon atdaŋ. <sup>13</sup> Uŋun bisapmon Gen Bin Tagisi yoyiŋ teŋteŋoni dakon bikbik piŋaŋ damdisak. <sup>14-15</sup> Nak da naga gen dulumji paŋtagap aŋek nandak nandak tagisi damdisat. Dabo amin gen yaŋ damni uŋun da gen yoni uŋun aripmi dima paŋiŋ depni. Do ji diŋi kutnok do aŋek ni gen baŋ paŋtobil yomneŋ yaŋ do nandaba kik dima ani. <sup>16</sup> Menji datji, ae padik padikji, ae yawi diwatji, ae notji uŋunyo kisi da ji uwal da kisiron depba ji kabikon di si dikba kimotdaŋ. <sup>17</sup> Nak dakon man jikon tosok do aŋek amin kisi da nandaba yokwi tok madepsi aŋdamdaŋ. <sup>18</sup> Mani busuŋ daŋgwanji kind aripmi dima tasik tokdisak. <sup>19</sup> Ji tebai agek egip egip bamisi abidoni.”

*Yesu da Jerusalem yokwi tosak do yaŋiŋ*  
(Mt 24.15-21 ae Mk 13.14-19)

<sup>20</sup> Yesu da saŋbeŋek yaŋ yaŋiŋ, “Ji pindakba emat amin da abiŋ Jerusalem aŋgwasineŋek akba kaŋ, yaŋ nandani, kokup pap wagil tasik tosak dakon bisap kili uŋun abisak. <sup>21</sup> Uŋun bisapmon amin Judia miktimon egipni uŋun pasal kabapgan tepmisi wugini. Amin Jerusalem egipni uŋun wiŋ waŋga kini. Ae amin kokup pap da waŋga egipni ae tobil kokup papgan dima piŋini. <sup>22</sup> Uŋun bisap uŋun Piŋkop da amin do kobogi yokwisi yomdisak dakon bisap. Yaŋ aban gen mandabi uŋun kisi bami toŋ akdaŋ. <sup>23</sup> Uŋun bisapmon jiŋi madepsi Juda miktimon noman taŋakwan Piŋkop dakon butjap amin da kwenon mokdisak. Do miŋat monji kwapni toŋ, ae miŋat monji mum noŋ uŋun bupmisi. <sup>24</sup> Uwal da abiŋ amin diwari emat agak sibabaŋ dapba kimotdaŋ. Ae diwari miktimi miktimi paŋki yopba

---

**21:14-15:** Lk 12.11-12; Ya 6.10      **21:16:** Mt 10.21-22      **21:22:** Jer 5.29; 46.10; Os 9.7      **21:24:** Kap 79.1; PA 11.2

oman amini do egipdar. Anakwa Amin ņwakņwari Kabi da Jerusalem bamarj iktagildar. Uņun amin da Jerusalem kilani anakwa Piņkop da bisap yipgut uņun mudosak.”

*Amin Dakon Monji apdisak*

*(Mt 24.29-31 ae Mk 13.24-27)*

<sup>25</sup> Yesu da sanbenek yaņ yagit, “Uņun bisapmon tilak mibili mibili gildat dabilon, ae kanegon, ae gigon noman tokdar. Anakwa miktimon miņat amin kabi morapmi nandanakwa tap da madepsi tamaligakwan pasol pasol madepsi aņek butni tagi dima tokdisak. <sup>26</sup> Kwen kundukon yo tebai toņ uņun da kwakwalitdar, do amin morapmi da jiņi morap miktimon noman tokdisak do nandaba kik aņek pasol pasol madepsi aņek iņam kimot akdar. <sup>27</sup> Uņun bisapmon karakwa Amin Dakon Monji gikwemon da tapmimni gat tilim madepni gat apdisak. <sup>28</sup> Yo morap uņun wasaņek altoni bisapmon Piņkop da ji timitjak dakon bisap kili uņun kwaņ tosok, do ji pidar agek busunji kwen gwaņ pidar mudoni.”

*Pik kindap karjek butji pisolak*

*(Mt 24.32-35 ae Mk 13.28-31)*

<sup>29</sup> Yesu da tilak gen kinda yoyiņek yaņ yagit, “Ji pik kindap ae kindap morap kisi do pindatni. <sup>30</sup> Tami kaluk apmeņon yopmanakwa pindagek gildat bisap kili uņun abisak yaņ nandar. <sup>31</sup> Uņudeņ gin yo morap dayit uņun da altaņakwa Piņkop da Amin Kila Akdisak dakon bisap kili kwaņ tosok yaņsi nandani.

<sup>32</sup> “Nak asisi dayisat, amin uņun bisapmon nani dima kimagakwa yo morap uņun kisi altaņ mudokdar. <sup>33</sup> Kundu gat miktim gat pasildamal, mani nak dakon gen uņun dimasi pasildisak.”

*Parjdetni kar kimotni do yoyigit*

<sup>34</sup> Yesu da sanbejek yan yagit, “Ji kar kimotni. Bisap morapmi pakbi teban nanjek but upbal di abam. Ae on miktim dakon yo do nandaba kik di abam. Ujuden da ji pabij depjak kar, unun bisap madep da but piso mini paron yan depban yokwaldan. <sup>35</sup> Minjat amin morapyo miktimi miktimi ekwan unun bisap madep altanban kokdan. <sup>36</sup> Bisapmi bisapmi kalugisi egek Pinjkop da tapmim daban yo morap unun altokdan unun tagi yapni, ae Amin Dakon Monji da injamon tagi atni yan do bisit pi ani.”

<sup>37</sup> Gildari gildari Yesu da amin Telagi Yut Madep da nagalgwan yoyij dekgit. Anek kalbi ilej Olipmon yut kindakon panji pak pak agit. <sup>38</sup> Anjakwan amin kisi da wisa dagokdosi pidan Telagi Yut Madepmon geni nandak do kij kij awit.

**Yesu tepmi** panjek kimakgit da aeni pidagit  
(Kilapmi 22–24)

## 22

*Judas da Yesu kila amin da kisiron yip do yagit*

*(Mt 26.1-5 ae 26.14-16 ae Mk 14.12 ae 14.10-11 ae Jn 11.45-53)*

<sup>1</sup> Bret Yisni Mini dakon bisap madep unun kwan tagit. Unun bisap do Yapyap Bilak yan yoj. <sup>2</sup> Anjakwan mukwa sogok amin dakon amin madep kabi gat, ae gen teban yoyijdet amin gat da minjat amin kabi madep unun do pasalgwit, do Yesu nianon da abidanek anjatno kimotjak unun do nandak nandak awit. <sup>3</sup> Anjakra Sunduk Judas da buron pigigit. (Mani kinda Iskariot yan iyiwit. Unun parjdetni 12 kabikon nani kinda.) <sup>4</sup> Judas kwan mukwa sogok amin dakon amin madep kabi gat, ae Telagi Yut Madep dakon obip amin unun dakon mibiltok amin gat



gen yawit. Nianon da Yesu kisitnikon yipjak yan do yan nandat awit. <sup>5</sup> Anek but galak nandanej monej di tagi gamnejan yan iyiwit. <sup>6</sup> Judas gen iyiwit unun nandaban tagi anjakwan Yesu abidan kisitnikon yip do kosit wusik agit. Bisap kindakon Yesu amin morapmi gat dima egakwa unudon uwal da kisiron yipben yan do jomjom agit.

*Parjetni bamori* jap panjosit agimal

*(Mt 26.17-25 ae Mk 14.12-21 ae Jn 13.21-30)*

<sup>7</sup> Unun bisapmon Bret Yisni Mini dakon bilak bisap madep noman tagit. Unun bisapmon Yapyap Bilak do sipsip bulagi ban dapmanjan. <sup>8</sup> Do Yesu da Pita gat Jon gat yabegek yan yoyigit, “Jil kinj Yapyap Bilak unun dakon jap panjosit abal nonej.”

<sup>9</sup> Yanban iyigimal, “Kinj dukwan panjosit andej do nandisal?”

<sup>10</sup> Yanbal yan yoyigit, “Jil kinj kokup papmon pigakwal amin kinda pakbi kwoba kinda guramik apban jil gat domdom akdan. Unun amin da yut wigisagon jil unudon yol anjan wiginjil. <sup>11</sup> Wigi yut unun dakon ami yan iyinjil, ‘Yoyindet da yan yosok, “Nak gat panjetnoni gat da Yapyap Bilak dakon jap nonej dakon yut buri dukwan tosok?”’ <sup>12</sup> Yan iyinbal yut buri madep kwen nani do dolikdisak. Unudon jap noknok tamo gat ae amin yityit tamo gat kisi ton. Unudon jap panjosit anjil.” <sup>13</sup> Yesu da gen yoyigit da aripmon yan gin pindakgimal. Yan pindagek Yapyap Bilak dakon jap panjosit agimal.

*Yesu gat yabekbi kabini* gat da mibi jap nawit

*(Mt 26.26-30 ae Mk 14.22-26 ae 1Ko 11.23-25)*

<sup>14</sup> Jap noknok bisap anjakwan Yesu jap noknok tamokon yabekbi kabini gat kisi yikgwit. <sup>15</sup> Yigek yan yoyigit, “Nak tepmi dima panjek ji gat on Yapyap Bilak dakon jap nonej

uñun do tagisi kili nandagim da sigin nandanj egisat. <sup>16</sup> Nak yanj dayisat, jap on ae dima nokeñ. Yanj anjapbo wigi on jap dakon mibilisi Pinjkop da Amin Kila Asak kagagwan bami don noman tokdisak.” <sup>17-18</sup> Yanj yanjek wain kinam abidanjek Pinjkop ya yanj iyinej yagit, “Nak yanj dayisat, nak wain ae dima nanjek egi wigi Pinjkop da Amin Kila Asagon don nokeñ. Do abidanjek disi kokwin anjek noni.”

<sup>19</sup> Ae bret abidanjek Pinjkop ya yanj iyinej bret uñun pandaganj yominej yanj yagit, “On nak dakon giptim timno ji do parekdat. On nanjek nak do nandanjek egipni.”

<sup>20</sup> Nanjakwa ae wain kinam abidanjek yanj yagit, “Wain kinam on nak da ji gat sanjek sanjek kalugi asat uñun dakon tilak. Nak yawino nanj ji do tagaldat. <sup>21</sup> Mani uwal da kisiron nepjak amin nak gat kisi tamokon oni yikgamak. <sup>22</sup> Amin Dakon Monji nianjon da kimotdisak do yanji uñun da tilak kimotdisak. Mani uwal da kisiron yipjak amin, awa!” <sup>23</sup> Panjetni gen uñun nandanjek notni yoyinj yoyinj anjek yawit, “Nin kabikon da namin dasi akdisak?”

### *Mibiltok amin dakon gen*

<sup>24</sup> Panjetni da namin dasi mibiltok aminin egisak yanj do gen emat awit. <sup>25</sup> Aba Yesu da yanj yoyigit, “Amin Ijwakjwari Kabi dakon kila amin madepni uñun man madepni tonj, do iyi do nandaba wukwanek gen tebai yanjek amin kabini kila anj. Anjek ‘Nin amin dakon panpulugokni ekwamanj’ yanj topmon da yonj. <sup>26</sup> Mani ji yanj dima egipni. Amin kinda jikon man madepni tonj, uñun amin monji kinda burjonsi altagit uñun da tilagon egipjak. Ae kila aminji da oman monji da tilak egipjak. <sup>27</sup> Nandani. Jap nosok amin da mibiltok amin bo jap pilikdak

---

**22:21:** Kap 41.9; Jn 13.21-22      **22:24:** Lk 9.46      **22:25:** Mt 20.25-27; Mk 10.42-45      **22:26:** Mt 23.11; Mk 9.35      **22:27:** Jn 13.12-15

amin da mibiltok amin? Jap nanjek yikdak amin unun da mibiltok amin asak. Mani nak ji da binapmon oman monjisi egisat. <sup>28</sup> Panjkewal altaŋ namgwit bisapmon ji nak dima nepmanj dekgwit. Nak gat kisi egipgumaŋ. <sup>29</sup> Datno da nak kila amin madep egipbenj do yaŋ mudarj namgut, yaŋ gin nak da ji kila amin madep pi ani do yaŋ mudarj damisat. <sup>30</sup> Do nak kila amin madep egipbenj bisapmon ji jap noknok tamonokon yigek jap pakbiyo akdarj. Yaŋ anjek kila amin madep yiyit tamokon yigek Israel amin 12 kabi gen kokwin pi anj yomdarj.”

*Yesu Pita da manji imjak do yagit*

*(Mt 26.31-35 ae Mk 14.27-31 ae Jn 13.36-38)*

<sup>31</sup> Yesu da yaŋ yagit, “Saimon, nandaki. Wit dakon sibit sibitni tarapmikgarj unuderj Sunduk da nandarj gadatgo anjkewalban moki do yagit. <sup>32</sup> Mani nandarj gadatgo dima mosak yaŋ do bisit kili agim. Gak tobil apbi bisapmon notgoni panjteban abi.”

<sup>33</sup> Mani Pita da iyigit, “Amin Tagi, nak gak gat dam tebanon kinjek ae gak gat kisi kimotderj do tagap tosot.”

<sup>34</sup> Yanban Yesu da iyigit, “Pita, nak yaŋ gayisat, abisok kalbi pup gen dima yanakwan gak da kosiri kapbi nak do wasip yokdisal.”

*Yesu panjdetni yo ni banj timigek kini unun do yoyigit*

<sup>35</sup> Yaŋ yanjek panjdet kabini yaŋ yoyigit, “Ji nak da pino ani do yabekgin bisapmon, monej simiŋ yik moniŋ, ae yik madep, ae kandap gwilyo dima timikgwit. Unun bisapmon ji yo kabi do wadak wadak awit bo dima?”

Yaŋ yoyinban iyiwit, “Dima.”

<sup>36</sup> Yanba yoyigit, “Mani abisok monej simiŋ simiŋ yik moniŋji taŋ damarj kaŋ, unun si timitni. Ae yik madepji

kisi timitni. Ae emat agak sibani mini amin unjun imal dubakni yuman nanek unjun dakon monej banj emat agak sibani yumni. <sup>37</sup> Pinj kop gen papiakon gen kinda nak do mandabi unjun bami noman tokdisak. Gen unjun yanj:

‘Amin da kanja amin yokwisi kinda agit.’

Yanji dayisat, gen morap nak do mandabi unjun kisi bami noman tokday.”

<sup>38</sup> Yanj yanban iyiwit, “Amin Tagi, pindat! Nin emat agak sibanan bamori oni.”

Yanja yoyigit, “Unjun aripmi.”

*Yesu ilej Olipmon bisit pi agit*

*(Mt 26.36-46 ae Mk 14.32-42)*

<sup>39</sup> Yesu bisap morapmi agit unjudej gin kokup pap yipmanek ilej Olipmon wigigit. Wigakwan pandetni kisi yolba wigiwit. <sup>40</sup> Hejon wigi altanek pandetni yanj yoyigit, “Panjkewalon dima moni yanj do bisit ani.” <sup>41</sup> Yanj yoyijek dubagisok amin da tip maba kwan unjun da aripmon kigit. Kinj njwakberj anek bisit anek yanj yagit, <sup>42</sup> “Dat, gak tagi nandisal kanj, tepmi dima pakej. Mani nak dakon galaktok dima yolgi. Gaga dakon galaktok yolgi.”

<sup>43</sup> Yanjakwan Kwen Kokup anjelo kinda da pinj Yesu anteban agit. <sup>44</sup> Yesu nandaban jigi madepsi anjakwan bisit tebai sigin agit. Yanj anjakwan kinjkinjni yawi da yanj miktimon mawit.

<sup>45</sup> Bisit anj mudanek pidanj pandetnikon tobil kinj pindakban bupmi but yokwiyo madepsi nandawit do dipmin pakgwit. <sup>46</sup> Yanj pindagek yoyigit, “Nido dipmin pokgoj? Panjkewalon dima moni yanj do pidanj bisit abit.”

*Judas da Yesu uwal da kisiron yipgut*

*(Mt 26.47-56 ae Mk 14.43-50 ae Jn 18.3-11)*

<sup>47</sup> Yesu gen sigin yanakwan amin kabi madep kinda apgwit. Panjet 12 kabikon da kinda mani Judas unun da mibiltok aban apgwit. Unun da Yesu mandan nok do kapmatjok apgut. <sup>48</sup> Mani Yesu da iyigit, “Judas, gak Amin Dakon Monji mandan nanek unun kosiron da uwal da kisiron yipdisal, ma?”

<sup>49</sup> Panjet kabi yo unun noman tok do aban kanek yan yawit, “Amin Tagi, emat agak sibanin ban tagi dapnen?” <sup>50</sup> Yan iyinek kinda da emat agak sibanan mukwa sogok amin dakon mibiltok amin dakon oman monji anjagek mirakni amin tet nani mandaban dagan kigit.

<sup>51</sup> Mani Yesu da yagit, “Yan dima a!” Yan iyinek kisitni unun amin da miragon witjiban aeni kilek tagit.

<sup>52</sup> Anek Yesu da mukwa sogok amin dakon amin madep kabi gat, ae Telagi Yut Madep dakon obip amin dakon mibiltok amin, ae kila amin gat Yesu abidok do apgwit unun yan yoyigit, “Ji emat agak siba gat ae kindap kirin gat timigek kabo noknok amin kinda nan yan abidok do aban, ma? <sup>53</sup> Nak gildari gildari Telagi Yut Madep da nagalon ji gat kisi egi egi agiman, mani nak dima abidawit. Mani abisok on ji dakon bisap. Abisok pilin tuk dakon tapmin da madepsi asak.”

*Pita da Yesu do wasip yagit*

*(Mt 26.57-58 ae 26.69-75 ae Mk 14.53-54 ae 14.66-72 ae Jn 18.12-18 ae 18.25-27)*

<sup>54</sup> Yesu gen unun yan mudanakwan abidan anan mukwa sogok amin dakon mibiltok amin unun da yutnon awigiwit. Anakwa Pita kagisok da yolgit. <sup>55</sup> Amin diwari unun yut da nagalon kindap sonjek yigakwa Pita yo kisi unun gat yikgwit. <sup>56</sup> Yigakwa oman minat kinda da Pita

uñun kindap da tenjerikon yikban kagit. Pakyanji kanek yan yagit, “On amin Yesu gat kisi egipgumal.”

<sup>57</sup> Mani Pita da wasip yanek yagit, “Minat, uñun amin dima nandan imisat.”

<sup>58</sup> Timisok di egek amin kinda da kanek yan iyigit, “Gakyo kisi uñun da kabikon nani kinda.”

Iyiban Pita da yagit, “Nak dima!”

<sup>59</sup> Awa kalonji da tilagon egek amin kinda da tebaisi yagit, “On Galili amin kinda! Do asisi, on amin uñun gat kisi egipgumal!”

<sup>60</sup> Mani Pita da yagit, “Gen yosol uñun dimasi nandisat.” Gen uñun yanakwan pup unjudon gin yagit. <sup>61</sup> Yanban Amin Tagi da tobil Pita nomansi sintanban kwanek kagit. Kanakwan Pita Amin Tagi da gen iyigit uñun do nandagit: “Abisok kalbi pup gen dima yanakwa gak da kosiri kapbi nak do wasip yokdisal.” <sup>62</sup> Pita uñun do nandanek nagalon da wanga pigi kunam madepsi takgit.

*Yesu jikgo yanjan iminek anakgwit*

*(Mt 26.67-68 ae Mk 14.65)*

<sup>63</sup> Yesu abidawit amin da Yesu abin yip do jigilak yan iminek baljawit. <sup>64</sup> Anek imal nan dabili waman sopmanek yan iyiwit, “Uñun namin da gikdak yan do kombi gen yan ka!” <sup>65</sup> Ae abin yip do anek gen yokwi morapmi di gat kisi iyiwit.

*Yesu gen kokwin amin kabi da inamon gen yan imgwit*

*(Mt 26.59-66 ae Mk 14.55-64 ae Jn 18.19-24)*

<sup>66</sup> Wisa daganakwan Juda amin dakon kila amin gat mukwa sogok amin dakon amin madep kabi gat, ae gen teban yoyindet amin gat gen kokwin ak do muwukgwit. Muwugek Yesu gen kokwin tamokon anki yan iyiwit, <sup>67</sup> “Gak asi Kristo kan, niyiban nandano.”

Yañba yoyigit, “Dayikeñ kañ, ji aripmi dima nandañ gadañ namni. <sup>68</sup> Ae nak da dayikeñ kañ, kobogì aripmi dima nayikdañ. <sup>69</sup> Mani Amin Dakon Monji Piñkop Tapmim Ami da amin tet do kili uñun yitdisak.”

<sup>70</sup> Yañban amin morap kisi da iyiwit, “Do asi gak Piñkop dakon Monji, ma?”

Iyınba yoyigit, “Ji bamisi yoñ. Nak uñun mani.”

<sup>71</sup> Yañban yawit, “On amin gulusuñni dakon mibili nandak do amin di gat yañ yomno nido apni? Iyi dakon gen kaga da kili uñun yañban nandamañ.”

## 23

*Yesu Pailaron añañ kiwit*

*(Mt 27.1-2 ae 27.11-14 ae Mk 15.1-5 ae Jn 18.28-38)*

<sup>1</sup> Yañ yañek uñun amin kabi muwukgwit kisi da pidañ Yesu iyin ilik añañ Pailaron kiwit. <sup>2</sup> Anki wasañek gen yañ imiñek yawit, “On amin da Israel amin kabi nin pañupbal añek nin da Sisa do takis dima imneñ do yosok. Ae iyi do nak kila amin madep kinda, nak Kristo yañ yosok.”

<sup>3</sup> Yañ yañba Pailat da Yesu yañ iyigit, “Gak Juda amin dakon kila amin madep, ma?”

Yañban Yesu da gen kobogì yañ yagit, “Yosol uñun mani.”

<sup>4</sup> Yañ iyinban Pailat da mukwa sogok amin dakon amin madep kabi gat, ae miñat amin morap egipgwit yañ yoyigit, “Nak on amin dakon yokwini kinda dima kosot.”

<sup>5</sup> Yañban gen tebaisi yañ yawit, “On amin Juda miktim kisisi agek amin yoyin degakwan kwen wigik añ. Galili miktimon da pi wasañek añañkwan obiñ idon obik.”

*Yesu Erot ron añañ kiwit*

<sup>6</sup> Yañba nandañek Pailat da yoyigit, “On amin Galili amin kinda bo dima?”

<sup>7</sup> Erot da Galili miktım kila agıt, do Yesu unun Galili amin kinda yan yanba nandajek Pailat da Yesu yipban Erot ron kigit. Unun bisapmon Erot yo kisi Jerusalem egipgwit.

<sup>8</sup> Erot da Yesu kanjek tagisi nandagit. Bisap dubagisok amin da gen bini yanba nandagit, do Yesu da wasok tapmimi ton kinda aban kokej kan tagisi yan nandagit. <sup>9</sup> Erot da Yesu dakon mibili nandak do gen morapmi iyigit, mani gen kobogi kinda dima yagit. <sup>10</sup> Anakwan mukwa sogok amin dakon amin madep kabi gat, ae gen teban yoyindet amin gat da kapmatjok agek gen yan im do pi tebaisi awit. <sup>11</sup> Anakwa Erot gat emat amin kabini gat da jigilak gen yanek abin yipgwit. Anek paba pigik dubak kildani tagisi kinda nan pan iminek yipba aeni tobil Pailat ron kigit. <sup>12</sup> Kalip Erot gat Pailat gat uwal anek egipgumal, mani unun bisapmon gin not agimal.

*Pailat da Yesu tilak kindapmon anjatni do yagit  
(Mt 27.15-26 ae Mk 15.6-15 ae Jn 18.38-19.16)*

<sup>13</sup> Pailat da mukwa sogok amin dakon amin madep kabi gat, ae kila amin gat, ae amin kisi yan yoban opba <sup>14</sup> yan yoyigit, “Ji da on amin nagon anabin unun da amin kwen wigik ani do yoyisak yan nayan. Mani kisin egek unun yo morap dakon mibili nandak do iyit. Ji da gen morap yan imar unun nak da koko bami dima asak. <sup>15</sup> Ae Erot yo kisi yan gin nandajek aeni yipban ninon tobil abisak. Anjatno kimotjak da tilak yokwi kinda dima agıt kosot. <sup>16-17</sup> Yanjo, nak yum baljanek yipbo kisak.”

<sup>18</sup> Mani amin kisi da yan tidanjek yawit, “On amin anakbi kimagakwan Barabas nan yipbi ninon apjak!” <sup>19</sup> (Barabas unun kalip amin kinda anakban kimakgit, ae Jerusalem



kokup papmon Rom gapman gat emat wamgwit, unun do dam tebanon yipgwit.)

<sup>20</sup> Pailat da Yesu pulugan yipban kisak dosi nandagit, do miñat amin kabi madep dakon buri moni do aeni gen yoyigit. <sup>21</sup> Mani aeni sigin yan tidanjek yawit, “Tilak kindapmon anjakgit! Tilak kindapmon anjakgit!”

<sup>22</sup> Yan yanba aeni yoyinjakwan kosiri kapbi anjakwan yan yagit, “Mibili nido? Ni gulusun nan agit? Anjatno kimotjak da aripmon yokwi kinda dima agit kosot. Do yum baljanek yipbo kisak.”

<sup>23</sup> Yanban amin da Yesu tilak kindapmon anjatni do tebaisi sigin yawit. Yan yanakwa Pailat dakon gen tapmimni manjakwan <sup>24</sup> amin dakon geni nandan yominek Yesu kimotjak do yan dagok agit. <sup>25</sup> Anjek amin dakon galaktok yolek amin unun kalip gapman gat emat wamgut, ae amin kinda anjakban kimakban dam tebanon yipgwit, unun yipban kigit. Ae galaktokni yolek Yesu anjakba kimotjak do emat amin da kisiron yipgut.

*Yesu tilak kindapmon anjakgwit*

*(Mt 27.32-44 ae Mk 15.21-32 ae Jn 19.17-27)*

<sup>26</sup> Emat amin da Yesu abidan anjan kosiron kinakwa amin kinda kokup papmon kik do apban kawit, mani Saimon, unun Sairini kokupmon nani kinda. Saimon gen tebai iyinek tilak kindapni kwapmikon yipba guramigek Yesu yolban kiwit. <sup>27</sup> Kinakwa amin morapmisi yolba kiwit. Anjakwa miñat diwari da yolek Yesu do bupmi kap kinda yanek kunam tagek yolgwit. <sup>28</sup> Mani Yesu unun miñat kabi tobil pindagek yan yoyigit, “Jerusalem dakon gwani, ji nak do kunam dima tatni. Disi gat ae miñat monjiyosi gat do tatni. <sup>29</sup> Bisap kinda apdisak unun bisapmon amin da yan yokdan, ‘Miñat monji sun ekwan

ae miŋat monji mini ae miŋat monji da mumi dima naŋbi, uŋun kisik kisik ekwaŋ.’<sup>30</sup> Uŋun biŋapmon amin da kabap yaŋ yoyikdaŋ,

‘Ji tuwil ki maŋ nin witjiŋba paŋilneŋ!’

<sup>31</sup> Wasok yokwi on kindap kalugi pakbini toŋon aŋ kaŋ, ae si kibidosagon niaŋ ani?”

<sup>32</sup> Emat amin da uŋun biŋapmon yokwi pakpak bamori gat kisi Yesu gat dapba kimotni do timik paŋpaŋ kiwit.

<sup>33</sup> Kiŋek miŋtim tim kinda mani Busuŋ Kidat uŋudon Yesu tilak kindapmon aŋagek yokwi pakpak kinda amin tet do, ae kinda gwanderŋ tet do yaŋ dapgwit. <sup>34</sup> Aŋakwa Yesu da yagit, “Dat, diwarini wiririk yobi. Yo aŋ uŋun dima nandaŋ piŋaŋek aŋ.” Yaŋ yaŋakwan emat amin da imalni namin da timitjak yaŋ do wasok kinda awit.

<sup>35</sup> Aŋakwa amin kaŋ agakwa kila amin da yaŋba yokwi tok aŋ imiŋek yaŋ yawit, “Amin diwari paŋpulugagit, do uŋun asi Kristo, Piŋkop da pini asak do manjiŋgit amin kaŋ, iyɪ tagi aŋpulugosak.”

<sup>36</sup> Yaŋ yaŋakwa emat amin uŋun kisi da abiŋek jiŋilak gen yaŋ imiŋek wain isiŋmi iba nosak do <sup>37</sup> aŋek yaŋ yawit, “Gak asi Juda amin dakon kila amin madep kaŋ gaga aŋpuluga!”

<sup>38</sup> Tilak kindapmon but piso gen kinda busuŋni da kwen yaŋ mandawit: ON AMIN UŋUN JUDA AMIN DAKON KILA AMIN MADEPNI

<sup>39</sup> Yokwi pakpak kinda Yesu gat dapbi uŋun da yaŋba yokwi tok aŋek Yesu yaŋ iyigit, “Gak Kristo, ma? Gak gaga aŋpulugaŋek nityo kisi paŋpuluga!”

<sup>40</sup> Yaŋ yaŋban yokwi pakpak teri kinda aŋakbi uŋun da gen tebai yaŋ iyigit, “Gak Piŋkop do dima pasoldol, ma? On amin da tepmi pasak nityo kisi yaŋ giŋ pamak. <sup>41</sup> Nit

**23:30:** Os 10.8; PA 6.16

**23:34:** Kap 22.18; Ais 53.12

**23:35:** Kap

22.7-8

**23:36:** Kap 69.21

asi yokwi agimak, do kobogŕ yokwi pamak, mani on amin yokwi kinda dima agit.”<sup>42</sup> Yanŕ yanŕek yagit, “Yesu, gak kila amin madep man paki bisapmon nandanŕ nabi.”

<sup>43</sup> Yanŕban Yesu da gen kobogŕ yanŕ iyigŕt, “Asisi gayisat, gak abisok nak gat Paradais kon egŕpdamak.”

*Yesu kimakgŕt*

*(Mt 27.45-56 ae Mk 15.33-41 ae Jn 19.28-30)*

<sup>44-45</sup> Uŕun bisapmon gŕldat dabil pilin tuksi agit, do 12 kilok anŕkwan miktŕm kisi pilin tuk anŕkwan kiŕ pilindo 3 kilok agit. Anŕkwan Telagŕ Yut Madep dakon yoma imal uŕun kwen da sulugŕ piŕ mibilikon daganŕ ki timi bamori agit. <sup>46</sup> Anŕkwan Yesu uŕun gen papmon da yanŕ yagit, “Dat, wupno gak da kisiron yŕpmanŕdat!” Yanŕ yanŕek kimakgŕt.

<sup>47</sup> Yanŕ aban kanŕek emat amin dakon kila amin da Piŕkop anŕkisiŕnek yanŕ yagit, “Asisi, on amin kilegŕsi egŕpgut.”

<sup>48</sup> Amin kabi madepsi yo noman tawit uŕun pŕndat do apgwit uŕun pindagek bupmŕsi nandanŕek tobil yutnikon kiwit. <sup>49</sup> Mani miŕnat amin morap nandanŕ imgwit gat, ae miŕnat Galili da Yesu yolek apgwit uŕun gat dubagŕkon da agek yo noman tawit uŕun pindakgwit.

*Yesu dakon bumjotni tiŕ kinamon yŕpgwit*

*(Mt 27.57-61 ae Mk 15.42-47 ae Jn 19.38-42)*

<sup>50-51</sup> Amin kinda egŕpgut mani Josep. Uŕun Juda dakon kokup pap kinda mani Arimatea uŕudon nani. Uŕun amin tagŕsi ae anŕpakni kilegŕsi. Ae uŕun Piŕkop da amin kila akdisak uŕun do jomjom anŕek egŕpgut. Uŕun Juda amin dakon gen kokwin amin kabikon nani kinda, mani gen kokwin amin kabi notni Yesu do nandak nandak awit ae yo awit uŕun do but kalonŕ dima agit. <sup>52</sup> Josep uŕun Pailat ron kiŕ Yesu dakon bumjotni abŕdok do iyŕban nandanŕ

ingut. <sup>53</sup> Aban Yesu dakon bumjotni tilak kindapmon naŋ abidaŋ abin imal kwakwagi kinda naŋ wamgut. Wamaŋek aŋki kimakbi tamo kinda kalip tipnaŋ pasiwit, ae bumjot kinda unudon dima yipbi, unudon yipgut. <sup>54</sup> Sabat dakon yo paŋtagap ak bisap, Nengokon yipgut. Sabat bisap unun kili wasok do agit. <sup>55</sup> Miŋat Galili da Yesu gat apgwit unun Josep yol aŋkiŋek tip kinam unun kawit. Ae Josep da Yesu dakon bumjotni niaŋon da yipgut unun kisi kawit. <sup>56</sup> Kaŋek yutnikon tobiŋ kiŋ bumjotnikon yop do marasin gat ae pakbi kibaŋi tagisi gat paŋkosit awit. Mani Sabat dakon gen teban yolek yik yawot awit.

## 24

*Yesu kimoron da pidagit*

*(Mt 28.1-10 ae Mk 16.1-8 ae Jn 20.1-10)*

<sup>1</sup> Sonda wisa dagokdosi miŋat kabi unun yo kibaŋi tagisi kili paŋkosit awit unun timigeŋek tip kinamon kiwit. <sup>2</sup> Kiŋ kaŋba tip madep tip kinam soggut unun kili aŋtobilba kigit kawit. <sup>3</sup> Mani piŋi Amin Tagi Yesu dakon bumjotni dima kawit. <sup>4</sup> Bumjotni dukwan tosok yaŋ nandaŋek but morap aŋek egakwa unudon giŋ amin bamori kapmatjok altaŋek akbal pindakgwit. Unun dakon imalni da mal dakon tenŋenji yombem madepsi tenŋenjawit. <sup>5</sup> Aŋakwan miŋat da pasol pasol madepsi nandaŋek mukgwan gawakwa amin bamot da yaŋ yoyigimal, “Ji nido kimakbi tamokon amin egip egipmi toŋ unun wisan? <sup>6</sup> Unun idon dima egisak. Kili pidak. Galili miktimon egek gen kinda dayigit do nandani. <sup>7</sup> Yaŋ dayigit, ‘Amin da Amin Dakon Monji yokwi pakpak da kisiron yipba tilak kindapmon aŋakba kimotdisak. Ae gildat kapbi egi mudanek aeni

pidokdisak.’” <sup>8</sup> Yarj yarjbal nandanejek Yesu da gen kili yoyigit unun do buri pisawit.

<sup>9</sup> Buri pisanjba tip kinamon da tobil kinejek yo pindak nandanjo awit unun yabekbi 11 kabi gat, ae amin diwari gat kisi yoyiwit. <sup>10</sup> Minjat gen yoyiwit dakon mani unun yarj: Maria Makdala kokupmon nani, Joana, Maria Jems dakon menji, ae minjat notni diwari unun kisi da yoyiwit. <sup>11</sup> Gen unun yoyinba yabekbi kabi da nandaba nugigi gen aban dima nandanjo yomgwit. <sup>12</sup> Mani Pita pidanjo tintim yanjek tip kinamon kinjo pagadanejek pindakban imal dagin tawit. Yarj pindagek yutnon tobil kinejek unun yo morap nianjon da altawit yarj do nandak nandak agit.

*Amin bamori da Yesu Emeas kosiron kagimal*

*(Mk 16.12-13)*

<sup>13</sup> Unun gildaron gin panjetni bamori Emeas kokupmon kik do kigimal. Emeas unun Jerusalem da dubagisi, 11 kilomita da arip tosok. <sup>14</sup> Unun amin bamot kinejek yo morap altawit dakon geni yarj nandat agimal. <sup>15</sup> Yo morap unun do yarj nandat anjek kinjakwal Yesu iyi opban kisi kiwit.

<sup>16</sup> Dabil da kagimal, mani unun Yesu yarj dima kan nandanjo agimal.

<sup>17</sup> Yesu da yarj yoyigit, “Jil ni gen ban yarj nandat anjek kwamal?”

Yarj yoyinban bupmi tomno dabiljo anjek kagimal. <sup>18</sup> Kinda, unun mani Kliopas, unun da kobogi yarj iyigit, “Dubagikon amin Jerusalem apgwit da ekwanjo unun da bikbigon gak kalonjo dagin yo on bisapmon noman tanjo unun dima nandal?”

<sup>19</sup> Yarjban Yesu da yoyigit, “Ni yo?”

Yarjban yagimal, “Yesu Nasaret aminon yo altawit unun do yomak. Unun kombi amin kinda. Gen yagit, ae pi agit, unun Pinjop da dabilon, ae amin kisi da dabilon, tapmimi

torjsi aban kawit. <sup>20</sup> Mukwa sogok amin dakon amin madep kabi gat, ae kila aminin gat da Yesu gapman da kisiron yipgwit. Yanj aba gapman da si anakba kimotjak do gen yanj anteban anek tilak kindapmon anakba kimakgit. <sup>21</sup> Mani nin unjun amin Israel amin yokwikon banj pulugan nipdisak amin yanjon da nandanj imgumanj. Unjun yo morap altanakwa Yesu anakba kimakgit dakon gildatni abisok kapbi asak. <sup>22</sup> Ae nin da kabikon nani minjat di da gen njwaknwarisi niyinjba nandanjanj. Unjun wisa dagokdosi tip kinamon kinj <sup>23</sup> Yesu dakon bumjotni dima tanban kanjek tobil abinj yanj niyimil, 'Nin kinj dipmin yombem kinda kanapno anjelo da yanj niyej "Unjun kalugi egisak." ' <sup>24</sup> Yanj niyinjba notnin di da tip kinamon kinj yo minjat da niyej yanj gin tanba pindanj. Mani Yesu iyi dima kanj."

<sup>25</sup> Yanj yanjbal Yesu da amin bamot yanj yoyigit, "Jil nandanj kokwinjil tagi mini. Kombi amin da gen morap yawit unjun butjilon da tepmi dima nandanj gadamal. <sup>26</sup> Kristo mibiltok tepmi madep panjek don Pinjkop da man madep imjak, jil unjun dima nandanjal, ma?" <sup>27</sup> Yanj yanjek Moses gat ae kombi amin morap dakon gen gat banj wasanjek Pinjkop da papia morapmon gen iyi do mandabi unjun dakon mibili yoyinj tenjentagit.

<sup>28</sup> Kokup unjun kik do agimal unjun ankapmat anakwa Yesu da sanjenjek kik do yanj agit. <sup>29</sup> Mani amin bamot da kirinjik iminjek yanj iyigimal, "Pilin tokdisak do gak nit gat egipnej." Yanj iyinjbal amin bamot gat kisi yutnon wigiwit. <sup>30</sup> Wigi jap noknok tamokon yigek bret abidanj Pinjkop ya yanj iyinjek bret pudanjek yomgut. <sup>31</sup> Yanj aban amin bamot dabilni pisanban kanj nandanjo agimal. Yanj anakwal unjudon gin pasilakwan ae sanjenjek dima

kagimal. <sup>32</sup> Arjakwan amin bamot yan yagimal, “Kosiron Pinjkop da papiakon gen toj dakon mibili niyinjawan butnit madepsi pidan.”

<sup>33</sup> Amin bamot yan yanjek unjudon gin tobil Jerusalem kigimal. Kij panjet 11 kabi gat ae notni diwari gat muwuk egipgwit unjun pindagakwal <sup>34</sup> yan yawit, “Amin Tagi kili pidak da Saimon altañ imik!”

<sup>35</sup> Yan yanba amin bamot da yo kosiron altawit unjun do yoyijek yagimal, “Bret pudanjawan unjudon kan nandanjo amak.”

*Yesu panjetni kabikon altañ yomgut  
(Mt 28.16-20 ae Mk 16.14-18 ae Jn 20.19-23)*

<sup>36</sup> Unjun dakon gen yan nandajek egakwa Yesu bikbik nikon altañ yomijek akit. Agek yan yoyigit, “But yawot jikon tosak.”

<sup>37</sup> Yan yanban amin wup kinda da agek yosok yan nandajek wuripdagek pasalgwit. <sup>38</sup> Pasalakwa yan yoyigit, “Ji nido pasalek but bamot an? <sup>39</sup> Kisit kandapyono do pindakgit. Nak naga akdat. Giptimno abidajek nandabit. Nak kidat sabamyono toj do nandani. Amin wup unjun kidat sabamyoni mini.”

<sup>40</sup> Yan yoyijek kisit kandapyoni yoligit. <sup>41</sup> Yolinban pindagek kisik kisik madep awit, mani but morap nandajek nandaba bami dima agit. Yan nandajekwa yoyigit, “Jikon jap di toj?” <sup>42</sup> Yanban tap kilap kili panjibit abi timisok kinda iminba <sup>43</sup> abidajek nanban kawit. <sup>44</sup> Kanakwa yan yoyigit, “Nak ji gat egipgumañ bisapmon yan kili dayigim: Moses da gen tebanon, ae kombi amin da genon, ae Kap Papiakon nak do gen mandabi da toj unjun kisisi bami altañ mudokdan.”

<sup>45</sup> Yan yarek Piŋkop da papiakon gen toj unun dakon mibili nandaba pisoni do paŋpulugagit. <sup>46</sup> Anek yan yoyigit, “Piŋkop da papiakon gen yan mandabi: Kristo unun tepmi paŋek gildat kapbi egek kimoron da pidokdisak. <sup>47</sup> Aban paŋdet kabini da unun da manon but tobil dakon gen gat, ae diwari wiririt dakon gen gat yoyiŋ tenŋerŋba amin miktimi miktimi ekwaŋ unun da nandakdaŋ. Pi unun Jerusalem kokup papmon da wasaŋek akdaŋ. <sup>48</sup> Ji unun yo morap altawit unun pindakgwit, do unun dakon gen bin miŋat amin morapyo yoyiŋ tenŋerjokni. <sup>49</sup> Nandani! Dat da yo dam do yan teban tok agit unun nak da jikon yabetdisat. Ji tepmi dima kiŋek kokup papmon egakwa Piŋkop dakon tapmim Kwen Kokup da jikon pikdisak.”

*Yesu Kwen Kokup wigigit*

*(Mk 16.19-20 ae Ya 1.9-12)*

<sup>50</sup> Yan yoyiŋek paŋdetni mibilaŋ yomiŋek Betani kokupmon kiwit. Kiŋ unudon kisiri paŋenagek gisam yomgut. <sup>51</sup> Gisam yomiŋakwan gin paŋdetni yopmaŋ degek Piŋkop da aŋaŋ Kwen Kokup wigigit. <sup>52</sup> Wigikwan gawak imiŋek tobil kisik kisik madepsi nandaŋek Jerusalem kiwit. <sup>53</sup> Kiŋ Telagi Yut Madepmon saŋbek saŋbek egek Piŋkop aŋkisiwit.



**PIŃKOP GEN**  
**The New Testament and Psalms in the Yopno Language of Papua**  
**New Guinea**  
**Nupela Testamen na Buk Song long tokples Yopno long Niugini**  
copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

---

PDF generated using Haiola and XeLaTeX on 19 Oct 2021 from source files dated 17 Oct 2021

b683ce50-d820-5bfc-8471-d8ee080be106